

**PETRI CLASENI
LOUANIENSIS ...
TRACTATUS DE
CONTROVERSA
SERVITUTUM...**

Petrus Clasenius, Mart Bas.,
Giovanni Battista Coccini





Ex Bibliotheca
majori Coll. Rom.
Societ. Jesu

27.5.29.
27
6
39



2. e 18



PETRI CLASENI
LOVANIENSIS
I. V. DOCTORIS
3^{ae} Tractatus *loci*
call: DE *Rom*

CONTROVERSA SERVITVTVM
loci Materia: *Testi*
Conclusionibus quibusdam
distinctus;

Harum Vicinarumque
Regionum moribus:

Et quibusdam supremæ
Illustrissimi

BRABANTIE DVCATVS

CVRLE arrestis
exornatus.

LOVANIÆ.
Typis Phil. Dormalij.
eb. lœc. XXXII.

Ex Legato M. M. Cocini

BIBLIOTECA HAZ
ROMA
VITTORIO EMANUELE

ILLVSTRISSIMO
 EXCELLENTISSIMOQVE
 PRINCIPI
 PHILIPPO CAROLO
 DVCI ARSCHOTANO,
 EQVITI AVREI VELLERIS,
 COMITI ARENBERGIO,
 BARONI DE SEVENBERGHE,
 Quicuraing, Caumont, &c.

DOMINO SVO.



*L*ibrum scripsi, ILLVSTRIS-
 SIME PRINCEPS,
 non ut posteritatis Fa-
 mam lacefferem, sed ut
 tua Gloria cum alijs ap-
 plauderem. Is est DE
 SERVITVTIBVS, ut hoc
 titulo me ILLVSTRISIME TVÆ EXCEL-
 LENTIÆ mancipatum profitear, & æternum
 A 2 obse-

obsequium praesentem. Non nescius sum, maioris calami monumentum GLORIAE TVAE dicandum fuisse, sed hic erat primus ingenij mei factus, nec poterat felix aut vitalis esse, nisi Heroïci patrociniij tui benignâ aurâ reficeretur; deinde ad unicum in Brabantia nostrâ Ducem & Primatem iure quodam tendebat. Quippe cum in Consistorio Sylvestri de Merdael, quod Heuerla est, iudicem agam; debebat primum hoc industria mea opusculum, ILLVSTRISSIMAE TVAE EXCELENTIAE offerri, ad quam eius loci dominium aliquando, si vitam fata concedant, spectabit. A laudibus verò recensendis de industria abstineo, veritus ne culpâ Ingenij potius deteram, quàm stylo ornem. Sciunt illas Belgæ nostri, sed & exteri: cum nec Arenbergica Domus lumina latere possint, nec Arschotana Familiae Inclyti Heroës ignorari. Tanta utrobique lux est Virtutis, tantus splendor Gloria, tot & tam praeclara apud Principes, Reges, Caesares merita ut in conspicuo ubique sint. Honorum omnes Gradus utraque Domus sibi vendicavit, & in omnibus trophaum sibi positum vidit. Verbo dicam, Togam & Sagum ita hactenus tenuit, ut in

ut in eâ Rempub. summâ cum Gloriâ orna-
rit; in hoc Patriam vniuersam admirandâ
Virtute propugnarit. Nosse omnes Herôes
illos qui cupit, TVAM EXCELLENTIAM no-
scat. In eâ Hispaniarum & Indiarum Mo-
narcha nuper vidit, quod & admiraretur, &
amaret, & ornaret. Legatum à Serenissimo
gloriosissima memoria Principe ALBERTO
ad se missum Te benignissimè excepit, sed
amplius te Belgij sui Heroum praclarissimum
Decus perlubenter est amplexus. Vt nimi-
rum iam omnes intelligant, quanti facere
TVAM EXCELLENTIAM debeant, quam
Rex tantus tanto amore & honore dignatur.
Ego sanè cum de reliquorum sensu non dubi-
tem, exprimere animum meum & debui,
& volui. Habes illum, ILLVSTRIS-
SIME PRINCEPS, hoc libello expressum, quem ut
tuâ beneuolentiâ digneris, rogo: & offeren-
tem ILLVSTRIS-
SIMÆ EXCELLENTIÆ
TVÆ SERVITVTEM, in tuorum tui obser-
uantissimorum Clientum numerum referas,
id verò vel maximè exopto.

EXCELLENTIÆ TVÆ

Alterno obsequio mancipatus Cliens

PETRVS CLASENIVS I. V. Doctor.

CLARISSIMO
 CONSVLTISSIMOQVE
 VIRO DOMINO
 D. PETRO CLASENIO,
 I. V. DOCTORI
 præstantissimo.

Doctor es assumptus meritò; nec sufficit, ast tu
 Doctoris duplici fungeris officio.
 Si desit praxis, manca est sapientia Iuris,
 Sic sine praxi manca est sapientia; sed
 Tu Iuri praxin iungis, latebrosaqué Iuris
 Lemmata dissolui quâ ratione queant:
 Atque viam ostendis facilem, quæ tramite certo,
 Ad rectę praxis templa gubernat iter.
 Immenfas referet grates tibi sera Iuuentus;
 Spargetur nomen docta per ora virum.
 Perge bonis auib; columenque decusque Licæi
 Atque Atlas vrbis Louanienfis eris.
 PATRI decus Patriæ, faciles cui munera Diui
 Omnia munificâ contribuere manu.
 Te puerum vix linguentem cunabula, Musæ
 Certatim donis excoluere suis.
 Scilicet in vestro geniales pectore Musæ
 Numinis effigiem constituere sui.
 Hinc amor, & purus candor, seu copia fandi,
 Tinctaqué Cecropio carmina melle fluunt:
 Oraque si culto sermone diserta resoluís,
 Crediderim, Musas hoc ego more loqui.
 I pede felici, quò te vocat ardua virtus,
 Naturæ pereant ne bona tanta tuz.
 I fausto gressu, quò te vocat ardua virtus,
 Si modò sic pergas, Papinianus eris.

Cum

Cum te formarit Iuris natura peritum,
 Præclarum Iuris nomen & omen habes.
 Ad maris Hesperij littus, solemque cadentem,
 Gloria vos humeris deferet alta suis.
 Donec in occasum roseo voluentur ab ortu,
 Donec in oceanum sydera prona cadant:
 Vestraugebuntur laudes, tua Gloria viuet,
 Nec erit ingenij fama sepulta tui.

MAXÆMILIANVS WITTEBORT
 I. V. Doct. & Ordinarius Regiæ Maiestatis
 Cathol. in Senatu Hannoniæ Consiliarius.

Ad Clarissimum Virum
 PETRVM CLASENIVM, I. V. Doct.
 Collegam, suum DE SERVITVTIBVS
 Tractatum edentem.

Ivre, tuo, CLASENI, nostrum nunc quoque nomen
 Pendam operi, titulo qui tibi iunctus eram:
 Doctoris pressis nostros dum Laurea crines,
 Ambiuisti, humeros purpura sacra meos.
 Hoc tamen ante-venis properis nos passibus, offers
 Tam citò dum CLARI nominis auctor opus,
 Impatiens tenebrarum. Hoc urge more modò,
 Nec pigeat claros dicier inter auos.
 Vnicus ingenium liber hic testetur abunde,
 Ac seruire neget, vile vel esse Tibi.
 Rustica qui plenè, quique urbana iura tuetur,
 Vtraque quà ruri, quaque homini apta docens
 Seruire: ac mores quid de his, quid Arista loquantur,
 Lata ferè à Synedris plura, Brabante, tuis.
 Id superest, simili post-hac ut luce stiloque
 CLARIFICET Iuris nubila CLASENIVS.

GVILIELMVS MASIVS Leendanus,
 Iuris Vtriusque Doctor.

Pet. Cla-
 senius,
 Guil.
 Masius,
 & Val.
 Andreas
 I. V.
 Doct.
 renütia-
 ti 1621,
 22. No-
 uemb.

AD EVNDEM.

SOL decimus, CLASENI, atq; alter obambulat orbem;
 Quando tuas cinxit Laurea ferta comas:
 Post Repetita diu SERV I certamina Iuris,
 Ille licet premeret legibus, iste strophis.
 Applausit tunc Iure tuis Academia palmis:
 Visa tibi jam tum Iustitia alma suum
 Præbere est gladium, libramque; atque abdita Iuris
 Credere, quò THEMIDOS Oedipus esse queas.
 At verò argenti profint quid pondera, & auri,
 Solis si terræ visceribus lateant?
 Quid placita EVNOMIA, septis si clusa Scholarum,
 Si non ex illo fonte perennet honos?
 Ergò posteritas grates tibi grata reponet,
 Dum vulgant Lauri proelia præla tua.
 Nempe, BONVM FACTVM. cernet sic fera Iuventus
 Certata in patrijs bella tibi GRVDIIS:
 Quæis modò defensor, modò sis offensor; & arma
 Ipse tuo regeras iudicio atque stilo.
 Qui nunc applaudet CLASENI Academia palmis;
 DOCTOREM quando prædicat illa suum?

Repetijt
 pro Lic.
 Servi-
 tutum
 materiã,
 1610.
 13. Se-
 ptimb.

VALER. ANDREAS, Desselius, I. V. D.
 & L. Hebr. Prof. Publicus.

CLA-

CLARISSIMO VIRO
D. PETRO CLASENIO,
SUPREMA I. V. LAVREA
INSIGNITO,
ET DOCTORI RENVNTIATO.

Bene est, CLASENI, Lauream IVRIS tenes
Et Iure summam: summa nam summos decet.
Bene est, reportat debitum VIRTUS decus,
Virtute partum: namque virtutum est decus.
Cum IVRE VIRTUS dum tuum sedem sibi
Elegit animum, nexuit LAVRVM sibi,
Et crevit in te. Namque NATURA DVCE,
Dum quaris ipsum IVRIS excelsi decus
INDVSTRIA mox COMITE perfregit labor,
Multoque merito plenus obtinuit Decus.
NATURA sic te tollit, atque INDVSTRIA,
Aliunde ne sis magnus, & tantum tuus;
Ornare LAVRVM quam capis, certè potes:
DE SERVITVTE testis est doctus Liber,
INDVSTRIÆ qui primus est factus tua,
Et LAVREÆ victura laus semper tua.
Sic SERVITVTEM scribis, ut regnes diu
Sic LAVREAM fers DOCTOR, ut regnans diu
Vigeas, triumphes, floreas, Doctus mices,
Et Aliorum IVS fiat ut CLASENIVS.

OCTAVIANVS VANDEN SVRPLE;
I. V. Licentiatus.

A

EL

E I D E M.

Enuce si nucleum esse cupis, diffringere oportet
Frangit namque nuces, enucleare petens.
Vndas si cupias è Phæbi sumere fonte,
Vnde nouem Musas sæpè bibisse ferunt:
Fas est, vt molli recubes Heliconis in vmbra
Gorgonij dulcis qua fluit humor equi.
Si caput ingenuas optes efferre per artes,
Debes Pierijs inuigilare choris.
Rustica si rectè cupias, vrbanaque nosse
Prædia, tractatum perlege CLASENII.
Illius exoptans Iuris penetrare medullas:
CLASENIANÆVM volue reuolue librum:
CLASENII librum voluas, ipsumq; reuoluas
Is seruire etenim rura domosque docet.

SYLVESTER VANDER
HOFFSTADT.

AL.

ALLVSIO

Ad Cognomen gentilitium, Matris
dum vixit Authoris,

DOMICELLÆ IOHANNÆ
VANDER HOFFSTADT,
HOFF VANDER STADT,
Id est
HORTVS CIVITATIS.

Ω'δῃ τρικῶλῃ τετρασρόφῃ.

Hortis utilitas iuncta benignior,
Cultorique anido certa subit comes
Par huic diu voluptas,
Cum flos versicolor nitens
Disperso fluitans gramine, gemmeis
Tellurem gravidam pingit honoribus:
Nec defessa canoros
Pergit fundere aus sonos;
Dum cinctus viridi tempora pampino
Liber, vota fauens ducis ad exitus
Cultorum: Ast aliorum
Alter me rapit hortulus.

Cuius

*Cuius Musa volo mittier in solum,
In quo diua comes versicoloribus
Degam floribus: isthic
Ridens me bect hortulus.*

*En hic ingenij gratia primitus,
Inuictusque labor promicat; ex eo
Leucis scitia chartis
Digna, elucet amabilis.*

*Horto hoc ingenij viua sagacitas
Florens conspicitur, fœta peritia
Quæ Iuris Genitrix: me
Oblectat paradysus hic.*

*Spectari volupè est, ducere Gratias
Virtutesque choros, frondèque, floréque;
Dotes texere sertum
Sponte has: me iuuat hortus hic.*

*Quem delectat odor, quem recreat color,
Appellat, dabitur copia cornibus
Plenis: nulla recurret
Pòst, his, amule, bruma iners.*

M. P E T R V S V T E M
I. V. Candidatus.

PE

PETRI CLASENI
 IVRISCONSULTI
 TRACTATUS
 DE
 CONTROVERSA SERVITVTVM
 MATERIA,

Conclusionibus quibusdam distinctus.

CONCLUSIO PRIMA.



ERVITVS quatenus fundi est, definitur esse ius in re alij constitutum, ius domini minuens, alterius augendi causâ, vt cogatur dominus aut quid non facere in suo, aut alterum facientem pati: estque alia realis, personalis alia.

S V M M A R I A,

- | | |
|--|--|
| <p>1. Dissertatio sexti Cæcilij l. C. & Phauorini Philosophi, quo ad obscuritatem ll. 12. tab.</p> <p>2. Seruitutis, vti & verbi seruire significatio multiplex.</p> <p>3. Definitio seruitutis prædialis à Barth. tradita.</p> <p>4. Egregium Pithagoræ dictum.</p> | <p>5. Argumenta Corasij, quibus Bartholi definitionem euertere conatur.</p> <p>6. Eiusdem à Corasij aliorumq. impetitionibus defensio.</p> <p>7. Cuiacius notatus.</p> <p>8. Intellectus l. 1. D. de usufructu legato.</p> |
|--|--|

B QVOD



VOD olim Phauorino ce-
 lebri Philosopho, Roma-
 næque rei peritissimo, de
 Iuris Duodecim Tabula-
 rum obscuritate conque-
 renti, grauissimè respon-
 debat, *teste Aulo Gellio*
noct.attic.lib.20.c. 1. Sextus Cæcilius, præclari
 nominis vir, & autoritate illustri Iurisconsul-
 tus: obscuritates istas Legum Decemuiralium,
 non culpæ scribentium ¹, sed inscitæ non as-
 sequentium assignandas esse. Id equidem vel
 maximè respondendum arbitror, omnibus il-
 lis, qui de iure circa seruitutum materiam ver-
 santes, quasi vel obscurissimo, vel intricatissi-
 mo passim conqueruntur. Obscuritates enim
 istas, hac in parte, non tam Iuris conditi per se-
 se vel difficultas, vel perplexitas peperit, quàm
 interpretum nostrorum cœcitas inuexit. Nos,
 in præsentia, non omne sigillatim quidem ius
 de seruitutibus sparsim loquens excutiemus;
 sed quatenus conclusionum nostrarum termi-
 ni patientur, breuissimè docebimus.

Verumenimuerò, quamuis (non illibenter
 profiteor) nunquam tractatus hic lucem publi-
 cam

cam aspexisset, nisi crebris amicorum monitis, atque quotidianis Doctorum virorum efflagitationibus excitatus, & necessitate quadam huc tandem compulsus fuisset, (nam cum illis & me & mea omnia etiam secretiora communicarem, coeperunt tandem & illi, id suo quasi iure à me petere) tamen animus poenè aberravit, suspensus curis maioribus. Et dubitatum est sæpè (ut quod res est dicam) satiusnè omninò foret, hæc quæ mihi & priuato vsui meditatus eram, intra domus Cancellos detinere; quàm ea nihilominus, de aliorum potius, quàm meâ voluntate, prælo typisue committendo; populi os iudiciumque in re præsertim tam scrupulosâ, tam anxîâ admittere. Si enim rudiora & ex medio deprompta adferam, tanquam sæpius repetita vitio vertet: subtiliora illa & ex medijs scholis deducta, velut exilia nimium reprehendet; itaque in hoc quidquid est umbratilis simulacri, multorum subeunda nobis erit censura. Summa sanè ingenia, non sine magno Reipublicæ incommodo, iniqua hæc alienorum scriptorum censura coercuit: & intra priuatos parietes limitesque coegit, ne quid laude dignum in publicum promere auderent. Ut-

cumque cadat, iacta tamen est alea. Neque enim sale intinctos nigro moror, qui ex alienâ laude ægrotantes, optimum quemque procaciter lædere, dignitatem labefactare, virtutem denique calumnijs oppressam extinguere conantur: vt quoniam nulla sua industria, nulla eruditione, cuius inopes sunt ac egentes, celebriorem alicuius nominis famam adipisci queant, in laude ponant virtutis alienæ obtrectionem. Ego illos quasi τῶς ἐντερεῖ floccipendo.

Μιμῶμεταί γὰρ τις μᾶλλον ἢ μιμῶμεταί. Ὅτι ραώτερον τὸ ψέγειν.

Candoris verò erit, qualescumque conatus nostros benignè interpretando, facili fauore complecti, & æqui bonique consulere.

Cæterum, ad institutum nostrum quod attinet, vt planissimè rem explicemus, sciendum est, verbum seruire diuersimodè seu variè apud
 2 Authores sumi, 2 quandoq; enim significat idē, quod vtile esse. Quo respexit Cicero, dū ait se sibi seruire & cōsulere *in oratione pro Plancio*. Nec eget admonitione, verbum seruire frequenter accipi pro sese accommodare: sic seruire populo, seruire scenæ, tempori, vento, rectè dicimus; quemadmodum idem Cicero alijq; veteres dixere, illaque locutio est è mero latio.

καὶ τοῦ

Καὶρὸν λατρεῖν, μὴτ' ἀγλιπτεῖν ἀνέμοισιν.

Vt eleganter iuxta ac eruditè, nec minus lepidè, huc alludens ait Phocylides. Seruitus quoque diuersimode accipitur, sed præcipuè dupliciter apud Iurisperitos; primò pro subiectione & obligatione, quæ est in re alterius, vt ipsa quodammodo seruiat alteri. Secundò sumitur pro iure, quod respondet illi obligationi: quomodo accepta supra à nobis definita est. Porro alia est seruitus personalis, quæ à re personæ debetur, alia est seruitus quæ à prædio prædio debetur, quam prædialē nuncupamus, ynde prædiorū iura dicuntur, item seruū prædium, quod libero opponitur. Sic enim ait Paulus, *quod si seruum prædium in traditione fecero, quod liberum tibi tradere debui l. si tibi liberum D. de act. empt.* & optimo iure ea sunt prædia, quæ plena conditione sunt libera, vt venustè scribit Cicero *de lege Agraria*. Hanc autem seruitutem prædialem, definit Bartholus *in l. 1. D. de seruit. Esse ius quodam prædio inherens, ipsius utilitatem respiciens, & libertatem seu ius alterius diminuens.* 3 Et Hanc Bartholi definitionem omnes hætenus vno ore approbarunt & secuti sunt. Sed Ioan.

Corasius eam multis improbare contendit, inquit Costalius *ad d. l. 1. aduersar. part. 2.* qui defensionem eius tanquam alieni instituti aut alienæ farraginis, sicco pede præterit & pertransit, nos eam assumemus; non quod potior apud me sit antiquitatis causa, quod ea (vt aiebat 4 Pythagoras) propius accedat ad Deos, & non ita vulgi opinionibus sit corrupta. Planè in pari causa, veterum opinione vti per me licet quando recentiorum sententiæ & diuinationem habent, & nihilo vetere probabiliore sunt: verum quandoq; ad recentiores discessionem facere, nos iuris cogit autoritas. Ac proinde, nequaquàm nimio antiquitatis studio, sed quod veritati consentaneam arbitrer, eam propugnare conabor, atque adedò operæ pretium duxi, nec ab instituto hoc meo alienum, eius argumenta sigillatim refellere.

Quod eo aggredior lubentius, quod maxima Bartholi, excellentissimi illius interpretis penes me sit autoritas; in iure quippe, quatenus id sine antiquitatis peritia intelligi potuit, fuit citra omnem dubitationis aleam versatissimus, atque id præstitit etiam, quod politiorum studiorum disciplinis instructi præstitere perpauci.

Nam

Nam antiquitatis imperitia non tam ipsi quàm imperito & incondito rei litterariæ patrum ævo tribuenda venit. Fateri quidem cogimur, hunc interpretem politioris litteraturæ fundamentis destitutum & multitudine commentariorum, implicatum, sæpè impegisse; verùm sanè al. c. num videri debet illorum iudiciū, qui studiosam iuuentutem, deinde praxi Addictos Viros, à lectione huius interpretis abstertere desiderant: qui tamen præclarissimè de iure nostro meritis est, cum in vniuersum ius nostrum, nedum contemnenda sed illa commentaria scripserit, ad quæ omnes Aduocati, Patroni, Arbitri, Iudices, in quæstionibus quas innumeras dies suppeditat recursum habere coguntur, vt nedum fatentur Disertissimi Præclarissimique tam huius quàm superioris æui Iurisconsulti, & id genus alij in bonis Authoribus Versatissimi Viri, sed etiam quotidiana rerum experientia demonstrat.

Erit igitur hic mihi conflictus cum Corasio. Negat ipse Bartholi definitionem rectam, ac Iuri conuenientem: ego autem affirmo atque contendo contrarium; Argumenta itaque Corasij perscrutari lubet. Obijcit primo Corasius.

Defi-

5 5 *Definitio bona non est, quæ cum suo definito non conuertitur l. 1. §. dolum. D. de dolo. Hanc autem istiusmodi esse probat euidenter l. 1. §. fin. D. de aq. pluui. arcend. Vbi si lex agri non inueniatur, agri naturam seruandam esse præcipit Vlp. quæ est ut ager inferior, superioris aquam ad eum defluentem recipere teneatur. Quod ius prædio superiori inhaeret, eius utilitatem respicit, & inferioris agri utilitatem minuit, & tamen non est seruitus, ut Vlp. illic semel atque iterum ostendit. Primum in vers. sanè, dum ait: sanè & in seruitutibus, hoc idem sequimur. & in fine, dum inquit, eritq; ista quasi seruitus.*

Secundò, ita pergit Corasius: *Aqueductus seruitus, non semper inhaeret prædio l. 1. §. prætereà labeo. D. de aq. quotid. & astiu. At aqueductum seruitutem nemo negauerit l. 1. D. de seruit. rust. præd.*

Denique ita scribit Corasius: *Tertiò seruitus constitui potest, etiam non respiciens vicini prædij utilitatem l. ei fundo hoc tit. & patet in seruitute pecoris pascendi, quæ tametsi prædialis sit l. pecoris. D. de seruit. rust. eius tamen commoditas plerumque persona non*

non pradio quaritur. Accurs. in l. 1. §. in prædijs D. de servit. rust. Sic in servitute haustus aquæ l. Mela. §. quidam D. de aliment. & ci-bar. legat. Hæc Corasius.

Verumenimuerò mihi tanti non videntur, vt à priori sententiâ quemquam dimouere debeant: quamuis enim colore quodam adumbrata sint, penitiùs tamen inspecta, ad enervandam Bartholi definitionem, nullius sunt ponderis aut momenti; diligenter quippe expensa, & ad Iuris veritatē accommodata, non sunt quæ penetrent, aut perimendi vim vel effectum habeant. Vt enim incipiam ab hoc ultimo,⁶ constat seruitutem ita demum rectè constitui, si intersit vicini cum ea ceditur, eandem habere; vnde consequens est, seruitutem constitui non posse, nisi quæ vicini prædij utilitatem complectatur, nisi prædij dominantis commodum respiciat. Idquè manifestis Iuris textibus conuincitur. Primò enim confirmatur expresso textu *l. quotiens 15. in prin. de servit.* in quo ita Pomponius. *Quotiens nec hominum, nec pradiorum seruitutes sunt: quia nihil vicinorum interest: non valet.* Non subsistit igitur seruitutis constitutio, si nihil vi-

C cini

cini interfit, quod per exempla inibi clarè explicat Iurisconsultus.

Secundò, idem haud obscurè confirmat *l. si ades 38. D. de seruit. urb. præd. vbi Paulus; si ades mea à tuis adibus tantum distent, ut prospici non possint, aut medius mons earum conspectum auferat: seruitus imponi non potest.* Rationem subiungens sequenti lege: *Nemo enim proprijs ædificijs seruitutem imponere potest, nisi & is, qui cedit, & is, cui ceditur, in conspectu habeant ea ædificia, ita ut officere alterum alteri possit.* Planè debet subesse ad minus possibilitas futuræ vtilitatis, ut seruitus licet nunc nullam vtilitatem habeat, aliquando tamen utilis esse queat, alioqui certè non valitura. *d. l. si ades*, veluti si impossibilitas appareat, ac futura nulla speretur vtilitas

Tertiò, subscribit his quoque Neratius *in l. de interdicto 6. de aq. quotid. & astiu.* Vbi generaliter tradit, in seruitutibus constituendis & nominandis, naturam ipsarum rerum & vtilitatem fundorum dominantium considerari debere.

Huic tamen decisioni non mediocriter aduersari

uerfari videtur, responfum Labeonis, dicentis, *Ei fundo, quem quis vendit, feruitutem imponi, et si non utilis fit, posse existimo: veluti, si aquam alicui ducere non expediret, nihilominus constitui ea feruitus possit. Quidam enim habere possumus, quamuis ea nobis utilia non sunt.* In constituendis feruitutibus nulla prædiorum dominantium utilitas desiderari videtur. Quid dicendum est? tractatur in eo loco de feruitute imponendâ. Feruitutis constitutioni authoritatem dat non tantum præsens utilitas, vt puta si feruitus statim sit utilis vicino prædio; sed et si nulla præsens versetur, futura utilitas feruitutis impositioni authoritatem dabit. Et præsens igitur, & futura utilitas, modò prorsus non impossibilis aut desperata, constitutam feruitutem validam efficit. Sed præsens utilitas eam conualescere, ad actumque statim deduci posse efficit: imposita verò absque præsentis utilitate, statim quidem subsistit, inducitque ius & obligationem, necnon valet quoad actionem, si quid fortè fiat, quod impositæ feruituti contrariatur: secus verò quoad utilitatem & exercitium. Nulla proinde feruitus constitui potest, nisi prædij dominantis uti-

litem respiciens. Planè id non vsque adeo strictè intelligendum est, vt seruitus imposita, si fortè noceat ea magis prædio vicino quàm profit, idcirco statim seruitus esse desinat; ponamus aquæductum per tuum mihi fundum cessum tantà aquarum affluere copiâ, vt fundus meus cui is constitutus est, sæpius inundationem patiatur; utilis hoc quidem casu seruitus non est, & interfuerit magis mihi Domino eam constitutam non habere, manet tamen seruitus: Si quæ enim sit naturâ sui utilis, subsistit, quamuis in hypothesi illi inutilis sit; vt legatum non omnino inutile, cum rei quidem commercium per se est, quamuis legatarius id non perinde habeat *l. 40. l. filiusfam. 114. §. si quid D. de legat. 1.* vt in bonis censetur quicquid dominij nostri, etsi non beat. *l. 49. D. de verb. signif.* Atque eo sensu intelligendum prædictum Labeonis responsum censeo. In seruitutis igitur constitutione suffecerit hoc agi, vt ea in utilitatem locorum dominantium cedatur, etsi euentu fortuito ea plus incommodi, quam commodi aut emolumenti adferat.

Planè quod ex *l. pecoris 4. de seruit. præd. rust.* adfertur, intentioni Corrasianæ nequaquam

quam suffragatur, imò refragatur : quoniam utique ibi servitus pecoris pascendi spectat ad utilitatem prædij vicini, quod manifestè textus indicat, quia additur ibi, servitutem eam ita rectè constitui, si servitus prædij maximè in pectore, id est, pastu pecoris consistat.

Certum quidem est, neque inficiari possumus, quin etiam personæ, fundi vicini nimirum domino, servitus pecoris pascendi vel ad aquam appellendi constitui queat *l. mela 14. §. fin de alim. & cibis. legat.* verùm hoc casu servitus non realis seu prædialis est, sed personalis. Servitus realis imponitur ad utilitatem prædij; personalis ad emolumentum personæ. E re tamen personæ etiam id esse intelligendum est, quod amænitatis aut voluptatis, animique recreandi causâ habetur *leg. 3. in prin. de aq. quotid. & asiu.* Utilitatis quippe significatio tam latè patet, ut omnem omnino commoditatem, & omne compendium, & id quod nostrum interest, complectatur *l. 2. §. fin. D. de act. empt. l. 1. §. hac verba. D. ne vis fiat ei qui in possess. missus.*

Vnde (ut & ea quæ secundo loco mota sunt, congeramus ac depromamus) per se elicitur

C 3 respon-

responsio, ad *l. 1. §. praterea Labeo. D. de aq. quotid. & astiu.* quoniam seruitus aquæductus interdum ad emolumentum prædij, interdum ad commodum personæ imponitur. Nam quemadmodum aqua duci potest, non solum quæ ad irrigandum agrum, verum etiam omnis ea, quæ vsui nostro & commodo quomodocumque seruire potest. Ita aquæductus quamuis regulariter sit prædialis *l. 1. & l. pecoris. D. de seruit. rust. præd.* plerumque tamen intuitu personarum, atque ad earum commoditatem imponitur, & personis non fundis quæritur; quo casu non est mirum, si seruitus aquæductus magis hominum quàm fundorum commoditatem respiciens, & personalis censetur, cum sit diuersa distinctaque species, definitionis Bartholinæ ambitu non comprehendatur. Sic hauriendi ius non hominis, sed prædij est, inquit Pomponius *l. si mihi 20. §. 3. d. tit. de seruit. rust. præd.* Interdum tamen hominis, non prædij est. *l. 14. in fi. D. de aliment. & cib. legat.*

Aggrediamur nunc primum Corasij argumentu: quod etiam si primâ fronte speciosum videatur, & aures accipientium demulcere;
tamen

tamen si paulo accuratius excutiat, non idem consequetur. Etenim hæc inspectio & consideratio labefactare Corasij opinionem poterit, tantum abest, ut conueniens adminiculum præbeat. Si lex agri non inueniatur (ait ille) agri naturam seruandam esse præcipit Vlp. quæ est ut ager inferior superioris aquam ad eum defluentem recipere teneatur, quod ius prædio superiori inhæret, eius vtilitatem respicit, & inferioris libertatem diminuit. Quid tum postea? An illud quoque verum est, quod præsupponit, non esse seruitutem; quod neutiquam credo. Nam si consideremus fundi naturam, quâ inferior ager superioris aquam recipere teneatur, non incommodè inter seruitutes recenferi potest, cum inferiore locum superiori seruitutem debere respondeat idem Iurisconsultus Vlpianus in *l. 1. §. pen. & ult. l. 2. de aqu. plu. arc.* atque adeo propter agri naturam & vetustatem temporis easdem actiones & remedia tribuat, quæ pro alijs seruitutibus competunt. Quid amplius? Paulum audi Iurisconsultum, quo meliorem non potes excogitare magistrum, *In summâ, tria sunt (inquit) per quæ inferior locus superiori seruit: lex, natura loci,*

loci, vetustas. Sic hæctenus ille non obscure docens, seruitutem esse id etiam quod natura loci fecit, ut è superiori videlicet fundo in inferiorem quid efflueret. Nec obstat, quod in illo responso *in d. S. fin. vers. sanè & seruitutibus*, separatim de lege, naturâ loci, vetustate temporis, necnon de seruitutibus tractet Ulpianus: quoniam non solum de naturâ loci, verum etiam de seruitute per vetustatem inductâ separatim agit idem Iurisconsultus, cum tamen ius vetustate inductum seruitutem esse, certo certius sit, si fundi vel hominis vtilitatem respiciat, cû diminutione iuris vicini prædij, utpote quæ semper, iuxta Paulum prædicto loco, pro lege habetur. Ea igitur tractatio, non spectat ad demonstrandum agri naturam nequaquam annumerandam esse seruitutibus, sed ut propria cuiusque vis & natura seorsim explicata magis clucesceret.

Cæterum, si naturam loci tanquam diuersam, à seruitutibus discernamus (naturaliter enim res omnes liberæ, ut infinitis legibus edocemur. *l. 1. l. 24. de seruit. urb. præd. l. 4. de iust. & iure & similibus*) Commodior erit solutio, propterea quod natura aquæ principaliter
scu

seu directò non respiciat incommodum loci inferioris, quinimo magnum commodum eidem adferat, cum defluxus aquæ omnem penè terræ pinguedinem secum trahat, (vt ibidem ex sententiâ Labeonis declarat Vlpianus) quod seruituti minùs conuenit, quæ primariò ius fundi seruientis diminuit, quod à naturâ agri alienum. Proinde quod inferiorem locum superiori seruitutem debere respondet Iuriconsultus in dictis legibus, abusiue dici existimandum est. *arg. l. 5. §. 9. D. de oper. noui nuntiat. & d. l. 1. §. 13. 14. 15.* Quod coloris igitur præfata allegatio, Corasij sententiæ illinere potest, id ex illâ duplici responsione facile detergi & elidi potest.

Quæ cum ita sint, assentiri non possum Boetio Eponi, asserenti in realibus seruitutibus considerari duntaxat vtilitatem prædij dominantis, nullâ habitâ ratione damni seu incommodi fundi seruientis. Contingere quidem potest, vt non modò non noceat seruitus, sed etiam prædij seruientis commodum contineat, sed id emolumentum, si quod est, ex causa accidenti, & non ex natura seruitutis, neque ex arbitrio domini prædij seruientis, sed ex arbi-

D

trio

trio domini loci dominantis, & ad illius vtilitatem prouenire considerandum est: atque adeò nulla est seruitus, quæ non adferat etiam diminutionem libertatis & commodi rei serui-
entis l. de pupillo §. Et bellè. D. de oper. noui nuntiat. etsi euentu fortuito seu ex accidenti possit continere eius commodum. Induxit Bo-
 etium Eponem in hunc errorem, illud quod alicubi scriptum est, seruitutem & naturaliter fundum ledere posse in *l. si mihi §. seruitus. D. de seruit. præd. rust.* Sed animaduertendum est Iurisconsultum eo loco scribere, vltra incom-
 modum quod ex naturâ seruitutis fundo serui-
 enti seu obnoxie conditionis imminet, etiam naturalem læsionem posse accedere, imbri. ni-
 mirum aquâ nimium exundante, vel alio casu superueniente.

Ex prædictis intelligitur, seruitutes in bonis esse, cum in bonis censeatur, quicquid domi-
 nij nostri est, quicquid nobis prodest, nostrum-
 que auget patrimonium *l. 49. de verb. signi-
 ficat.* ac in venditione bonorum etiam vsum-
 fructum venire, appellationeque dominij e-
 undem contineri, disertis verbis ait Vlpianus in
l. 8. D. de rebus auctor. iud. poss. Vnde conse-
 quens

quens est, servitutes in bonis esse. Scio Cuiacium *lib. 10. obser. cap. 16.* per abusum duntaxat, rerum incorporalium dominium dici existimare. Eius opinionis plausibilem probabilemque habuit rationem; quoniam videlicet dominium ex possessione originem trahit *l. 1. §. 1. D. de acquir. poss.* & quia regulariter traditio realis ad translationem dominij requiritur *l. traditionibus C. de pact. incorporalium* verò rerum nulla propria possessio est, sed impropria tantum vel quasi possessio, adeoque nec traditio etiam vera. Verum plausibiles probabilesque, ut ante dixi, eæ rationes videntur; sed penitiùs inspectæ veræ non sunt. 7 Possessio siquidem plurimum à facto, dominium plurimum à iure mutuatur. Quâ ratione nihil dominium cum possessione commune habere tradit Vlp. in *l. naturaliter 17. §. nihil commune de acq. poss.* Et ut rerum corporalium dominium à possessione originem trahit, ita incorporalium à cessione seu quasi traditione iuris *l. ult. de servit.* item quia dubium non est, idem ferè operari quasi possessionem incorporalium, quod operatur possessio corporum vera *d. l. quoties de servit.* Ac quod scriptum est, legata

à testatore in legatarium rectâ viâ transire, ipsoque iure ei acquiri *l. 64. D. de furt. l. 86. de legat. 1.* id de dominio & non de possessione, ad cuius apprehensionem hominis desideratur factum, accipiendum est *l. 8. D. de acquir. poss.* ut etiam ex *d. l. 64.* satis patet: ad possessionem itaque transferendam præstatio hominis necessaria est; ad translationem dominij nequaquam, cum ipsorum corporum dominium in multis casibus absque traditione seu reali apprehensione initium sumere possit *l. 1 §. fin. & l. 2. de public. in rem act.* Proinde non rectè infertur, ex quasi traditione, qualis est celsio incorporalium *l. si ego 11. §. 1. D. eod.* verum propriumque dominium non acquiri.

Obijciēt quispiam, seruitutes neque in bonis, neque extra bona esse, ex eo quod Paulus scripsit, eas neque ex bonis, neque extra bona
 8 reperiri *l. 1. D. de usu & usufr. legat. 8* Qui locus facessit negotium interpretibus; & quidem si accipiatur de seruitutibus nondum impositis aut constitutis, planum est eas neque in bonis, neque extra bona esse, cum non entium nullæ sint qualitates, nulla accidentia: aut potest locus sic accipi, non de ipsis seruitutibus, sed

DE CONTROV. SERVIT. MATERIA. 29
 sed de harum duntaxat vsufructu, quod neque
 ex bonis, neque extra bona sit; rationem red-
 dit Iurisconsultus, quoniam seruitus seruitutis
 esse non possit, & ideo, cum ipso iure nulla sit,
 miniméque subsistens, neque ex bonis, neque
 extra bona reperiatur. Eaque est, vt mihi qui-
 dem videtur, brevis & dilucida Pauliani re-
 sponsi explanatio, cuius paulò obscurior intel-
 lectus, innumeris errorum nebulis, obuoluit
 scriptorum animos, atque omnes, quibuscunq;
 obruuntur, antinomiarum fluctus concitauit.

CONCLUSIO SECUNDA.



Ethuius quidem potissima species
 vsufructus, de quo citantur con-
 trariæ I. C. rum. sententiæ, imò vnus
 idemque Paulus contraria scripsisse
 putatur: alio loco dominij partem esse, alio
 non esse; vtrumque tamen verum est, nec sibi
 aduersatur Paulus.

S V M M A R I A.

- | | |
|--|--|
| <p>1 <i>Seruitutes personales & praediales cur sic appellata.</i></p> <p>2 <i>Sitne personalis, an verò realis, seruitus constituta, unde colligatur? remissiuè.</i></p> | <p>3 <i>Actio realis datur pro rebus corporalibus & incorporalibus.</i></p> <p>4 <i>Vsufructus à seruitutibus discernitur ab Imperatore.</i></p> |
|--|--|
- Prædium
- D 3

- | | |
|--|---|
| <p>1 Prædium vectigale, superfi-
ciarium, pignus & magnam
cum usufructu habent affi-
nitatem.</p> <p>6 Seruitutes prædiales solent
simpliciter & per excellen-
tiam vocari seruitutes.</p> <p>7 Quid sit fructus, & quid si-
gnificatione illius cõtineatur.</p> | <p>8 Vnde derinetur fructus, plene
traditum.</p> <p>9 Ratio discriminis inter par-
tum & factum.</p> <p>10 L. usufructus. D. de usufr-
fruct. & l. in venditione.
D. de bon. authoris. iud.
possid. cum l. rectè dicimus
de verb. sig. & l. falsus S.
fin. D. de furt. conciliatio.</p> |
|--|---|

Protest ex alienâ re vtilitas prouenire, non solum rebus nostris, sed etiam nobis ipsis; & inde sunt seruitutes alię personarum, alię rerum vt Iurisconsultus ait in l. 1. D. de seruit. siue alię sunt in personam, alię in rem vt loquitur lex Gaius. D. de de ann. legat. siue alię sunt hominum, alię prædiorum l. quoties 15. D. d. tit. de seruit. Nam personalis seruitus est, quæ constituitur ad vsum hominis; Rei vero seruitus est, quæ constituitur prædio seu ad prædij vtilitatem vt ait Angelus ad S. ult. instit. de seruit. Et quidẽm nuncupantur hæ seruitutes reales seu prædiales, quod sine prædijs cõtstitui nequeant, ijsque inhæreant, eodem modo quo personales ipsis personis inhærent, ita vt absque earum subiecto subsistere non possint.

DE CONTROV. SERVIT. MATERIA. 31
 sint. Quâ ratione quemadmodum personales
 servitutes, hominum iura nuncupantur, ita
 istæ reales, prædiorum iura dicuntur *passim*. *D.*
lib. 8. Vt autem intelligatur constituta servitus
 prædio, debet esse id actum vt monet rectè Za-
 sius *ad l. 2. §. item si in facto nu. 9. & 10: D. de*
verb. oblig. Quando autem id actum sit, ex va-
 rijs colligi potest, & plenius demonstrat for-
 mula in constitutione servitutis concepta, de
 quibus latissimè scribunt ² Cæpolla *de servit.*
cap. 2. nu. 7. Castrenf. & fulgos. *ad l. penult. D.*
rust. prad. Porro est actio realis cum civilis tū
 prætoria, quæ competit pro rebus corporalibus:
 est etiam actio realis ³ prodita pro rebus incor- ³
 poralibus, inter quas annumerantur vsusfrū-
 ctus & servitutes *§. incorporales instit. de reb.*
corporal. & incorp. Vsumfructum à servituti-
 bus, cum optimis huius ævi interpretibus sepa-
 ro, secutus imperatorem, ⁴ qui similiter facit ⁴
in §. ult. instit. d. tit. de reb. corpor. & incorp.
& in l. 1. §. ius is habet, & §. seq. D. de remiss.
 nam vsusfructus ex fundo debetur personæ, at
 servitus ex prædio debetur prædio, seu prædiū
 est obnoxium & affectum prædio, prædium
 nimirum serviens prædio dominanti *l. via §. si*
fundus

fundus. D. rust. prad. at in usufructu, ut diximus, prædium est obnoxium & affectum personæ, ideoque nec est ius prædij aut ius fundi, sed ius personæ. Idem fit in agro vegetigali *l. 1. D. si ager vectig.* necnon in prædio superficiario *l. superficiario. D. de rei vindic.* Pari modo & in pignore, quia pignus afficit, redditque rem obnoxiam personæ, & inde dicitur nexus prædiorum *in l. ult. C. si res alien. pig.* quæ omnia nomine usufructus contineri non malè quidam tradunt, ob maximam & quam cum usufructu habent affinitatem. Planè eo sensu ait Ulpianus, quod superficiæ inest quidam velut usufructus *in l. 1. §. quia autem. D. de superfic.* Usufructus quidem usus & habitatio, sunt etiam servitutes *l. 1. D. de servit.* & earum non secus quàm aliarum servitutum ratione competunt in rem actiones, quæ vocantur confessoria & negatoria *§. aque si agat. instit. de act.* verùm servitutes, non quibus serviunt res prædiæ personis sed alijs rebus, siue servitutes prædij solent simpliciter ⁶ & per excellentiam vocari servitutes, nomine generis ad speciem coarctato *instit. de servit. prad. urb. & rust. & passim.*

Nomi-

Nomine fructuum ⁷ comprehenditur omnis utilitas, commoditas & delectatio, quæ per occasionem rei percipi potest: frui siquidem, est omnem fructum commoditatēque ac delectationem rei percipere; & qui fruitur, non ad usum quotidianum duntaxat, sed etiam ad abusum, emolumentum & delectationem uti potest. Sic in fructu sunt numismata, statuae, imagines, quæ delectant & ornant *l. numismatum, l. statuae, de usufr.* Vnde nomen habeat, ⁸ variant Authores. Et quidem inprimis nomen habet à frugibus, eoque sensu fructuum nomine venit, quidquid habet aristam aut siliquam *ut ait textus in l. frugem. D. de verb. significat.* Aliàs verò fructus nomen habet à fruimine, quod significat summam gulæ partem à quâ etiam denominatur frumentum ut Seruius ait *in Georg. Virgilij lib. 1.* Ducit etiam fructus nomen, vel à fruendo, vel à ferendo, si Varroni credimus *lib. 4. de ling. latina:* & inde fructus, omnes res, quas fert fundus, vel quæ in fundo feruntur designat, siue propriè denotat id quod res quæque per se ferat fundatque, ut ex autoritate Donati refert Alciatus *l. 72. D. de verb. signific.* item Briss-

E
nius

- niuseod. tit. Præterea non ea duntaxat, quæ in fundo feruntur vel spontè proueniunt, sed generaliter omnia lucra, omnia compendia, omnes denique commoditates, quæ ex re qualibet percipiuntur, appellatione fructus comprehenduntur; nam omnia quibus quomolibet fruimur complectitur, vt ante dixi; siue ea in fundo proueniant, siue ex pecudibus nostris nascantur. Sic lana ouium, foetusque pecorum in fructu est. Quâ in re perspicua est
- 9 differentia inter partum & foetum, 9 quod foetus in fructu est, non item partus *l. vetus questio. de usufr.* propter hominis nimirum dignitatem, cuius gratiâ natura produxit omnia vt latè disputat Ioannes Copus *lib. 1. de fruct. in princip.* Itaque in fructu est id omne quo fruimur, vt non solum alimenta, sed etiam odores, vnguenta, deliciae: & omne id quod aut alit, aut emolumentum confert, aut delectat, quemadmodum etiam rectè obseruauit Donatus in *Eunucho Terentij, Actus 4. Scena 2. in fi.* Quo modo in fructu sunt pensiones, mercedes, operæ, vecturæ iumentorum, usuræ pecuniarum, quia hæc omnia prosunt, quæstum compendiumque adferunt *l. pradiorum, l. usu-*

l. usura. D. de usur. l. mercedes. D. de rei vindic. Sic denique in fructu est, quidquid ad hominum usus subseruiendum inductum est *l. penult. de usufruct. leg.* quam latitudinem complexus est Vlpianus, dum ait, ad usufructuarius pertinet omnis rei fructus seu omne emolumentum *d. l. usus. in princ. & l. manius. §. fundo. D. de legat. 2.* Sic etiam in fructu sunt missiones in possessiones. Quâ ratione interpretes iura dominicalia in feudis & subfeudis fructuario tribuunt, etiam contra proprietarium acquirentem pendente usufructu *Carol. Molinaus in tract. de feud. §. 14. Gloss. 1. quæst. 4.*

Ex prædictis, usumfructum omne rei emolumentum continere, planum est: sed an is partem dominij constituat, non æquè expeditum. Variæ sunt Doctorum opiniones; dissensum enim & conflictum inter eos apparens inuexit antinomia. Nec mirum, cum de eo, etiam inter ipsos Iurisconsultos maxima dubitatio controuersiaque fuerit. Quid summus iuris authorum Coryphæus Papinianus, quid Iulianus, alijque hac de re scripserint, referre supersedeo. Ipsum Paulum in arenam producere sufficiet:

E 2

scribit

scribit enim in *l. vsusfruct. 4. D. de vsusfruct.* vsumfructum in multis casibus partem dominij esse. Quâ ratione Caius existimat, in venditione bonorum debitoris, etiam vsumfructum venire: quia appellatione domini vsufructuarius continetur *l. in venditione. 8. D. de bonis autoritate iud. poss.*

Verùm idem Paulus sibimet contrarius alio in loco, *nimirum in l. rectè dicimus 25. D. de verb. signific.* prorsus in aliâ quàm prius traderat, opinione fuisse, repugnantemque sententiam scripsisse inuenitur, respondens in hunc modum: Rectè dicimus eum fundum totum nostrum esse, etiam cum vsusfructus alienus est: quia vsusfructus non dominij pars, sed seruitutis sit, vt via, & iter. Quæ ratio penitus aduersa contrariâque est superiori sententiæ, quâ vsumfructum esse partem dominij asseruit. Quo quidem argumento, tanquam firmo nixu fundamento, Vlpianus in *l. falsus. §. fin. D. de furtis* arbitratur, si vsusfructus serui peruenit ad furem serui, non extinguī actionem furti; huius rei actionem subiungens: quia fructuarius dominus non est. Quid ad hæc? Non ego actuarium agam, authores omnes, & omnium

omnium dicta describens, notiora sunt enim illa, quàm vt meâ indigeant elucidatione. Quid ipse sentiam, paucis perstringam: atque omnes locos qui negant vsumfructum fundi partem esse, cum Wesenbecio intelligendos arbitror de vsumfructu nudo, qui noster est iure seruitutis: eos verò qui affirmant, intelligendos de vsumfructu pleno, qui noster est iure dominiij, imò qui est ipsum plenum dominium *V Wesemb. parat. de vsumfruct. nu. 4.* Itaque vsumfructus quamuis in parte rei non consistat, vt inquit Iurisconsultus in *l. manius. §. fundo legato. D. de legat. 2. l. cum filius 78. D. eod.* id est, quamuis pars rei propriè non sit, quia tamen omne rei commodum compendiumq; continet, portionis instar habetur, vt ibidem Papinianus loquitur, id est, pro parte rei æstimatur, non quidem pro parte aliquâ quotâ, sed pro parte vt Bartholus scribit integrali, quoniâ scilicet vsumfructus & nuda proprietas, absolutum, perfectum, plenumque dominium rei constituat. Ita rectè sensit Bartholus in *d. §. fundo legato num. 1. Et 4.* Atque hoc modo, quidquid hac dere est antinomix, conciliandum reor.



Fructum finè vsu esse non posse,
eundem finè vsu obtingere respon-
sum: iniqui tamen iudicis esset, hic
notare legum repugnantiam.

S V M M A R I A.

- | | |
|---|--|
| <p>1 Cur habitatio separetur ab vsu.</p> <p>2 Vsus appellatur aliquando ve-
stitus, aliquando nudus.</p> <p>3 Quid intersit inter vsuariũ
& fructuarium.</p> <p>4 Vsus nomine quandoq; com-
prehenditur etiam fru-
ctus; n dubio tamen in-
sellgitur vsus qui sine
fructu est.</p> <p>5 Vsuaris rebus uti potest, ad
vsu solummodo, non et-
iam ad questum.</p> <p>6 Vocabulum vñtus in hac ma-
teria, in stricta significati-
one sumitur, ut ea tan-
tũ veniant, quæ sola
proprie continentur vi-
ctus vocabulo.</p> <p>7 Qua sit eius rei ratio, traditur</p> <p>8 Vsus indiuiduus, & vsus-
fructus cur diuiduus, ple-
nissimè explicatum.</p> | <p>9 Ratio Authorus, quare fructio
diuisionem recipiat, ma-
gisq; & minus admittat,
& cur non idem in vsu
obtineat.</p> <p>10 An omnes seruitutes reales
sint indiuiduæ.</p> <p>11 Seruitutis pro parte datur
retentio, sed ea ab initio
pro parte constitui nequit.</p> <p>12 Fructui ex naturâ rei inest
utendi commoditas, ideo-
que nihil refert, fructus an
vsus fructus legetur.</p> <p>13 An in iure sint Antinomix.</p> <p>14 Conciliatio l. huc stipulatio-
ni. §. 2. vsu fruct. quemad-
cau. cum l. per seruum. §. 1.
D. de vsu & habit.</p> <p>15 Vsuaris præfertur fructua-
rio, si modo fructus sine
tam tennes, ut utrumque
pati nequeant.</p> |
|---|--|

Anceps



Nceps hæc controuersia propter repugnantes prima fronte hac in parte leges, adeò vt in ea expedienda omnis ætatis doctissimi Iurisconsulti vehementer laborarint: nos eam distinctè tractabimus, pro cuius clariori elucidatione pauca quædam præmittere operæ pretium duxi.

Inter seruitutes personales recensetur vsus & habitatio *l. i. D. de seruit.* Vsus quidem est pars vsusfructus, quia vsus inest fructui *l. per seruum. §. i. D. eod.* habitatio verò est pars vsus, quoniam est vsus ædium: idcirco tamen separat eam ab vsu Iurisconsultus, ¹ quia in habitatione quædam insunt, quæ vsui non conueniunt. *§. sed si cui instit. eod.* I

Vsus quandoque dicitur vestitus, ² quandoque dicitur nudus; vsus dicitur nudus, quia si-
nè fructu est *d. l. i. in princ.* quemadmodum & proprietas est nuda, cui deest vsusfructus, possessio nuda cui detractum est dominium, conuentio nuda quæ non est vestita stipulatione, & id genus infinita. Vnde cui relictus est vsus, is habet facultatem vtendi, sed non fruendi *l. 2. in princ. D. de vsu & habitat.* eoque sensu dicitur, quod minus Iuris habet, qui habet
vsu.

- vsu. §. 1. *instit. eod.* Fruendi vocabulum est vberius largiúsque quàm vtendi. Fructus siquidem 3 spectant ad quæstum & patrimonij augmentum & ad abusum, vt immediatè præcedenti conclusione pluribus demonstraui *num.*
- 4 Vtendi verò vocabulum est angustius, quia necessitatis cancellis circumscribitur, id est, ea tantum commodorum parte; quam necessitas requirit ad vsuarij vitam sustentandam, non etiam ad quæstum vel abusum. Quò etiam respexisse videtur Cicero in oratione pro Roscio Amerino, dum ait, *quo loco amandar at pater hunc, sic vt esset in agro, aut tantummodo aleretur ad villam, & commodis omnibus careret? quid si constet hunc non modò colendis prædijs præfuisse, sed etiam certis prædijs patre viuo frui solitum esse*: hæcenus Cicero.

Itaque vsuarius est, qui habet vsu sine fructu *l. per seruum. §. 1. D. eod.* Quandoque tamen vsuarij nomine designatur fructuarius *l. si cum duorum. D. de stipul. seruo.* & vsu legato interdum comprehenditur etiam fructus *l. diuus. D. eod.* quibus legibus demonstratur vsus nomen esse ambiguum; in dubio tamen, qui

qui vsum legat, 4 intelligitur sensisse de vfu qui
 sine fructu est. §. *usus. D. eod.* Vti siquidem
 dicitur, qui rem contrectat pro necessaria con-
 sumptione suæ personæ & illorum quos secum
 habet *instit. eod. tit. de usu. & habitat. & D.*
eod. frui autem dicitur, qui etiam quæstum at-
 que compendium ex re capit.

Qui habet fundi vsum, ait textus, deambu-
 landi quoque & gestandi ius habebit: potest
 etiam vti horto, pomis, holeribus, floribus, &
 aqua. Vtitur tamen his rebus vsuarius, 5 non vf-
 que ad compendium, sed ad vsum duntaxat,
 non vsque ad abusum *l. plenum. 12. §. prater in*
princ. vers. Sabinus & Cassius. D. eod. tit. Po-
 test etiam vti folijs (sic enim rectius legitur,
 quàm dolijs, cum eam lectionem textus græ-
 cus approbet.) oleo, frumento, frugibus, sal-
 tem ex Sabinianorum & Proculianorum vna-
 nimi sententia.

Vocabulum victus 6 hic strictiùs sumitur,
 pro ijs quæ necessaria sunt esui & potui seu cul-
 tui corporis, adeò vt non comprehendat victû
 vestiariû, sed duntaxat victum escarium &
 potorium, quæ sola propriè continentur vi-
 ctus vocabulo, vt scribit Laurent. Valla. s. ele-
 F gant.

gant. cap. 56. Interdum quidem victus, comprehendit etiam victum vestiarius, sed in latissima significatione sumpto nomine, quæ seruitutibus minùs quadrat, ⁷ quoniam sunt odiosæ; quæ etiam est ratio, cur verbum victus in seruitute vsus, ad necessaria esui & potui, qui victus quotidianus dicitur, restringatur. *d. §. i. instit. de usu & habitat.*

Ait textus, quod frui quidem pro parte possumus, sed uti pro parte non possumus in *l. v. vsus pars. D. de usu & habitat.* Quo sensu dicitur, quod vsusfructus est diuiduus, & vsus est indiuiduus *l. 1. §. si vsusfructus. D. ad l. falcid.* Rationem discriminis varij variam adferunt, sed quæ penitiùs inspecta in vnâ eandemque recidat. Zasius quidem hanc adfert, ⁸ cur vsusfructus sit diuiduus, quoniam consistat in fructuum perceptione, quæ sui naturâ est diuidua, cum percipi fructus pro parte possint: at vsum esse ait indiuiduum, eo quod vsus restrictus sit, cohæreâtque personæ indigentix, cui quicquam detrahi non possit. *Zasius. ad l. stipulationes non diuid. num. 8. de verb. obligat.* Eandem penè rationem producit Cuiacius *ad l. filio lib. 5. ad African.* Quod ego,

ego, vt clarius res intelligatur, sic explico. Vfusfructus natura à Iurisconsultis dicitur esse diuidua *l. vsusfructus. D. de vsufr.* quia vsusfructus qui est Iuris, voluntate partium recipit diuisionem. Vndè quemadmodum constitui pro parte, sic etiam pro parte amitti potest *l. placet eod. tit. l. i. §. si vsusfructuarius. D. ad l. Falcid.* vbi vsusfructus dicitur esse diuiduus, ceteræ verò seruitutes indiuidue, ex quo pro parte constitui nequeunt *l. pro parte. D. de seruit.* Idcirco autem vsusfructus dicitur recipere diuisionem, quia fructus qui debentur diuisionem recipiunt, & pro parte quis frui ad hæc vel illa emolumenta compendiaque potest.

Si quis quærat, cur igitur vsus non est diuiduus, cum etiam complectatur fructus? ratio in promptu est: 9 quia nimirum fructus quos vsuarius percipit, non considerantur simpliciter seu absolute & secundum suam primordiam naturam, verum respectu habito factaque relatione ad capacitatem, indigentiam & necessitatem vsuarij, vnde cum quod necesse est, nullam prorsus diuisionem patiatur, aliter enim fieri non potest, sequitur vsum vtpote formam suam desumentem à necessitate tanquam

F a

quam à termino ad quem, esse omninò indiuiduum: vsusfructus autem seu potius fructus, qui iure vsusfructus debentur, ex se sunt diuisibiles, & etiam factâ relatione ad fruitionem quam includunt intrinsicè; fruitio enim cum necessitatis terminos transiliat, diuisionem recipit, magisque & minus admittit; vndè non mirum, si vsusfructus dicatur esse seruitus diuidua.

Hinc patet, omnes seruitutes reales esse in-
 10 diuiduas, 10 nam cum vsus sit indiuiduus, & pro parte legari non valeat *l. 19. D. d. tit. de usu & habitat.* sequitur eas vtpotè in vsu consistentes *l. 11. & 17. D. de seruit. diuidi non posse.* Seruitus quidem pro parte retineri potest *l. vnus ex socijs 34. D. de seruit. prad. rust. l. si quis ades. 30. §. 1. D. de seruit. prad. urb.*
 11 at pro parte constitui non potest: 11 facilius quippè est pro parte retinere seruitutem, quàm ab initio eam constituere pro parte. Et quamuis is qui passus est seruitutem itineris, viæ, vel actus in fundo suo, eandem seruitutem alteri vel simul vel seorsim cedere possit *l. Lucio 4. D. de aqu. quotid. & ast. l. 15. D. com. prad.* licet etiam seruitus aquæ pro modo
 do

do agri detenti & alienati diuidatur *l. si partem*
 25. *D. de servit. rust. prad.* non tamen pro-
 pterea definit esse indiuidua respectu vtriuf-
 que. Quando enim alter servitute itineris vti-
 tur, non pro parte sed in solidum vtitur, alio-
 qui servitutem non habet, ideòque non ser-
 vitus, sed illius duntaxat commoditas diui-
 tur. Et quamvis aqua commodè diuisionem
 recipiat, tamen ipsum ius servitutis omninò
 manet indiuiduum *d. l. si partem. D. de ser-
 vit. rust. prad.* Servitutes igitur vtpote fa-
 cti, nec naturâ nec effectû diuisionem pati-
 untur.

Præterea sciendum est, nihil interesse, fru-
 ctus, an vsusfructus legetur, ¹² quapropter
 fructibus annuis legatis competit vsusfructus:
 fructu legato, vlu non adscripto, competit
 itidem petiturque vsusfructus quoniam vsus
 fructui inest *l. si quis 20. D. de usufr. & l. cum*
ita 41. D. de usufruct. legat. qui enim frui-
 tur vtitur, cùm fructui ex naturâ rei insit v-
 tendi commoditas. Vndè si fructus sine v-
 su obtigerit, stipulatio locum habebit inquit
 Vlpianus *l. huic stipulationi 5. §. 2. D. usufr.*
quemad. cau. Quid ergò sibi vult Vlpianus si-

bi ipsi primâ facie contrarius? dum scribit, si tibi fructus, deducto usu, legatus sit, inutile esse legatum *l. per seruum 14. §. 1. D. de usu & habit.* Quidam hos textus conciliari non posse asserunt. Compilatores Iuris memoriæ lapsu responsa pugnantia digestorum libris inseruisse, multi opinantur. Quidam vno loco referri sententiam non probari, moueri controuersiam non decidi existimant. Alij distinctiones varias adhibent. Alciatus verò dum hæc conciliare nititur, textum destruit, & nihilominus verius se magis intricat quàm extricat. Itaque Laurent. Valla, plurimas in Pandectis antinomias, id est, omninò discrepantes & manifestè contrarias Iurisconsultorum sententias reperiri alibi scribit: cum tamen Iustinianus nullas in Pandectis leges sibi contrarias esse asseueret, hoc est (vt verbo eius utar) nullam antinomiali esse
 13 se 13 sic enim inquit in *l. 1. C. de veter. iur. enucl.* nullumque ibidem contrarium sibi locum vindicare, nec etiam in illis inueniri asserat, si quis subtili animo diuersitatis rationes excutiat; sed esse aliquod nouum inuentum & occultè positum, quod dissonantiæ querelam dissoluat *l. 2. §. contrarium 15. d. 1.* In quo aiunt pluri-

plæriq; interpretes, blandiri sibi imprudentem Imperatorem, dum ait, quod omni antinomiâ, seu quod idem est, legum contrarietate, quæ in Iuriconsultorum responsis erat frequentissima, valere iussâ, ius omne in vnam redegerit consonantiam, seu harmoniam. At sanè illi multò imprudentius: subtilis siquidem indagatio (quâ contrarietatum dissoluendarum nobis normam Iustinianus constituit) dissonantiæ querelam dissolvit, & aliam naturam inducit discordiæ fines effugientem. Nec ita Vlpianum pugnantem cum Africano, cæterósque inter se Iuriconsultos videas, quin talis pugna sedari & componi possit. Sed res valdè laboriosa, planè ardua, maximè difficilis & periculosa plenum opus alex. Quid enim magis laboriosum maiorisve sudoris, quàm Cerberum ab inferis extrahere, hoc est, abstrusa legum sensa & in rerum interiore recessu latentia recludere seu proferre in lucem & tanquam spectanda proponere? Quid magis arduum, quàm occultas Iuriconsultorum mentes perscrutari atque veritatem in abstruso, & (quod aiunt) in Democriti puteo delitescentem reuocare? quid periculosius, quàm quidquam in iure civili, pro
firmo,

firmiter, certo, & indubitato definire? quid difficilius, quàm inter se colluctantes opinionum ventos compescere, ipsam denique ^{responsum} ad consonantiam seu concordie metam redigere.

Equidem inficiari non possumus, quin inter priscos Iurisconsultos variae fuerint sectae & dissensiones, maximaque veterum prudentum in respondendo discordia. Fuere Sabiniani, Cassiani, Proculiani, Pegasiani, quorum cum responsis libri nostri digestorum sint refertissimi, plurimi huius ævi Interpretes, illius discordiae monumenta, & reliquias in iisdem tradunt reperiri. Ita pugnantem alibi Ulpianum cum Africano statuunt. Africanum itidem cum Celso. Id ipsum etiam reperiri in Papiniani responso. Sed quia Iustiniano neganti fidem non habent, ipsis non habeo, atque contrarietates huiusmodi ac dissensiones Pandectis insertas, aut ab illarum compilatoribus, viris sanè præcellentis eruditionis, imprudentiâ & negligentia quadam, in corpus Iuris relatas nego. Dissensionum vestigia quidem apparent; vera tamen non sunt, aut si reperiantur, certè sunt per Iustinianum composita, aut saltem componendi nobis normam reliquit. Neque reliquias quarundam

rundam contrarietatum à Sabinianis, Cassianis, Proculianis, Pegasianis, & similibus relictas admitto, quas Cuiac. Couarr. Donell. Sarmient. Budæ. Molin. Fulgos. Ant. Faber & alij admiserunt. Ex quibus noscitur, non esse antinomias, quas vulgo Doctores statuunt. Hoc quidem Lernæo difficilior conflietu antinomias omnes excutere, vna elisa nouæ exsurgunt, sed Iustinianum sequi debemus, qui Herculis instar, eas penitus dissoluit, vel normam dissoluendi reliquit. Ad antinomias in iure tollendas, expedita quidem esset Glossæ in *l. sancimus s. C. in quib. caus. restitutio in integrum non est necessaria V. querere*, responsio: Biberat hic Iustinianus & non recordabatur de illis legibus. Sed minùs honesta est aut honorifica. Quam Glossam, cùm amicos quosdam, qui mihi superuenerant, in musæo meo, haustu vini reficerem & refocillarem, vti inter bibendum casu fortuito inueni, ita illâ ratione hic inferi dignam existimaui.

Itaque discordiam quæ ipso iure fit, ius civile non agnoscit *l. 1. C. de vet. iur. enucl.* quo in loco Accursius annotandum censuit: nulla duo dicta in iure aut contraria aut similia esse.

G Quod

Quod tamen minimè credidit Guilielmus Budæus, qui præfati Laurentij Vallæ vestigijs insistent, in annotationibus suis *ad l. ult. de adilit. edict.* hunc locum notans ita inquit: *nonnulla tamen & alia loca in pandectis adnotasse mihi videor, in quibus consarcinandis Tribonianus dormitasse deprehenditur, libera enim vel contra receptas opiniones rationem sequenti sententia debet esse: In l. per seruum de usu & habitat. Denique si fructus, deducto usu, legatus sit, inutile esse legatum Pomponius lib. 5. scribit. In l. huic stipulationi tit. seq. Ergo & si fructus sinè usu obtigerit, stipulatio locum habebit. Non video (inquit Budæus) quomodò hæc dicta non dissidere possint; & quo magis mireris, Vlpianus utrobique loquitur, nisi fuerit error librariorum, qui Vlpianum pro alio quouis prænотauerint. Hæc Budæus. Ego verò, planissimè rem componi posse quandoq; existimaui, in hunc modum: Vfus interdum est seruitus l. 1. D. de usufr. interdum non est seruitus, sed inest fructui text. in §. usus fructus. D. de usu & habitat. Priore modo consideratus, potest fructus esse sinè usu & usus sinè fructu ut in l. §. usu.*

DE CONTROV. SERVIT. MATERIA: 51
s. *usufr. quemad. cau.* Eoque sensu potest penes
alium esse proprietas, & penes alium usufructus,
& penes alium eiusdem rei usus *vers. poterit. D. de usu & habitat.* sed si posteriore
modo aut sensu accipiatur, fructus non potest
esse sine usu *vers. & fructus. D. eod. tit. de usu & habitat.*

Itaque regulariter non est fructus sine usu;
contingere tamen potest interdum ut sit sine
usu. Nec mouet, quod Iurisconsultus ait, inu-
tiliter legari fructum deducto usu *in vers. de-
nique D. eod. in princ.* & inutiliter usum adimi
ei cui legatus est usufructus *d. vers. sed si usufructus D. eod.* nam id verum est considerato
usufructu & usu, quatenus sunt duæ distinctæ
seruitutes. Qui ergo legat usum fructum & adi-
mit usum, is nihil agit, quia tollit, excipit & adi-
mit aliud quàm dedit: at si pateat, testatoris
mentem fuisse, ut legatario cedat fructus sine
usu, id est, sine commoditate utendi quæ fru-
ctui inest non subsistit quod agitur, cum con-
stitutio fructus sine usu fieri non possit.

At hæc quidem verè dicuntur, sed ad Iurif-
consulti mentem minus accommodatè. Re-
ctius itaq; hunc nodum dissoluit Costalius, ¹⁴ 14

verum esse inquit, fructum sine usu consistere non posse: ideoque si fructus deducto usu legatus sit, inutiliter eum legatum esse, legatumque non subsistere; cum enim fructui ex naturâ rei insit utendi commoditas, sanè omnino congruens est utendi facultate ademptâ, etiam fructum adimi. Verùm si hoc tacitè & ex consequenti duntaxat agatur, non est inutile, legatumque subsistit: ut cum vni fructus, alij usus legatus est, fructuarius usum habere non desinit, illud tamen tantùm habebit, quod post usum alterius superest *Costalius aduersar. part. 2. lege 42. ad tit. de usufr. Et quemad. quis utat. fruatur.*

Planè si eius anni fructus sint tam tenues, ut usuarii necessitatibus nihil supersit, æquè licebit usuario totum tollere & consumere *d. vers. licet D. de usu Et habitat.* Si igitur alicui competat fundi fructus sine usu, & alteri usus sine
 15 fructu, præferri ¹⁵ debet qui habet usum *d. l. fundi usu. in princ.* & fructuarius solum percipiet, quod deducto usu alterius reliquum manet, usuariiq; necessitatibus superest. Idq; ex iuris naturalis regulâ, cum necessitatis leges sint amarissimæ ut ait Valer. Max. *lib. 8. cap. de necessitate.*

CON-



Ro cuius declaratione dico, quod quidam est ususfructus causalis (idem de usu) quidam est ususfructus formalis; quæ communiter recepta diuifio, si ad viuum rescetur, proculdubio vana ac falsa est, vt rectè existimauit Eguin. Baro: at si quippiam comminisci facilitatis gratiâ docentibus concedendum est, non omninò explodenda duci debet, vt prudenter constituit Arius Pinel.

SUMMARIA.

- | | |
|---|--|
| <p>1 Dominus utitur fruitur rebus suis, tanquam moderator & arbiter rerum suarum.</p> <p>2 Intellectus l. Proculus. D. de usufruct.</p> <p>3 Usufructu legato, interdum censetur legata proprietas.</p> <p>4 Vnde usufructus verbo, quandoque proprietas plena continetur, & usufructuarius aliquando sumitur pro domino.</p> <p>5 Vbertate annorum subsequens, compensatio fit sterilis atus precedentium.</p> <p>6 Verbum analogum simpliciter prolatum, debere sumi in</p> | <p>proprio & potentiori analogato, quomodo intelligendum.</p> <p>7 Verbum debiti, respectu personæ serui, accipitur duntaxat pro debito naturali.</p> <p>8 Verba intellectum recipiunt, secundum dispositionem materiam.</p> <p>9 A propriâ verbi significatione recedimus, vt seruimus intentioni testatoris & contrahentium.</p> <p>10 Sic verbum stipulationis, quandoque accipitur pro solâ pactione.</p> <p>11 Conciliatio l. 35. §. fin. D. de verb. obligat. cum l. 1. §. si quis</p> |
|---|--|

- quis ita interroget. D. cod. tit.
- 12 Sermo siue oratio hominis, mentis interpret, nuncia & imago à veteribus appellata.
- 13 Admirandum natura artificium in oratione cernitur.
- 14 Scripturam contractus aut vltima voluntatis, in dubio solemus ex a quo & bono interpretari, si quid extra testamentum vel contractum incurrerit.
- 15 Si verba & mens inter se non discrepent, id impleri atque observari debet, quod verba designant.
- 16 Quando verò scripti & voluntatis quaestio exoritur, par est, potius voluntatis rationem haberi, si ea ullo modo cognosci possit.
- 17 Praclarum, elegans, & vetus exemplum centumviralis iudicij.
- 18 Conditio necessaria ad casum similem porrigitur.
- 19 Agitur de lise, in supremâ Brabantia Curia ventilatâ.
- 20 Singularis Alexandri sententia.
- 21 Summus est in iure liberorum favor.
- 22 Arrestum Amplissimi Brabantia senatus.
- 23 Expressum id etiam censetur, quod ex verisimili contrahentium intensione promanat.
- 24 Probatio, qua coniecturis fit, dicitur probatio euident.
- 25 Egregium Ciceronis dictum.
- 26 Seruus in iure, non habetur pro persona.
- 27 Hereditatem iacentem, Inriscofulti reputant pro personâ tantum fictâ.
- 28 Stipulatio de praesenti debet esse valida, quamvis effectus eius differri possit.
- 29 Quomodo aliquis dare possit, quod non habet, explicatur.
- 30 Traditur conciliatio l. non est nouum D. de acquir. rer. dom. cum l. nemo plus iuris D. de reg. iur.
- 31 Ius utendi fruendi re suâ domino competens, quâ differt à iure fructuarij.
- 32 In omni arte & scientiâ, aliâ qua verba antea inusitata & ignota, ad doctrinâ facilitatem recepta sunt.



Nprimis notandum est, vsumfru-
 ctum (vtpotè nomen polifemum)
 duplicem constitui, scilicet mate-
 rialem seu causalem & formalem. Causalis vsuf-
 ructus censetur esse pars ipsius fundi *l. 4. D. de*
usufr. vnde competit domino. Non est igitur
 seruitus, cum res sua nemini seruiat *l. 66. §. 6. de*
leg. 2. l. 33. de seru. rust. prad. & l. 26. de ser.
urb. quemadmodum etiam satis relucet ex de-
 finitione vsusfructus aut seruitutis. Cum igitur
 dicimus dominum posse vti frui ¹ rebus suis ra-
 tione dominij quo iustus est moderator & arbi-
 ter rerum suarum *l. 3. C. commodati*, illa verba
 referenda sunt ad vsumfructum causalem. Ita
 quoque intelligenda ² lex Proculus. *D. de*
usufruct. vbi si vsusfructus fuerit legatus, cum
 prohibitione alienandi vel altius ædificium ex-
 tollendi, dominium rei de qua agitur transit in
 ipsum legatarium; idque in vim prohibitionis
 factæ, cum enim vsusfructuarius nullam ha-
 beat potestatem alienandi rem, aut altius ædi-
 ficandi domum, cuius relictus est vsusfructus
 (illa quippè qualitas & facultas proprietarijs
 solis competit) ne illa prohibitio censetur esse
 inanis & frustranea, operatur translationem
 domi-

- dominij. Rursus si legetur vsusfructus data facultate alienandi 3 vel altius tollendi ædes, non vsusfructus sed proprietas legata censetur. *Mantic. 9. de coniecturis. §. Barthol. Sossinus consil. 131. Et Alciat. conf. 562.* Denique quætiescunque aut mens aut verba testatoris ad proprietatem magis quàm ad vsumfructum inclinant, relictæ dominij præsumptio seu coniectura inde capi elicique debet. Vnde verbum vsusfructus sumitur per obliquum seu improprie, etiam pro verâ proprietate 4 cum non possit stare in propriâ significatione. Similis textus licet in aliâ materiâ *in l. ex conducto. §. Papi- nianus alias si uno anno D. locati*, vbi verbum dare non sumitur pro translatione dominij secundum suam propriam significationem *ex l. ubi. §. fin. D. de verb. oblig.* sed tantum pro dilatione pensionis, quæ nimirum ob sterilitatem differtur in aliud tempus annorum sequentium, vt illa solvatur si fuerint anni vberiores, ita vt vbertate annorum sequentium 5 compensetur sterilitas præcedentium. Nec refragatur quod vulgò dici solet, verbum analogum simpliciter prolatum debere sumi in proprio & potentiori analogato, 6 vt quod melius est

lius est & potentius; præferatur viliori, id enim intelligitur, cum materia de quâ agitur est capax vtriusque significationis, scilicet propriæ & impropriæ *l. 2. D. si ager vectig. vel emphit. petat.* si enim materia non sit capax vtriusque significationis sed tantum impropriæ, verbum accipitur per obliquum *l. quibus diebus. §. dominus. D. de condit. & demonstrat.* ubi verbum debiti, in persona serui, ⁷ non sumitur in potentiore significato, pro debito videlicet civili, sed pro debito naturali cum nulla omnino obligatio civilis in seruum cadat. Sic verba contractus ex eius naturâ, uti & subiectâ materiâ, etiam contra proprietatem verborum intelligere debemus, quia verba sunt intelligenda secundum qualitatem, ⁸ dispositionem & capacitatem materiæ ut tradunt Doctores in rubric. *D. de reb. credit. si cert. pet. text. in l. potestatis verbum. D. de reg. Iur.* ubi in persona patris, aliter sumitur verbum potestatis, quàm in personâ domini aut magistratus. Eodem modo, à propriâ verbi significatione recedimus, ut seruiamus ⁹ intentioni testatoris *l. non aliter. D. deleg. 3. & quorumlibet aliorum contrahentium ut patet ex l. Iuriscientium.*

H

§. quod

§. *quod ferè. D. de pact. ubi* verbum stipulationis sumitur pro pactione tantum, ¹⁰ si paciscit tantum intenderint partes. Vnde Paulus *in l. 35. §. fin. D. de verb. oblig.* tradit valere locationem & venditionem, licet conductor & emptor ad interrogationem non responderit, sed solum nutu aut quouis alio modo consensum expresserit, cum alioquin Vlpianus *in l. 1. §. si quis ita interroget. D. de verb. oblig.* doceat, si non fuerit responsum ad interrogata, actum omninò vitari, prorsusque inutilem esse, ita ut non valeat eodem modo quo agitur in vim stipulationis, neque eodem modo quo valere ¹¹ potest, scilicet in vim pacti. Id enim accidit, quia in *l. 1. qui interrogat intendit stipulari: in l. verò 35. partes non intendunt stipulari*, idque colligimus ex naturâ & dispositione materiæ, cum ibi agatur de contractibus, qui solo consensu celebrantur. Etenim in conventionibus voluntas contrahentium potius, quàm propria verborum significatio spectanda est *l. in conventionibus 219. D. de verb. signific.*

Plæraque quidem necesse est, secundum scripti rationem expediri. Quod tamen intelligendum, cum de sententiâ eorum & voluntate, ipso

te, ipso scripto manifestè appareat. Etenim vt res ex sensibus constant, ita & sensus verbis explicantur. Verba quippè explanant animi sensa; vt rectè sermonem.¹² Ianitorem mentis, rationis interpretem, nuncium voluntatis appellaueris.

Etenim, quamuis animus corpore, pulcherrimo atque apparatissimo domicilio sit inclusus: mens item, nobilissima pars animi, in arce capitis collocata sit, vnde tanquam habenas tenens currum regat; tamen menti hæc corpus incommoda videtur attulisse. Primum, ne mens, quæ foras exire, pedemque efferre vetatur è domicilio, possit cum alijs, tametsi id maxime desideraret, agere, colloqui, versari: prætereà, quia tecta velo eodem, in nullius se oculos aut obtutum præbere possit conspiciendam. Quamobrem admirando¹³ planè artificio¹³ Natura opifex, summi Architecti & rerum omnium opificis famula & ministra, quò hæc omnia præstare facile ac probè posset, sermonem seu orationem ad significandum peraccommodatam fabricauit, quæ mentem nobis in hac mortalis conditione vitæ constitutis obscuram & inexplicabilem explanat, vt inter-

pres: mandata mentis ad alios etiam remotos & longè dissitos perfert, vt internuncius: quæ denique totius animi mentisque effigiem, vultumque refert, vt simulacrum; quâ ratione eam, vt ante dixi, sapientes, mentis interpretem, nunciam & imaginem meritò nominarunt.

Vndè, quod dixi, plerâque secundùm scripti rationem expedienda, intelligendum est in dubio; & nisi huic scripto contrariam esse mentem contrahentis, aut testatoris approbetur: aliud enim dicendum, si de contrariâ voluntate, aut mente testatoris aliquid probari possit; quoniam semper in interpretatione scripti, etsi ab ipsâ verborum significatione recedatur, illa sequenda est *l. non aliter 69. in princip. D. de legat. 3.* Quâ ratione, *libet scrutari etiam defuncti voluntatem* (inquit *declamat. 311. Quintilianus*) *quâ nihil potentius apud nos, nihil nostro animo sacratius esse debet.* In dubio quidem, si aliter de mente & voluntate testatoris non appareat, à verborum proprietate communique usu, ipsum non recessisse interpretabimur; etiamsi eius inde argui possit imperitia *arg. l. qui fructus 25. D. de usu & usufruct. legat.*

Deni-

Denique scriptum siue scripturam, quatenus mens patitur testatoris de quâ constat, obseruamus: vbi non apparet, eius tamen sententiam in ijs quæ extra testamenti tabulas, extraue id omne quod scriptum est incurrunt: ex bono & æquo inuestigamus ¹⁴ atque per- ¹⁴quirimus; vt quam variæ coniecturæ, iuris æquitatisque normâ & quasi lineâ (vt ita dicam) adhibitâ suaferint, eam esse interpretemur, atque implendam curemus.

Neque enim scripto ita inhærendum est, vt non potius secundum voluntatis rationem, oporteat disceptari finisque controuersias ex scripti & voluntatis quæstionibus promanantes. Vbiq; mihi scriptum placet æquitate temperatum: Nec verò nouum, vt scripto, id est, scripturæ cuiuspiam siue contractui, siue vltimis testantium tabulis insertæ, voluntas & mens refragetur, adeoque rectè opponatur; quod apud Senecam *declamat. 4. lib. 9. & controuers. 27. lib. 5.* eleganter declarat Cæstius Pius: *in lege* (inquit) *nihil excipitur: sed multa, quamuis non excipiantur, intelliguntur: & scriptum legis angustum est, interpretatio diffusa est.*

Si verba & mens consonent, proculdubio

H 3 id ser-

15 id seruandum erit, quod verba¹⁵ sonant: fin
 verò à mente legis ita discrepent verba, vt vel
 latiora sint vel strictiora mente; adeoque legis-
 lator minus voluisse, quam scripsisse, aut con-
 tra minus scripsisse quam sensisse deprehenda-
 tur, semper mens præualebit & potior erit ver-
 bis: verba enim dependent à mente, non mens
 à verbis. Hinc qui verba amplexi, contra legis
 nituntur voluntatem, illi in legem commisisse
 dicuntur *l. 5. C. de legib. cap. fin. de reg. iur. in*
6. & ius ciuile calumniari, qui sententià legis
 neglectà, verbis tenacius inhærent *l. penult. D.*
ad exhibend. Inprimis proinde, quænam mens
 fuerit legumlatoris, disquirendum & indagan-
 dum est, vt exinde verba legis vel coarctentur
 vel dilatentur, prout sententia legis vel latior
 est, vel angustior verbis. Ius enim est, non tam
 quod scriptum seu scripturæ verbis compre-
 hensum est, quam quod legislator voluit, ac
 scire leges, non est verba earum tenere, sed vim
 ac potestatem *l. scire leges. D. de legib.* imò in
 fraudem legis faciunt, qui saluis verbis legis,
 sententiam eius circumueniunt *l. contra leges*
29. D. eod. siquidem non rarò, discrepat cogita-
 tio scriptoris, ab eo, quod voces quibus vsus
 est,

est, præ se ferunt. Hinc scripti & voluntatis conflictus exoritur, qualis inter Iurisperitos frequentissimè existit, & pars magna controuersia iuris inde pendet, vt ait Quintilianus *lib. 7. instit. orator. cap. 7.* In illo conflictu, æquum est potius ¹⁶ voluntatem (si eius villo modo ¹⁶ cognitio haberi possit) obseruari, eamque impleri *l. 3. C. de liber. præterit.* etenim, non oportere ius ciuile calumniari, nec verba captare, sed qua mente quid dictum scriptumue sit, indagari & attendi oportere, ait Iurisperitus Paulus *in l. penult. D. ad exhibend.* Vocabula tantum ob id reperta fuisse, vt mentem nostram indicarent, quæ si tacitis nobis intelligi posset, profectò verbis minimè vteremur: alioqui si versutè ad litteras rem deflectere velimus, neglecto consilio eorum qui scripserunt, nullum testamentum, nulla pacti conuentionis formula, poterit non infirmari aut conuelli: imò nec sermo familiaris & quotidianus cohererebit, si verba inter nos aucupemur, vti fusè & eleganter dixit Cicero *in oratione pro Caccinna.*

Nam etsi inficias ire non possumus, quod in contractu, verba ipsius considerare oporteat;

teat, attamen per contrarium voluntati & menti verba, si inter se configere videantur, describere fatendum est *cap. sedato 50. distinct. 38. c. humana 22. quest. 5. l. non dubium 5. C. de legibus*, nam vt Cicero præfato loco *pro Caccinna* loquitur, verba inuenta sunt, non quæ impedirent, sed quæ indicarent voluntatem, seu quemadmodum Iurisconsultus ait, vt mentem animique sensum exprimant *l. 7. in fine. D. de suppellect. legat.*

Planè quàm parum verbis, quantumque testatoris voluntati (idem quoad contrahentes dicendum) à Iudicibus tribuendum sit, de-
 17 monstrat vetus illud exemplum, 17 Centumuiralis iudicij, quo Marcus Curius, qui ita substitutus erat (si Posthumus moriatur) etiam non nato Posthumo hæres esse declaratus est, quemadmodum Cicero litterarum monumētis proditum reliquit *Cicero lib. 2. de inuent. lib. 1. & 2. de Oratore, in Bruto quoque, & in Topicis. Pro quibus facit l. iam hoc iure. D. de vulgar. & pupill. substit. l. mulieri 2. D. ad Senatuscons. Trebell. l. si ita 15. D. quando dies legati, l. 3. C. de instit. & substit. l. fin. C. de donat. qua sub modo.*

Possent

Possent & alia exempla plurima adferri, cum ex veterum, tum ex recentiorum Iurifconsultorum scriptis, quorum autoritate docemur, non tam scribendi modum & formam, quàm vim & effectum à testatore consideratum perpendi oportere, præsertim si conditio voluntaria non sit.

Istud axioma, Bartholus, Castrensis, Alciatus, cæteri; Doctores *ad l. Gallus. §. Et quod. D. de liber. Et Posthum.* idem Alciatus *lib. 3. de verb. significat.* & Corasius *de iuris arte part. 4. cap. 10. Et 11.* nobis tradiderunt. Conditionem necessariam, siue actum siue effectum respiciat, ad casum similem ¹⁸ porrigi, ¹⁸ nec tunc interesse, quid ex æquipollentibus fiat.

Quæ cum ita sint, videamus quatenus ea quæ supra scripta sunt, causæ in Illustrissimo Brabantiae concilio agitæ & acriter ventilatæ conueniant. Testamento ita scriptum erat. Si Carolus siue aliquis alius minorum natu liberorum ¹⁹ moriatur, antequam uxorem duxerit, ¹⁹ qui ex eis superstes erit, in locum defuncti succedito. Ut hæc conditio fideicommissi defecisse videatur, Maximilianus contendit non satis
I esse,

esse, vt frater Carolus vxorem duxerit, verum etiam liberos naturales ac legitimos reliquerit: id enim voluisse sensisseque patrem, perinde ac si ita scripsisset, si Carolus sinè prole ex matrimonio procreatâ decesserit; id etiamsi verbo differre videatur, re tamen vnum esse, ac idem valere cum eo quod testamenti verbis expressum est. Certè hoc voluisse testatorem verisimile est, ac vt id verum esse arbitremur, multa vrgent. Inprimis, quod finis matrimonij sit proles. *Deus. 23. q. 2. in princip.* Quare cum quidam post mortem sub eâ conditione, si efficeretur præbiter, rogatus esset alteri hæreditatem restituere, & is laicus mansisset, sinè liberis decessisse proponeretur, Alexander singulari iudicio ²⁰ respondit *consil. 100. incip. visâ parte testamenti in 4. volum.* conditionem fidei commissi non defecisse, quasi ijs verbis testator defectum liberorum legitimorum indicare voluerit: quamuis Alexandri sententia paulò longius petita quibusdam videatur, quoniam posset quis fieri præbiter & liberos relinquere, puta quos ex iustis nuptijs ante sacerdotium suscepit. At in causâ propositâ, non potest non accidere, vt decedat sine liberis naturalibus & legiti-

legitimis, qui ante matrimonium diem suum obijt. Et nulla ratio probabilis excogitari potest, cur voluerit testator bona filij defuncti substituto restitui, si ante matrimonium vitâ decessisset, nisi favore liberorum, quorum causa semper est potior; adeò vt etiamsi nominatim ²¹ excepta non sit, tacitè tamen ex coniecturâ ²¹ pietatis excepta censeatur *l. cum auus 102. D. de condit. & demonstrat. l. cum acutissimi. C. de fideicom. l. generaliter. S. cum autem. C. de instit. & substit.* At si nulli liberi forent, maluit testator minores natu filios quos substituit succedere, quam maximum natu: fortè idcirco (siquidem nulla alia ratio ex verbis testamenti elici potest) quod maximo natu filio abundè aliter lege aut testamento prospectum esset; minoribus verò minus, quos idè mutuæ successionis spe & euentu repensare voluerit.

Quinimò, hæc conditio non ducendæ vxoris, nequaquam refragaretur, etiamsi ad matrimonium prouolasset, modò ex eo nullos liberos naturales ac legitimos reliquisset: tametsi enim illa, si propriam verborum significationem respicias, haud euenisse videretur, tamen secundum testatoris voluntatem adimpleta es-

set, quippe quem supra ostensum est, non cœli-
 batum sed effectum eius, id est, defectum prolis
 legitimæ & naturalis qui contingit, demonstra-
 22 re voluisse. His rationibus motus præfatus 23
 Amplissimus Ordo, pro Maximiliano substitu-
 to, aduersus Anthonium hæredem legitimum,
 sententiam ferendam censuit.

Huiusce rei rationem, si propius quis inqui-
 rat, mox ultro sese offeret: nimirum, quia ex-
 23 pressum id etiam dicitur, quod ex verisimili 23
 contrahentium voluntate seu intentione resul-
 tat *l. quero 54. §. inter locatorem 1. vers. Pau-
 lus. D. locati l. tale pactum. §. fin. de pact. l.
 Neseñnius. D. de negot. gest. l. si extraneus de
 condict. caus. dat. l. 1. C. quæ res pign. oblig. poss.
 Pacian. consil. 9. num. 25. Crauetta consil. 147.
 num. 2. Vnde notabiliter dicit Angelus in. §. si
 verò expressim. in authent. de hæred. & fal-
 cid. quod si lex mandet aliquid expressè fieri,
 tunc satis expressè fieri dici, si ex coniecturis
 appareat; eumque secutus Mathæus de Affli-
 ctis decis. 44. num. 14. ait. expressa dicuntur
 esse non solum illa, quæ apparent ex verbis ex-
 pressis, verum etiam ex coniecturis *l. si locu-
 ples 57. D. de manumiss. testam. l. licet Impe-
 rator**

DE CONTROV. SERVIT. MATERIA. 69
 rator. *D. de legat. 1.* & quemadmodum id,
 quod distat à verisimili, est imago falsitatis, ut
 dixit Baldus in *l. 1. C. de seru. fugit. Decius con-*
sil. 189. Pacian. consil. 107. num. 36. ita quod
 ex verosimili promanat, non ineptè imago ve-
 ritatis ex naturà contrariorum recenseri seu
 reputari debet *l. milites 8. §. oportet 1. C. de*
quæstionibus, habebiturque id, quod per con-
 iecturas & verosimilitudinem ducitur pro ve-
 ritate, donec de contrario per legitimas pro-
 bationes constet, sicuti tradit Mantica lib. 1.
tit. 1. num. 10. de coniectur. ult. volunt. imò
 monente Bartholo in *l. si quando. C. unde vi*,
 probatio quæ per coniecturas elicitur, dicitur
 probatio ²⁴ euidens & manifesta, & allegans ²⁴
 verosimilitudinem dicitur allegare textum le-
 gis, quoniam lex præcipit obseruari id, quod
 est verosimile *l. semper in stipulationibus. D.*
de reg. iur. Cravett. consil. 297. num. 6.
 Hinc quod per coniecturas ex mente contra-
 hentium promanare colligitur, inter genera
 expressi retulit Andr. Tiraquell. *Gloss. 7. num.*
162. de legibus connubialibus. Illudque di-
 ligenter notandum, quod Cicero ait, scri-
 ptum sequi ²⁵ calumniatoris esse, boni au- ²⁵

tem Iudicis, voluntatem scriptoris, authorita-
témque defendere.

Verumenimuerò, vt vnde digressi sumus,
reuertamur, vsusfructus formalis, seruitus est
personalis; debetur enim à re personæ, à qua tan-
quam à termino ad quem, si mauis à fine, fit de-
nominatio. Vbi notabis hic desiderari perso-
nam non fictam sed veram. Vndè seruus hære-
ditarius si stipulatus fuerit vsumfructum con-
stitui impersonaliter, aut personaliter, adiectâ
videlicet suâ personâ, aut persona domini, sti-
pulationem omninò esse inutilem nullumque
esse constitutum vsumfructum, quia hic nulla
subest persona vera: non enim persona serui;
26 cum propriè 26 persona careat *l. nec seruus. D.
de peculio*, hinc à Græcis ἀνθρώπου nuncupatur, id
est, sine personâ; nec etiam ipse dominus, scili-
cet heres futurus, quia nullus intelligitur, nisi
quatenus representatur per hæreditatem iacen-
tem, quæ à Iurisconsultis persona tantum ficta
27 censetur 27 esse, vt patet ex *l. legatum 116. §.
seruo hæditario. D. de leg. 1. text. in l. vsus-
fructus. D. de stipul. seruorum*. Idem iudican-
dum si stipulatus fuerit non purè, sed sub con-
ditione, ea namque stipulatio nulla est. Licet
enim

enim stipulationis exactio seu effectus aut executio differri possit, vires tamen ²⁸ debet habere de præsentī quas in futurum exerat. Vnde cum illæ defint ob defectum subiecti, materiæ seu personæ, deficit actus & ex consequenti vñsusfructus *d. l. vñsusfructus*. Quorsum igitur ex *d. l. vñsusfructus* rectè legatur ipsi seruo? quia dies eiusmodi legati non cedit nisi ab aditâ hæreditate *d. l. & l. vñic. §. fin. D. quando dies vñsusfr. leg. cedat*. quo tempore vera occurrit persona, scilicet ipsius hæredis, in quâ pedem figit vñsusfructus. Sic autem definitur *Ius vñendi, fruendi, rebus alienis, saluâ earum rerum substantiâ*. Ius dicitur, quia vñsusfructus consistit in iure, & non in parte, non in substantiâ seu proprietate rei, *vt dicitur in l. Mauius. §. fin. D. de leg. 2*. Vnde in *l. quid aliud. D. de verb. significat*. dicitur esse qualitas inhærens personæ, sicut seruitus realis, qualitas inhærens prædio seu potius prædijs. Quid (inquit subtiliter suo more Celsus) aliud sunt iura prædiorum, quam ipsa prædia qualiter sese habentia.

Quæ vt clarius explicem, sciendum est, quod in iure sit proprietas quædam nuda, nempe cui deest vñsusfructus *§. proprius autem instat*.

fit. de hered. instituend. & est proprietas quædam plena siue vestita, cui nimirum vsusfructus cohæret *vt in §. ult. in fin. instit. de vsufruct.* quo etiam modo distinguitur vsusfructus: nam nudus est, vt dixi, qui non cohæret proprietati, sed plenus est qui proprietatem comitatur vt text. loquitur *in l. si ita 126 §. 1. D. de verb. oblig.* Prioris generis vsusfructus non est pars dominij, sed est ius à dominio seiunctum, adeò vt vnus idemque sic esse non possit dominus & fructuarius *l. uti frui. D. si vsufr. petat.* Et hic ab interpretibus nuncupatur vsusfructus formalis quia per se consistit, & non dominij sed seruitutis pars est, & hic propriè verèque vsusfructus est. At posterioris generis vsusfructus est pars dominij *l. qui vsumfructum. D. de verb. oblig.* quem ob id interpretes vocant vsumfructum causalem, nempè quia competit ex causa proprietatis, seu miscetur proprietati, eamque comitatur *l. si tibi proprietas D. de vsufr. accrescend.* & hic vsusfructus nec seruitus est nec propriè vsusfructus appellatione censetur.

Quamuis autem dominus vsumfructum formalem non habeat, eundem tamen constituit

stitui potest. Vnde colligi potest axioma notabile, ²⁹ scilicet aliquem dare posse quod non habet *l. quod nostrum. D. d. tit.* Quod etiam firmatur *ex l. non est nouum. D. de acq. rer. domin.* vbi qui nullam habet potentiam vsucapiendi alteri potentiam concedit. Ne tamen resultet repugnantia *ex l. nemo plus iuris. D. de Reg. Iur.* vbi nemo dat, quod non habet, dic has contrarias leges intelligendas ³⁰ de eo quod non habetur actu seu secundum substantiam, sed habetur *τῇ δυνάμει* virtute vt loquitur Iurisconsultus *in l. aduersus. D. de recept. arbitris.* Hoc modo, qui habet plenum dominium, non habet vsufructum formalem, quem tamen alteri concedit, quia hoc ipso quod habet causalem, dicitur in effectu & virtute continere formalem. Sic dicimus aliquem alteri, dare mortem, licet mortem non habeat formaliter, sed tantum efficienter.

Porro ius fructuarij quantumvis magnum sit, tamen plurimum differt ab vsu fruitioneque domini, ³¹ dominus enim mutare rei substantiam potest, ac quocunque modo arbitratu suo de re disponere *l. in re. C. mandati,*

K

dati,

dati, fructuarius debet rem ita tractare ut maneat integra substantia eadēque species quæ antè fuit, atque cæterarum rerum quæ usu consumuntur finito usufructu tantundem restituendum est *l. si cuius. §. sed si. D. de usufr. §. constituitur autem instit. eod. tit.* Dominus quidem rei habet ius utendi fruendi re sua, sed iure dominij, non iure ususfructus, non iure servitutis: & ideo usumfructum rei suæ habere propriè non dicitur.

Vnde satis constare arbitror, quod quamvis prædicta interpretum diuisio conuelli possit (si enim prædictas rationes ad iustum calculum reuocare velimus, implicabunt negotium, non expedient) rectè tamen sustineri queat, licet enim vocabula noua sint, & ab interpp. facilioris doctrinæ gratiâ adinuenta, ex ipsa tamen re profecta videtur & iure probatur: neque enim à sententiâ legum aliena est, cum ex ea necessariò consequatur; & rectè interpretes usumfructum causalem vocant, quod causam ducat à dominio. Nec desunt exempla iuris, quibus demonstratur, quod commoditas quam habet dominus in re suâ ususfructus appellatur: nam acceptilationem ususfructus ei factam qui

qui fundum debet, esse inutilem respondet
 Iurifconsultusea ratione, quia ususfructus do-
 mino rei cōpetens est pars integralis fundi quæ
 relata ad totum per se non venit in considera-
 tionem *l. Et per iusiurandum. D. de accepti-
 lat.* Sanè plurimis locis demonstrare possem,
 ius utendi fruendi quod proprietario competit
 coniunctim cum ipsâ proprietate, vsumfru-
 ctum appellari. Sed vnicus Vlpiani locus suffi-
 ciet *in l. uti frui. D. si ususfr. pet.* ita inquen-
 tis, *qui habet proprietatem, utendi fruendi
 ius separatum non habet*: quid his verbis cla-
 rius? Nec quenquam conturbare debet vocu-
 la causalis, tanquam ab interpretibus & non à
 veteribus Iurifconsultis seu iurium authoribus
 profecta, cum ad faciliorem doctrinam con-
 ducat. Similiter enim in omnibus alijs artibus
 factitatum cernimus. Ac sanè ei cui veritas in
 amoribus est, facillimum sit iudicare, nullam
 vnquam artem & scientiam tam perfectam
 tamque omnibus numeris absolutam fuisse,
 32 in quâ non aliqua verba reciperentur, quæ 32
 magis ad doctrinæ facilitatem, quàm ad or-
 natum & elegantiam conducerent. Neque o-
 mnium scientiarum inuentrices Athenæ, res

tam perfectas posteritati tradidissent, nisi eorum studio qui in ea vrbe excelebant, esset perfectum, vt ad quamlibet cognitionem quæ certâ ratione doceretur, vocabula, diuisiones & eiusmodi alia ab omni ornatu seposita, vtiliter tamen nouarentur. Neque verò potuerunt astrologi artium suarum præcepta, nec in medicina aphorismos Hyppocrates, nec in geometriâ postulata Euclydes tradere, nisi confictis & præter peruagatam vulgi opinionem sibi adscitis verbis: Sanè, cum etiam (Cicerone ipso teste) omnis qui de iure sermo instituitur, in populari ratione potissimum versetur, ac ea quæ tractantur, in scripti & voluntatis interpretatione plurimum consistant: is mihi lumen aliquod ei quod tractat, adferre videatur, qui res inter sese coniunctas, aut (vt plerumque in Iure Ciuili accidit) repugnantes, partibus quibusdam paucitate definitis comprehenderit colligauerit: nec videri possit aliquid nouum & præter Iuris sententiam attulisse, licet ad docendum id quod assumpsit, verbis vtatur antè id tempus in eo genere inusitatis & ignotis.

CON-



Servitus realis in urbanam & rusticam diuiditur. Inter urbanas numerantur, vt vicinus onera vicini sustineat, seruitus luminum, ne luminibus officiat, cæteræque illis similes; ad quas etiam ius venandi rectè referri putat Andr. Gail.

S V M M A R I A.

- 1 An luminum & ne luminibus officiat, sint distincta seruitutes? explicatur hic & num. 7.
- 2 Quæ dicantur urbana prædia, item quæ rustica.
- 3 Urbana & rustica locus non efficit, sed vsus.
- 4 Seruitutes urbana & rustica quorum respectu ita denominantur.
- 5 Vtrum in denominandis seruitutibus, nulla habeatur consideratio prædij seruientis.
- 6 oneris ferendi seruitus quidnam peculiare habeat, plenè traditur.
- 7 Discrimen inter seruitutem luminum, & ne luminibus officiat.
- 8 Est etiam seruitus prospectus à superioribus distincta, multoque latior.
- 9 An ius, cuius adificium debet seruitutem altius non tollendi, viridaria super altitudinem adificij habere possit.
- 10 Seruitus altius non tollendi, & seruitus luminibus non officiendi, quomodo inter se differant.
- 11 An & quomodo per depressionem parietis, luminibus vicini officij possit, dilucide traditur.
- 12 Vtrum seruitute non constituta, liceat aperto pariete nostro, ibidem fenestram collocare, inuito vicino? discutitur vtrumque.

- | | |
|--|--|
| <p>13 <i>Laus Amplissima D. Cor-</i>
<i>sely.</i></p> <p>14 <i>Visionem nostram fieri,</i>
<i>non emissione radiorum,</i>
<i>sed receptione potius spe-</i>
<i>cierum: declaratur.</i></p> <p>15 <i>An in diuisionis negotio lo-</i>
<i>cum habeat exceptio, si-</i>
<i>dem frangenti fidem ser-</i>
<i>uari non debere?</i></p> <p>16 <i>Negotium diuisionis reputa-</i>
<i>tur inter contractus in-</i>
<i>nominatos.</i></p> <p>17 <i>Consuetudines sunt strictè</i>
<i>intelligenda.</i></p> <p>18 <i>Qui prohibetur aliquo vti</i> </p> | <p>2 <i>ex vna via, potest eo vti</i>
<i>ex alio capite.</i></p> <p>19 <i>Arrestum Amplissima Cu-</i>
<i>ria Ducatus Brabantia.</i></p> <p>20 <i>Primatus non potest prohibe-</i>
<i>re venationem.</i></p> <p>21 <i>Is tamen qui alienum pra-</i>
<i>dium venandi causâ inui-</i>
<i>to domino ingressus est,</i>
<i>iniuriarum actione tene-</i>
<i>tur, quamvis ad eum per-</i>
<i>tineat quod cepit.</i></p> <p>22 <i>Ius venandi in alieno, an sit</i>
<i>seruitus realis, plenè dis-</i>
<i>cuitur.</i></p> <p>23 <i>Sententia Authoris.</i></p> |
|--|--|



Vminum materiam confusam maiorum æuo & meris incitiæ tenebris inuolutam, clarius explicuere hac tempestate purioris eruditionis Viri Costalius Duar. Cuiacius alijque complures, Corrafio præ cæteris suas hic dilatante fymbrias, idcirco multis ea de re agere in his spicilegijs conclusionum mearum Decretum non est. Id tamen hoc loco tractabo, an lumen & ne luminibus officiatur, sint distinctæ feruitutes? pauca tamen præmittenda sunt. Egimus
lupe.

superius de servitutibus personalibus, scilicet de usufructu, usu & habitatione: nunc de servitutibus realibus agendum est, quas monuimus sic dici reales, quia debentur à re rei, scilicet à prædio servienti prædio dominantibus; & quia distinctio specifica relationis, qualis est servitus, petitur à distinctione specificâ terminorum, quales sunt prædia prædominantia, cum illa diuidantur in rustica & urbana, rectè servitus realis diuiditur in urbanam & rusticam, *de quibus in tit. de seru. urb. prad. & in tit. de seru. rust.* Urbana prædia dicuntur illa, quæ sunt ædificata² ad cultum potius & ornatum, quam ad utilitatem, siue illa sint in vrbe siue extra. Rustica verò, etiamsi sint in vrbe, illa dicuntur, quæ sunt ordinata potius ad utilitatem & lucrum quàm ad cultum. Vnde rectè Pomponius in *l. urbana. D. de verb. signif.* docet urbana & rustica loco non distingui, sed qualitate usus. Loco quidem distingui inter antiquos voluit Neratius, ab alijs meritò reprehensus, qui ab usu, & qualitate taliter dici voluerunt. Ex eo, quod actum est, ac si id non appareat, ex consuetudine domini res omnis æstimanda; pendet enim atque æstimanda res omnis

noménque assumere à prædijs quorum utilitatem respiciunt, respondet atque per exempla declarat Iuriconsultus Neratius *in l. 2. D. de serv. rust. præd.* nullo respectu habito 5 ad qualitatem rei seu prædij ex quo debentur.

Cæterum variæ sunt urbanæ servitutes, & inter illas est etiam servitus oneris ferendi *l. etsi fortè. §. etiam & l. sicut. §. competit. D. si servit. vind. l. eum debere 32. D. de servit. urb. præd.* Cui servituti hoc proprium est, ut inferior vicinus onus terre superioris, eiusque ædificium fulcire 6 & sustentare debeat, puta pariete, aut columnis, aut epistilijs, aut statujs aut mulieribus stolatis, de quibus Athenæus *lib. 6.* Imagines quoque oneri ferendo collocari solitas scribit Vitruvius *lib. 1. de architecturâ cap. 1.* Vnde de servitute oneris porticus servandæ agit Neratius *in l. penult. §. 1. D. de damn. infect.* id est, de servitute impositâ ad sustentandum onus alienæ porticus. Planè qui oneris ferendi servitute obstrictus est, is tenetur columnam, parietem, statuam aut quid aliud habere positum vel erectum, quod oneri vicini ferendo sit, idque collocare & collapsum reficere vel aliud simile suis sumptibus reponere

L

nere

nere debet *d. l. sicut. §. etiam* Et *d. l. eum debere*. Nec refragatur, quod seruitutum naturæ hoc non inest, ut aliquid faciat is cuius prædium seruit; quoniam seruitus debet habere causam perpetuam, nam perpetuitas illa accipienda est pro qualitate subiecti: ut res mortaliū perpetuæ censentur, magis nimirum per genus, id est repræsentationis & successionis iure, quam per speciem; ut populus qui fuit olim, idem censetur cum populo qui modo est: ut pater perpetuus idemque esse & adhuc viuere videtur per filios ex se genitos, ut potè qui non modo in locum, sed & in ius patris dicuntur succedere personamque eius repræsentare, id est, veluti præsentem & adhuc viuentem sistere. Sic oneris ferendi debitor præbere debet parietem, quo vicini onus fulciatur & sustentetur perpetuò, hoc est, perpetuò debet habere parietem illum, aut alium eius loco reponere & surrogare, qui ex utilitate paries idem intelligendus est *l. seruitutes. §. si sublatum. D. de seruit. urb. prad.*

Præcedens mentio & ordo exemplorum à nobis seruatus, admonet ut de luminum seruitute videamus. In qua re sciendum est, lumina esse

DE CONTROV. SERVIT. MATERIA. 83
 esse quibus cælum videtur & aer excipitur; probat id *l. lumen* 16. *de serv. urb.* dum ait, lumen esse ut cælum videatur. Vnde lumina immittere, servitutem luminum habere, luminibus officere, item obstruere obscuraræque lumina dicimus. Luminum servitute constitutâ, inquit Paulus in *l. 4. D. de servit. urb. prad.* id acquisitum videtur, ut vicinus lumina nostra excipiat, id est, ut præstet aperiâtque locum intro mittendo hauriendoque lumini, at servitus ne luminibus officiat, eo spectat, ne lumina vicini 7 obscuriora quoquo pacto fiant, unde quodcunque sit ad luminis deminutionem, vel impedimentum prohiberi potest *l. 3. l. inter* 15. & *l. si arborem in princ. de serv. urb. prad. l. 1. in fin. si ususfr. petat.* Servitus luminum à contiguis seu proximis duntaxat prædijs urbanis deberi solet, ne luminibus officiat, etiam ab aduersis *Hotom. 2. amic. resp. sine lib. obs. 1 2. cap. 5.* illa ut & obstaculum remoueat efficit, hæc ne quid incommodi inferatur. Et hanc differentiam manifestè statuit Iuriconsultus in *d. l. 4. de serv. urb. prad.* Hinc satis constare arbitror servitutes istas esse distinctas latiorémque & amplio rem esse servi-

tutem luminum quam seruitutem ne luminibus officiat. Alia etiam est seruitus prospectus & à superioribus diuersa, multoq; latior existit: Seruitute quippe prospectus hoc amplius continetur, vt liceat in patentia⁸ & ex porrecta loca, tã inferiora quàm superiora libere prospicere, ita vt prædij seruiantis domino non liceat quicquã agere vel positum habere, quod prospectum illum gratum & liberum auferat, auertat vel impediatur, siue is aspectus cõtingat ex superioribus locis, siue ex inferioribus, ex quibus lumen hauriri nõ possit *l. lumen de seru. urb. præd.* Itaq; illæ ad lumen, hæc ad gratiorem prospectũ & liberum pertinet *d. l. inter D. d. tit.* Vnde in hac nihil fieri potest, per quod impediatur delectatio & amænior seu gratior prospectus; cũ ei qui luminũ aut ne luminibus officiat seruitutem debet, quidlibet in suo agendi facultas sit, dummodò lumina alterius non obscuret vel impediatur. Sic vt seruitus ne luminibus officiat, ad solam claritatẽ lucis, aut solis pertineat: contra prospectus, etiam amænitate & delectationẽ in se includat, nimirum vt viridaria, arbuſta, picturæ & imagines videri queant. Dubitatũ quidem fuit, an is, cuius ædificium seruitute altius non

non tollendi affectum seu obnoxium erat, viridaria super altitudinem ædificij habere posset, quasi viridarijs positis ædificia altius tolleretur. *Ædifices* 12. *D. de ser. urb. præd.* Tollere siquidē, est eleuare, erigere. Vnde viridia seu viridaria eadem ratione tolli, qua ædificia dicuntur, quēadmodū Nonij Marcelli autoritate docemur *de compendiosa doct. c. 1.* Erant viridia in tectis, qualia in hac nostra Amplissima florentissimā, que Ciuitate Louanienſi videre est in Collegio D. Pulcheriæ, qualia etiam priscis tēporibus vſitata fuiſſe, memoriæ prodidit Vitruu. *lib. 6. c. 6.* sic enim ibidem scribit: Vti viridia in tectis per spatia fenestrarum prospiciantur. Sed longē aliud est, ædificiū erigere, aliud erigere viridia, is enim, cuius ædes debent seruitutem altius nō tollendi, viridaria super altitudinem ædificij habere poterit. si verō vicinus mihi debeat seruitutem ne prospectui officiat, viridaria quæ prospectui obſtabunt, habere non poterit *d. l. ædificia*; aut si habeat, potero actione conſequi vt viridaria tollat seu auferat; viridarijs ablatis, prospectus quidem erit liberior, non tamen amēnior. Planē cum amēnos illos prospectus penitus conſidero, nihil gratius nihilque iucundius contingere poſſe arbitror, horti enim flo-

ribus & arboribus confiti, fluminum per vi-
rentia prata decursus, oblectant oculum, dele-
ctant animum.

Haecenus de seruitute luminum, ne lumi-
nibus officatur, & prospectus, quomodo inter
se differant diximus. Nunc in quo seruitus al-
tius non tollendi à seruitute luminibus non of-
ficienti ¹⁰ discrepet, inuestigemus. Et quidem
distinctas esse has seruitutes conuincitur *ex. §.
pradiorum & §. fin. instit. de seruit.* licet quan-
doque vel copulatiue vel per modum causæ
sine copulâ coniungantur. Nam non solum al-
tius tollendo, sed etiam latius protendendo
parietem, imò tollendo, deprimendo, alijsque
modis, luminibus vicini officii potest *l. 17. §. 1.*
¹¹ *D. de seru. urb. prad.* si fortè per ¹¹ refractionem,
seu repercussionem vel pressurâ quadam
in ædes eas deuoluatur vt verbis Iurisconsulti
vtar *in. d. l. 17. §. 2.* Mirum id faciliè videri queat,
quibus persuasum sit potius sublato ædificio
propinquo locum tunc opacum plus solis lu-
minisque recipere. Sed ex mathematicorum
demonstrationibus abundè discimus, ipsaque
experientia testis est, maiorem caloris luminis-
que reflexionem existere, quo radij vel solis vel
ignis

ignis cuiuscunq; per refractionem magis ferantur diametraliter. Servitute ergò ne luminibus, hoc comprehenditur, ne lumina vicini obscuriora quoquo modo reddantur, quâ ratione quodcunq; tendit ad luminis auersionē vel impedimentum, prohiberi potest. Adeo vt plantatio arborum, cum efficiat, quo minus cœlum videri possit, constitutæ servituti sit contraria *l. si arborem 17. D. eod.* Vndè non immeritò quis cum Antonio Fabro Iacobum Cuiacium reprehenderit, qui servitutem altius non tollendi non distinguit, à servitute ne luminibus officiat. Qui cauit, ne altius quid tollat, tametsi nequeat altitudinis metam ædificando transgredi, quamvis ex eo lumina nō fierent obscuriora; arbores tamen plantare & viridaria super eam altitudinem habere non impeditur *l. 12. eod.* quibus proculdubio luminibus vicini obstrui potest. Quinetiam & latius protendendi vel etiam deponendi ædificium, facultatem habere arbitror, quamvis luminibus vicini officiat *arg. l. 7. §. 1. de serv. urb. præd.*

Subit hoc in loco quæstio non inelegans, quæ nec mihi prætermittenda visa est, maximè cum inter summos Iurisconsultos tantoperè agitetur

- agitur : An seruitute non constitutâ liceat
 12 aperire parietem nostrum, fenestram eo loco 12
 habendi gratiâ, inuito etiam vicino? Et quidem
 Coepolla *in tract. de seruit. urb.* quem plerique
 sequuntur, scripsit non licere : quod ideò
 necessaria sit seruitus luminum *l. 4. l. 16. de
 seru. urb.* quæ à Gaio fenestra vno nomine ap-
 pellatur *lib. 2. instit. tit. 9.* id est, ius fenestræ
 immittendæ, qua lumen hauriatur & vicinus
 lumina nostra excipere cogatur, cui graue &
 permolestum aliàs, vt secreta domus alteri pa-
 teant. Nihil referre dicebat Xenocrates, oculos
 ne an pedes in alienum feras, vt ex autoritate
 Plutarchi *in lib. ἀπὸ πρῶτου*. iam pridem docuit *in
 praelectionibus suis ad tit. Cod. de seruit. & a-
 qua.* Spectabilis ille & verè Magnificus Vir D.
 13 Gerardus Corſelius Iuris vtriusque Doctor 13
 Excellentissimus, & in Illustriſſimâ noſtrâ Lo-
 uaniensi Academia, Florentiſſimo inquam lu-
 risprudentiæ theatro, Iuris Ciuilis quondam
 Antecessor Primarius, vnde ob raras ingenij sui
 dotes, eximiam & singularem eruditionem, ad
 supremum Concilium Belgicum per Ser.^{mos}
 Principes primum euocatus est: ex quo ad san-
 ctius suæ Celsitudinis Concilium modò as-
 sumptus.

sumptus, foeliciter regit; Quem eo lubentius nomino, quod sub illo prima iuris fundamenta iecerim, eaq; ratione honoris & reuerentiae vinculo illi plurimum sim deuinctus. Vt ad rem redeam, idem scriptum est à Iacobo Cuiacio 1. *obser.* 31. non licere nimirum iure libertatis naturalis fenestras versus alienas ædes habere, quoniam sine seruitute facultas non sit eiusmodi fenestras habere. Mouetur præcipuè *l. penult. de seru. urb. prad.* & quoniam vrget dicta lex in his verbis *pariete communi*, reijcit illud verbum communi, quod imperito potius interpreti vel librariorum errori, quam Paulo Iuriconsulto tribuit: & pro communi legit cœco, meritò eam ob causam reprehensus ab Hotom. 2. *amicab.* 31. Attamen cum rem penitus expendo, aio contrarium, id est, fas esse aperire parietem nostrum, fenestramque ibidem habere, etiam inuito vicino, neque ad hoc seruitutem requiri. Inprimis meam sententiam confirmat quod alibi legitur: eum qui iure suo utitur nemini facere iniuriam, nam qui in suo facit, liberè facit, licet alteri noceat, dummodò sibi profit *l. 11. §. item de aq. plu. arc.* In suo alij hætenus facere licet, inquit Iurif-

M. consultus

consultus in l. 8. §. 5. D. si seruit. vind. quatenus nihil in alienum immittat: qui in suo pariete fenestras facit, reuerà nihil immittit: quod indè relucet, quoniam nec in loca publica, sacra & religiosa aliquid immittere permissum sit *l. 2. in princ. §. locorum D. ne quid in loc. publ. l. 1. ne quid in loc. sacr.* liceat tamen fenestras in ea habere. Qui prospicit in hæc loca, non ideò censetur quidquam in ea immittere.

Sciendum est quod res omnes suas imagines & figuras, quas Philosophi species nuncupant, extra se in aërem mittunt, quæ ad oculos nostros perueniunt, & easdem res quarum sunt imagines repræsentant; quod in speculo videre est, quod cum rerum imagines & species recipiat, & nequeant vltèrius progredi, quod speculum translucidum non sit, ibi consistunt, & quæcunque ante illud sunt, valdè propriè referunt nobis & repræsentant. Vnde quod videmus, non fieri emissionè radiorum, sed receptione potius ¹⁴ specierum, verius est. Nam si stellæ suas imagines & species in nostris oculis non imprimerent, vt per illas conspicerentur, cum ab oculis nostris tam longè absint, nequaquam videri possent.

Meæ

Meæ sententiæ quoque adstipulatur quod rescriptit Imp. Zeno; ædificantem, si relinquat duodecim pedes inter propriam & vicini domum, tam prospectivas quàm luciferas fenestras fabricare posse / 12. §. 2. C. de ædific. privat. cum per hoc in alienum nihil immittat. Itaque figuratè oculos immitti dixit Xenocrates, curiositatem taxans, ut Plutarchus satis indicat, & quid vicino molestum sit ostendens, quem si hac ratione offendere volumus, iure nobis licet, dummodò nihil immittamus. Et quid si fenestræ luminis dumtaxat hauriendi gratiâ habeantur, ex quibus prospectus in alienum non detur, si nimirum editiores sint vel occlusæ vitro spissiore & aspectum non transmittente don. 11. com. cap. 5.

Præterea sententiam meam coadiuvat, id quod responsum est in d. l. pen. de serv. urb. prad. de pariete communi: quid enim opus fuisset de pariete communi respondere, si idem obtineret in quovis? disparem esse rationem quis non videt? in pariete communi id ideo fieri non potest, quia socij nihil quidquam in re communi inuitis cæteris faciendi facultatem habent, usque adeò ut nec demoliri parie-

tem possint, quoniam soli domini non sunt
l. Sabinus communi diuidund. ergò aliter se
 res habet in vno domino, cui, cum totum parietem
 demoliendi facultatem habeat, in eo fenestras
 & lumina aperire licitum est, sic vt non liceat
 vicino agere, ei ius non esse ita fenestras habere,
 & petere vt eas occludat, quanquam vicinus
 quiduis in suo facere vel è regione collocare
 queat, quo ipsi lumen & prospectum obstruat.
 qualis igitur ea molestia, quâ quisque vbi
 velit, ex aduerso tollendo ædes suas vel aliter
 obstruendo, se eximere potest. Nec iuris nec
 æquitatis ratio impedit, quo minus fenestras in
 suo pariete aperire cuique liceat, idque propter
 naturalem aëris communionem §. 1. *instit. de rer. diuis.* sed vicinus collocare &
 quiduis in suo erigere non prohibetur, quo pari iure
 lumen & prospectum ijs fenestris obstruat
arg. l. 8. §. 5. si seru. vind. l. 29. §. 1. ad l. Aquil.
 Alias atque interim dum non obstruit, voluntate
 & consensu eius lumen hauriri immitterique
 existimandum est. Vnde eleganter alibi, cum,
 qui ita aperuerit, veluti lucro quodam vt
 ratiocinatur Iurisconsultus *in leg. 26. D. de dam. infect.*

Cate-

Cæterum vt prædicta ad praxin vsumque
 fori applicem, quæstionem in supremo am-
 plissimoque Brabantia Concilio acriter ven-
 tilatam, in medium producere lubet. An ex
 eo solo, quod actor contra legem seruitutis in
 diuisione olim constitutæ, in muro ei addiui-
 so altius elatum & ædificatum habet, reus in
 sua etiam habitatione fenestras habere possit
 contra legem impositæ in eadem diuisione ser-
 uitutis: hoc est. An in diuisionis negotio lo-
 cum habeat, regula & exceptio? fidem frangen-
 ti ¹⁵ fidem seruari non debere. Dubitationem ¹⁵
 quidem habere videbatur ex eo, quod ea regu-
 la non passim nec indistinctè in omnibus ne-
 gotijs locum habeat, quo modo nominatim &
 expresse decisum est eam non obtinere in con-
 tractu emptionis & venditionis *l. non idcirco.*
C. de contrah. empt. l. si traditio. C. de act.
empt. l. iniuile & ibid. DD. C. de rei ven-
dic. At certè illud indubitatum est eam locum
 habere & obtinere in contractibus innomi-
 natis. In quibus sicut ex solo liberæ volun-
 tatis arbitrio vtrunque locus est pænitentiaë,
 quamdiu pænitens implementum contra-
 ctus ab aduersario non suscepit: sic vt volente

M 3

etiam

etiam aduersario implere pro parte sua quod conuenit, pœnitendo recutare queat, possitque non suscipere implementum, & non suscipiendo eximere se à mutuâ obligatione, atque adeò repetere etiam ac condicere, si quod ex parte sua præstare tenebatur iam impleuerat. *l. 3. §. 1. l. si pecuniam. §. 1. D. de condict. ob caus. l. naturalis. §. 1. D. de præscript. verb.* Itaque & multò quidem magis ac fortius recedere licet vnique à contractû eique contrauenire, si fidem fallat aduersarius & contractui inito non obtemperet: eaque certissima est & indubitata omnium interpretum, nemine (quod equidem comperi) reclamante sententia. *D. in l. cum proponas. C. de pact. Barth. in l. quæro. §. inter locatorem. D. locati, Bald. in l. inciuile. C. de rei vendicat.*

Porro verò illud certissimum ac planè indubitatum est, negotium diuisionis hæreditatis censeri inter contractus ¹⁶ innominatos. Est enim de genere permutationis, quæ inter contractus innominatos prima est ac præcipua species. Planèq, ac manifestè erroneum est, quod Actor nititur persuadere, in diuisione rerum communium verti contractum emptionis & venditio-

venditionis, præsertim quando celebrata est
 diuisio per rerum hinc inde inter cohæredes &
 condiudentes factas assignationes seu adiudi-
 cationes, sicut in subiecto casu. Atque ita di-
 fertè tradit Accursius in *l. si familia. C. famil.
 hercisc. in Gloss. ult.* in diuisione factâ per re-
 rum hinc inde adiudicationem, esse quandam
 permutationem; eiusque rationem reddit, non
 minus perspicuam quàm elegantem. Nam
 cum vnaquæque res sit communis inter co-
 hæredes, sic vt in vnaquaque re singuli ex co-
 hæredibus aut socijs partem suam habeant:
 quando celebratur diuisio per rerum singula-
 rum singulis factam adiudicationem, vnusquis-
 que cohæredum in re sibi adiudicatâ vnam
 partem habet ex iure ac capite sui cohæredis,
 pro quâ vicissim ei cedit partem suam in re as-
 signatâ seu adiudicatâ ipsi cohæredi; quæ vera
 permutatio est, per quam rem suam sic alteri
 quis cedit, vt inuicem ab eo aliam accipiat *l. 1.
 D. de rer. permut. d. l. naturalis. §. 1.* Eoque fit,
 vt si res aliqua vni adiudicatâ postmodum cui-
 etâ fuerit: euictionis detrimentum, alter cohæ-
 res pro parte præstare debeat actione præscriptis
 verbis *vt difertè habet textus in d. l. si familia
 in fine*

in fine. Quæ res manifesto argumento est, in negotio eiusmodi diuisionis permutationem versari, & sic contractum innominatum, non emptionem & venditionem: quæ si intelligeretur in eiusmodi diuisione, de re cuictâ cohæredi aduersus cohæredem non præscriptis verbis sed exempto daretur actio *l. ex empto. D. de act. empti. Salyc. & alij in l. si permutationis. C. de enict.*

Hinc & illud euenit, quod sicut ex placito permutationis nullâ resecutâ nemini competit actio *l. ex placito. C. de rer. permut.* sic diuisionis etiam placitum, nisi traditione vel stipulatione sumat effectum, ad actionem tantum nudum pactum nulli prodesse possit *text. in l. diuisionis placitum. D. de pact.* Quod aliter se haberet, si diuisionis conuentio ad emptionis ac venditionis speciem referretur: esset enim ex solo consensu ac à venditione efficax ad agendum, sicut emptio & venditio nudâ consentientium voluntate contrahitur & producit efficacem actionem *l. 1. D. de rer. permut.* Quibus omnibus consequens est, ut quâ ratione in contractû permutationis, qui innominatus est, locum habet regula fidei

fran-

frangenti &c. de quo inter omnes conuenit *d. l. cum proponas. C. de pact.* locum etiam habeat in conuentione diuisionis, & sic in casu presentis controuersie eadem illa rectè Actori per Reum obijciatur, eique prodesse ac suffragari debeat ad luminum ac fenestrarum à se apertarum contra legem diuisionis retentionem, quoad Actor contra legem eiusdem diuisionis in muro terminali superædificatum habeat. Et id quidem eo magis, quod seruitus hæc de non hauriendo lumine aut habendis fenestris infra præscriptam altitudinem, in prædictâ diuisione habitationi Rei impositâ, sit connexa ac planè respectiua ad illam seruitutem impositam fundo qui ab Actore possidetur, de non tollendo ac superædificando muro terminali, vt apertissimè conuincitur ex clausulâ dictæ diuisionis in verbis *vvaertegens die voorschreuen kinderen &c.* Quæ ostendunt mutuam esse & reciprocam harum seruitutum conuentionem ac constitutionem: in quo quidem genere obligationum quæ sibi connexæ & ad inuicem respectiue sunt, potissimum obtinet supradicta fidei non seruata regula ac exceptio, vt eleganter notat Salyc. in *d. l. cum*

N

propo-

proponas, quem ibidem in hoc refert & sequitur Alexand. Sic quod nulla planè sit dubitatio, quin rectissimè se fenestrasque suas aduersus Actorem Reus in præsentì causâ tueatur, etiam contra expressam legem diuisionis ac impositæ seruitutis, quamdiu contra eiusdem diuisionis ac mutuæ seruitutis legem Actor adificatum habet, in eo muro quem altius non tolli fuerat constitutum. Et id quidem etiam per viam nudæ exceptionis, quia potest hæc regula de fidei rptione seu contractus inobseruantia ac contrauentione, non agendo solum exerceri de quo textus est express. in d. l. si conuenerit. §. ult. D. pro socio, l. quaro §. inter locationem & ibid. Barth. D. locat. verum etiam & quidem multò magis excipiendo text. est in d. l. cum proponas 2. C. de pact. Sic quod superuacaneæ planè cautionis fuerit, postulata ac impetrata per Reum ad proponendam ex hoc capite ac regulà directam conclusionem in integrum restitutio, cum alioquin etiam perpetua sit & notissimi ac certissimi iuris regula, ei qui actionem habet, multò magis etiam exceptionem competere Iurib. vulgat.

Neque verò Reo in hac exceptione ob stare
potest,

potest, nec aduersus eam Aëtori suffragari, quod ex statuto seu consuetudine municipali (ciuitatis videlicet Antvverpiensis) etsi prohiberi inædificatio potuit, quando contra legem impositæ seruitutis à vicino cœpta est, cā tamen perfectā compelli vicinus non possit vt illam tollat, sed eam sic vt posita est, retinere possit dum vltro corruat. Nam vt illud interim omitamus, quod obijciebat Reus, statutum seu consuetudinem municipale, quæ contra ius vicini inædificatum permittit retinere, expresse ac difertè loqui in eo quod quis ædificauit in proprio, ac proindè locum habere non debere in præsentis quæstionis hypothesi, vbi non in proprio ædificatum est sed in communi; quod consuetudines¹⁷ ac statuta municipalia¹⁷ strictè in proprijs terminis sunt accipienda. Quæ tamen allegatio non planè vacat ratione, ex eo præsertim, quod quamuis alias regulariter quod commune est, proprium etiam intelligatur singulorum *l. serui electione. §. vlt. de leg. 1.* in seruitutum tamen tractatu id non obtineat; cōque fiat, quod etsi in suo fundo qui seruitutem non debet, domino facere ac demoliri liceat pro suo arbitratu *l. altius cum l.*

seq. C. de seruit. Et aq. in communi tamen
perinde id inuito socio non licet, quia nemo
ex socijs solus est dominus l. parietem. D. de
seruit. urb. pred. ideoque à socio potest pro-
hiberi l. an unus. D. si seruit. vind. Tum verò
 ut maximè etiam in communi loco seu muro
 hoc statutum obtineret, non impediretur ta-
 men is contra quem sic ædificatum est, stante
 etiam & manente ex vigore statuti seu consue-
 tudinis inædificato, ipse interim uti iure exce-
 13 ptionis ex alio ¹⁸ capite, scilicet naturà & con-
 ditione contractus, & mutux atque reciprocx
 seruitutum impositionis ac legis dispositione
 in eam influente sibi competentis, ut nimirum
 quia contra legem conuentionis & impositæ ser-
 uitutis ædificatū Actor vicinus habet, quamvis
 vigore statuti seu consuetudinis id ei sic retine-
 re liceat, vicissim liceat Reo vicino venire con-
 tra legem inuicem sibi seu suo fundo impositæ
 seruitutis, quia scilicet nihil ad huius iuris ac
 exceptionis causam pertinet eiusmodi statu-
 tum aut consuetudo, sed planè diuersa distin-
 ctæque sunt hæc duo, nec quicquam habent
 inter se commercij. Et in hanc sententiam, at-
 que in ipsissimis penè terminis, notabilis est ac
 elegan-

elegantissima decisio in *l. Sabinus. §. 1. D. comm. divid.* quo loco definit acutissimus Papinianus, socium qui in re communi socium ædificantem poterat prohibere, si non prohibuit cum posset, cogere postea non posse ut opus factum tollat ac diruat. Quod enim ab vno ex socijs altero permittente factum est, iure disponente potest retineri. Cæterum etsi ex iuris dispositione & autoritate sic possit retineri, habet tamen nihilominus socius qui permisit, quique ob hoc pati cogitur ut opus maneat, aduersus eum qui ædificauit communi diuidendo actionem ad damni inde secuti reparationem, quia ius personale quod socius ex communione habet aduersus socium, qui in re communi aduersus legem communionis aliquid admisit aut nocuit, non pendet ab eo, nec eo minus est aut perit, quod iure tolleratur & stare permittitur quod contra cõmunione factum est: multa enim iniuste ac illicitè facta tollerantur, quæ suis interim remedijs à iure proditis vindicantur. *D. D. in l. non dubium. C. de legibus.* Exemplum est in alienatione factâ contra prohibitionem hominis per contractum seu dispositionem inter viuos,

quæ alienatio illicitè quidem fit, sed facta tolleratur & in seipsâ firmataque manet, sic tamen ut qui eam fecit hæredesque eius, ei qui prohibuit eiusque hæredibus ex conventionione in id quod interest teneantur, hoc est, ad æstimationem rei contra prohibitionem alienatæ *l. ea lege. C. de condict. ob caus. l. si ita quis dixerit. §. ea lege. D. de verb. obligat.* non tollitur enim neque evanescit ius conventionis, per hoc quod de facto tolleratur id quod contra conventionem factum est, imò propter hoc ipsum aliâ viâ ius conventionis exercetur. Et in proposito, pari modo, pari ratione, non extinguit neque tollit legem reciproæ servitutis, quæ in diuisione hereditatis constituta est, quia ex statuto aut consuetudine quod contra eam ædificatum est de facto sustinetur: quia hoc ad factum pertinet, ius ipsum reciproæ constitutionis non concernit, non alterat *ut in simili dicit Iurisconsultus in l. bona fidei. §. in contrarium vers. hoc enim ad ius. D. de acq. rer. dom.* ideoque propter reciproæ legis inobservantiam, facultatem tribuit fundo dominantis, contra cuius ius ædificatum est, eiusque domino ac possessori, vice versa facere ac venire
contra

contra legem seruitutis, quæ suo fundo reci.
procè imposita fuerat *d. l. cum proponas. C. de
pact. d. l. Sabinus. S. 1. D. com. diuid.* Sicque
Reum facultatem hanc mutuæ contrauentio-
nis optimo iure exercere, & per hoc ope exce-
ptionis Actorem in propositâ controuersiâ re-
ctè repellere ab agendo. Et ita correcto & in
melius reformato Scabinorum Antvverpien-
sium decreto, Præfatus Amplissimus ¹⁹ Sena- 19
tus censuit *in causa Ioannis Boelaert Acto-
ris & Thoma van Attenhouen Rei* Acto-
rémque insuper Reo in expensas litis condem-
nauit. Quod sicut ab Amplissimi Brabantiae
Concilij Senatore quondam Amplissimo, Piæ
Memoriæ D. Sexagio, Viro suâ ætate solertissi-
mo accepi, ita huic loco inferi dignum exi-
stimaui.

Reliquum est, vt de iure venandi modo ali-
quid dicamus, quod rectè sibi vindicant hodie
viri principes. Quamuis enim naturali ratione
siue iure naturæ, sint communia & nullius in
bonis, atque adeò occupanti concedebantur,
quæ cœlo, terra marique capiuntur, nam Deus
omnia animalia creauit in communem homi-
num cibum & vsum, vt ex Chrysippo notat
Cicero

Cicero *lib. 3. de finibus*. nihil tamen impedit potestatem capiendi vagam, certis terminis ac conditionum cancellis circumscribi ac temperari, ubi id temporis, boniue publici ratio postulare cœperit, quamvis non sit hoc sine controuersia, de quâ qui plura subtiliter disputata requirit, adeat Couarruiam *ad cap. peccatum part. 2. §. 8. de Reg. Jur. in 6.*

Verumenimuerò, utcunque sit illud, saltem expeditum est & inter omnes conuenit, 20 venationem prohibendi ius ²⁰ non esse penes priuatos: hoc dumtaxat priuato licet, ut ingressum in fundum alteri prohibere possit *l. Diuus Pius 16. D. de seru. rust. præd. l. 3. §. planè D. de acq. rer. dom.* ratione cuius prohibitionis nascitur iniuriarum actio, contra eum qui inuito & prohibente domino ingressus est *l. 13. §. si quem tamen D. de iniurijs*, quo spectat illud veterum Iurisconsultorum digramma à Tertulliano relatum *in lib. de præscript.* Quid in meo facitis non mei: verum prohibitionē sua priuatâ venationem impedire non potest *arg. l. priuatorum. C. de Iurisdict. & l. neque pignus. D. de Reg. Jur.* Vnde qui alienum prædium ingressus est inuito domino, & ibi venan-

venando ²¹ aliquid apprehendit, quamvis in- ²¹
iuriarum actione teneatur, eius tamen fit &
manet quod cepit, ut verior habet sententia.

Sed quoniam ius venandi inter Principes sepe controuersum est, & magnam litium segetem suppedit, imò armatâ manu plerumque defenditur, cum nullâ re magis afficiantur, recreentur & delectentur quam venatione, ideò de iure venandi quædam singulariter hic subijciam. Sanè venatio principibus viris omnium maximè conuenit, cum sit rei militaris comes & meditatio rerum bellicarum, ideòque à veteribus in summo pretio habita & summis laudibus exornata sit, quippè quemadmodum in eâ omnia bellica exercentur, ita ad res bellicas ingenia acuit, solertiores reddit, sicut præclare de laudibus venationis scripsit Xenophon. Ac quod Alexander Magnus sæpè diem venatione consumpserit, litterarum monumentis proditum reliquit Plutarchus in eius vitâ. Nimirum sciebat Vir ille rerum bellicarum gloriâ incomparabilis, nihil esse aptius ad acuenda ingenia, nihil æquè ad solertiam proficere quam venationem.

Hoc venandi ius præscriptione acquiri posse
O certum

certum est. Sed ad eam requiritur tantum tempus, cuius initij memoria non extat in contrarium *arg. text. in l. 1. §. fin. D. de. aq. plu. arc. l. 1. 4. D. de seruit. in verbo certam.* in tempore autem immemoriali testibus probando, recurrendum est ad seniores, qui deponere debent quod ipsi ita viderint, & antiquitus ita factum & obseruatum fuisse, à parentibus & maioribus suis intellexerint, & nunquam aliter *in l. si chorus, ibi rust. senem dicentem D. de leg. 3. Philipp. franc. ad cap. 1. in verbo memoria de praescript. lib. 6. num. 15.*

22 Porro ius venandi ²² in alieno, Zasius *singul. intell. lib. 1. cap. 11.* & post eum Gail. *obser. 66. in princ.* existimat esse seruitutem realem: idque hac ratione, quod à syluis tanquam prædio seruienti, seruitus illa venandi, castro vel villæ, tanquam prædio dominanti debeat. Quod verum non est: non propterea quod seruitutes hæ non possint constitui, nisi prædio vicino (quo argumento utitur Zoanet. *in repetit. l. 2. C. de pact. int. empt. num. 193. & 202.*) neque enim requiritur hæc prædiorum vicinitas, nisi ratione loci intermediij impediretur vsus seruitutis, siue ea sit rustica siue urbana

l. 7. 1. D. com. prad. l. 4. §. fin. si seruit. vind. Duar. ad l. 14. §. fin. de seruit. sed quia omnes seruitutes reales primariò & principaliter ad prædij dominantis vtilitatem respicere debent *l. 38. D. de seru. urb. prad. l. 4. §. 6. de seru. rust. prad.* Ex hoc verò iure domino castri vel ciuitatis competente, nihil emolumenti ad castrum vel ciuitatem primariò redundare constat: vnde etiam patet illud seruitutibus realibus non rectè annumerari. At neque seruitus personalis est, cum contra seruitutum personalium naturam *l. 37. D. de seru. rust. prad. l. 3. §. morte quib. mod. vsusfr. amit.* ad hæredes transeat *Zoanett. d. l. num. 194.* Attamen nihil hac ratione motus *Wesenb. de feud. cap. 2. num. 2.* affirmat esse seruitutem personalem: *Zoannet.* verò *in d. l. num. 206.* negat, asseritque rectius hoc ius vocari posse seruitutem iurisdictionalem; sed non est huiusmodi seruitutis species legibus nostris cognita. Si ad amussim rationis res reuocanda, neutri tutò accessurum me arbitror. Quapropter rectius dici posse ²³ existimo, esse ius proprium non omninò ²³ absimile iurisdictioni perpetuæ & certo castro vel ciuitati annexæ.

Ad auertendam turbationem in iure vendandi quod attinet, possumus duobus experiri contra turbatorem remedijs, vel ex interdicto vti possidetis *text. in d. l. §. fin. D. de aq. plu. arc. & in l. penult. D. de seruit. vel actione confessoria text. in l. si quis diuturno. §. fin. D. si seruit. vind. & in §. aq. instit. de act.* quippe pro eâ asserendâ, datur contra quemcunque possessorem syluæ, actio in rem confessoria, vt multis comprobat *Zaf. d. loco*, notissimâque Germaniæ consuetudine obseruare refert *Andr. Gail. lib. 2. obser. 66. vbi quoque dicit hanc partem in Camera Spirensi ex Zafij authoritate confirmatam.*

CONCLUSIO SEXTA.



Rbanis quoque tribuunt, vt altius quis tollat ædes suas: quomodo hæc seruitus constitui possit, cum iure libertatis naturalis liceat vnicuique in infinitum ædificia tollere, acriter inter se dimicant Doctores.

SVM.

DE CONTROV. SERVIT. MATERIA: 109
S V M M A R I A.

- | | |
|---|---|
| <p>1 Cuius est solum, eius etiam est cælum supra solum, & proinde domum qua servituti non est obnoxia, evellere & altius tollere possumus.</p> <p>2 Non licet tamen cuiquam ita edificare, ut amoveat vetustum frumentorum ventilatori necessarium, idque speciali iuris ratione, quam utilitas & necessitas fructuum extorsit.</p> <p>3 Explicatio VVesenbecij quoad §. aquæ instit. de Aëtionib.</p> <p>4 Alia expositio eiusdem §.</p> | <p>5 Tertius intellectus adducitur</p> <p>6 Certus adificiorum modus fuit Romæ, Constantino poli atque in Prouincijs præfinitus.</p> <p>7 Qualẽm adificiorum statum & formam olim Romæ constituerint Augustus & Traianus Imperatores</p> <p>8 Nero præfinitis adificiorum latitudinem, & altitudinem, & parietibus certam crassitiem.</p> <p>9 Quarta expositio seu interpretatio d. §. non est respuenda, si distinctione aliquã adiungetur.</p> |
|---|---|



Vandam esse servitutem altius non tollendi, inter omnes constat, extraque omnem dubitationis aleam constitutum est, vtpotè de quâ plurimæ sint leges, quæ id manifestè demonstrent, l. binas l. adificia l. si domus. D. de seru. urb. præd. Sed an ius altius tollendi, servitus sit? non æquè expeditum est. Quoniam in suo ædificare, & ædificium suum altius tollere cuique licet l. Imperatores. D. d. tit. etiamsi vi-

O 3

cino

cinoid noceat, eiusque per hoc obscurentur,
 & obstruantur lumina *l. si in adibus. C. de ser-*
uit. § aq. l. cum eo qui 8. D. de seru. urb.
prad. Cuius enim est solum, eius etiam est
 1 seruitutem non debet, in cœlum tolli & eue-
 hi potest; idque permittente & postulante na-
 turali prædiorum libertate *l. altius § ibi in-*
terpp. C. eod. tit. Nam nullam iustam querelæ
 occasionem vicinus meus habere potest, quam-
 diu in eius prædium nihil immittitur *l. sicut. §.*
Aristo. D. si seruit. vind. Excipienda est na-
 turalis agri lex *ut ait text. in l. 1. §. ult. D. de aq.*
pluv. arc. quæ in eo consistit, ut ex vnâ saltem
 2 parte² liberum habeat ventum qui triturationi
 seruiat.

1 Quæ cum ita sint, apud summos Iuriscon-
 sultos exorta disputatio, an ius tollendi altius
 seruitutibus annumerari queat: atque scrupu-
 lum non exiguum eis iniecit. *§. aq. in §. de act.* In cuius interpretatione, propter illa
 verba, *veluti si quis agat, ius sibi esse altius*
ades suas tollendi, plurimum desudarunt. Exa-
 minant hunc paragraphum atque exagitant
 varij: Veluti si quis agat ius sibi esse altius ædes
 suas

suas tollendi, ait ibidem Imperator, sed, vt hoc
 verè & conuenienter dictum præstetur, quanta
 hic cura ac sollicitudo. Laborat ac desudat ne-
 mo non, tum in re, tum in ratione eiusdem ex-
 plicandâ. Quid enim? an non facultas hæc
 iure libertatis naturalis cuius competit? Labo-
 rant propterea, vt dixi, atque hærent nostri.
 Glossæ opiniones non referam, qui ibi dupli-
 citer allegatum exemplum exponit, verum
 vtraque expositio inepta est, nec menti, nec
 verbis Imperatoris congruens. Placet recentior-
 um diligens obseruatio, quanquàm non om-
 nes æquè foeliciter rem attigerunt. Quidam
 censent, actionem confessoriam etiam contra
 eum competere, qui alterum in naturali li-
 bertate, & iure ædes suas altius tollendi, eius-
 que iuris quasi possessione impedit, potissimùm
 cum confessoria & negatoria actio non solum
 pro seruitutibus (vt ipsi inquirunt) sed etiam
 alijs iuribus, pro iure scilicet decimarum, ve-
 nandi, piscandi, eligendi, præsentandi, iurisdic-
 tionis exercendæ, alijsque similibus compe-
 tant. Itaque non solius iuris seruitutum, sed iur-
 is quoque naturalis exemplum adferre voluisse
 imperatorem existimant, ad indicandum,
 pro

pro omnibus iuribus vindicandis confessoriam
tribui: hoc sensu præfatum exemplum exau-
dit etiam Wefenbecius *d. S. æquè*, dicens quod
confessoria detur non solum cum iure seruitu-
tis, verum etiam cum iure suo, hoc est, natu-
rali iure & libertate, ius altius tollendi quis sibi
vindicat. Alij intelligunt seruitutem altius tol-
4 lendi 4 de ædibus vicini eleuandis ad commo-
dum eius cui seruitus competit. Planè cum hæc
res tota à conuentione ac voluntate partium
dependeat, & paciscendi contrahendique inter
homines infinita præbeatur ansa, non dubita-
uerim quin eo modo imposita seruitus subsi-
stat, vt vicinus teneatur ædificium suum altius
euehere aut parietem eleuare, ne luminibus
fortè officiatur per solis reuerberationem seu re-
percussionem *l. si arborem §. interdum. D. de
seru. urb. præd.* aut propter ventum fortè vel
aspectum aut aliâ qualibet de causâ. Et hæc
quidem satis recta primâ facie videri posset eo-
rum sententia & consideratio, sed benè perpen-
sa & excussa procedere non potest, tanquã Iu-
stiniani loco minimè conueniens; non prima;
ob id quod ius altius tollendi nominatim &
velut primo loco seruitutibus annumeretur iu-
ribus

ribus supra citatis. Non secunda, quoniam eam considerationem prosternit Iustiniani locus *in d. S. aquæ*, in quo cum de servitute huiusmodi Imperator agit, non loquitur de eâ quam quis in alienis ædibus, sed de eâ quam in suis habet, *veluti*, inquit, *si quis agat ius sibi esse ades altius tollendi*, quod de vicini ædibus accipi nequaquam potest, ut prolixè ostendit Corasius *ad l. 1. D. de servit.* Vndè alij in varias diuersasque prolabuntur sententias, quas videre licet apud Corasium *d. loco*. Ex quibus intelligitur, quàm difficilis sit hic articulus, & quàm dubiæ sententiæ interpretum in illius interpretatione: ita ut meritò dici possit, onerosum esse per rationes demonstratiuas hunc nodum soluere, & concludentem rationem adferre. Ne tamen in ambiguo eam relinquamus, existimo & considerari posse, id quod alij quidam ante me considerarunt, leges naturalem libertatem ædificandi, certâ formâ certo modo constrinxisse, sic ut liberum unicuique esset ædificare altiùsque ædes eleuare quamuis extollendo ædes luminâque vicini obscuriora fierent, dummodò tamen quis hac libertate insolescens statutam antiquo-

P

rum

rum ædificiorum formam non transgrediatur. Itaque ius publicum ita ædificare cuique permittit in suo solo, vt tamen minimè excedat præfinitum statum & formam, id est, latitudinem & altitudinem ædificiorum veterum *l. qui luminibus. D. de seru. vrb. præd. l. 1. C. de seruit. & aq. l. 1. C. de ædific. priuat* nisi facultatem illam quæsierit à vicino, vt veterem illam statutamq; ædificiorum formam excedere possit, quo casu ius altius tollendi ei competet, quod non libertas, sed verè & propriè erit seruitus, quæ sententia magnam probabilitatem habet, & in eâ reprobatis alijs sententijs, tandem residet Corasius *d. loco*. Nam in vetere dignitate florecentis Reipublicæ Romanæ, frequentiaq; hominum, cum area omnium habitationi minùs esset capax, necesse fuit ædificia extollere, quæ cum in immensum à plerisque eleuarentur, adeò vt tenderent non ad depressionem duntaxat, verum etiam ad ruinam vicinarum ædium, tandem lege vel moribus inductum est, ne præfinitum altitudinis modum inuito vicino egredi liceret. Qualem formam modumque, Romæ; Constantino-
 6 poli 6 atque in Prouincijs aliquando constitu-
 tam

tam fuisse, nemo est qui nesciat, nisi ignarus ac planè hospes in annalibus.

Sanè si exemplis ab antiquitate repetitis rem metiri voluerimus, reperiemus in ipso urbis Romanæ flore, solennem formam certumq; modum ædificiorum altitudini præfinitum: Sic Augustus certum ædificiorum statum & formam præfinit, vetuitque tolli ædes 7 altius 70. pedibus, quemadmodum Strabo litterarum monumentis proditum reliquit *lib. 5. Geograph.* Idem constituit Traianus Imperator, sed magis constringendo, ne scilicet domorum altitudo excederet 60. pedes teste Sexto Aurelio: idque obruias faciles pronasque, pericula incendiorum & sumptus exitiosos. Quid de Nerone dicam? is ædificiorum altitudinem cohibuit 8 & spatia dimensus est, si tacito credimus *lib. 15. Annalium.* Dimensus est spatia, nimirum constituendo latitudinem & altitudinem & parietibus certam crassitiem vt auctor est Vitruuius *lib. 2. & Plinius lib. 35. cap. 13.*

Et id est, quod Faber Zaf. Mynsing. attigerunt quidem sed non satis explicarunt: itaque allegatum exemplum obtinere dicemus in casu, quo vel consuetudine, vel iure muni-

cipali ædes suas altius tollere quis prohibetur, tunc enim si vicinus à vicino ius & facultatem ædes suas altius eleuandi consecutus fuerit, atque in iuris exercitio impediatur, confessoria agi posse censemus, quod hoc casu ius altius tollendi sit seruitus *l. loci. §. competit. D. si seruit. vind.*

- Quod si hæc interpretatio alicui minus placeat, aliam suppeditat Corasius in *l. 1. num. 14. de seru.* quam tamen ipsemet parum sibi constans ibidem statim reijcit, hac obiectione seu argumento motus, quod ea concessione videatur magis vetus seruitus à me tibi remissa, quam
- 9 noua constituta. Ego verò eam rectissimam, arbitror, si distinctione quapiam adiuuetur. Distinguendum quippe censeo, inter seruitutem remissam dumtaxat, & cessam, nam aliud est remissio, aliud cessio contrariæ seruitutis. Sanè, si debeas mihi seruitutem altius non tollendi, plurimum interest, an tibi hanc seruitutem dumtaxat remittam, an verò etiam tibi cedam seruitutem altius tollendi: nam si remittam tibi tantum seruitutem, quæ sita est fundo tuo libertas vetus, at si cessero tibi seruitutem contrariam altius tollendi, non tantum

DE CONTROV. SERVIT. MATERIA. 117
 tum remissa intelligitur pristina servitus altius
 non tollendi, sed præterea etiam acquisita est
 nova servitus altius tollendi. Ex prædictis dete-
 gitur quorundam error defendentium altius
 tollendi servitutem imponi non posse. At verò
 quid impedit? Nunquid in solem, ventum, &
 varium euentum se munit, qui tale iugum vici-
 no imponit? Vtilis proinde est servitus altius
 tollendi, non minus quàm non tollendi.

CONCLUSIO SEPTIMA.

Restis verò servitutibus annume-
 rantur iter actus via. Huc quoque
 nauigandi servitutem an rectè refe-
 rat viderit Cuiacius.

SUMMARIA.

- | | |
|--|--|
| <p>1 <i>Servitutes interdum, etiam
mutatâ naturâ suâ, no-
men desumunt, varian-
tur que pro qualitate fun-
dorum prædominantium.</i></p> <p>2 <i>Itineris nomē latissimè patet.</i></p> <p>3 <i>Definitio itineris, generali-
ter sumpto eius nomine.</i></p> <p>4 <i>Vnde iter & actus dicantur.</i></p> <p>5 <i>Differentia itineris ab actu.</i></p> <p>6 <i>Ire & ambulare, quomodo
differant.</i></p> | <p>7 <i>An possit ire cum alio, cui
competit iter tantum ex-
plicatur.</i></p> <p>8 <i>Quid per sellam & lecticam
Iurisconsulti hoc loco in-
telligant.</i></p> <p>9 <i>Quales fuerint olim deam-
bulationes, viridaria &
gestationes.</i></p> <p>10 <i>Quid sit via, & unde dica-
tur, eiusque ab actu diffe-
rentia.</i></p> |
|--|--|

11 *In definitione via, textum
vulgarem esse vitiosum,
probabile est.*

12 *An seruitus via per plures*

*fundos debita, una sit? an
verò pro numero prædio-
rum plures dicantur, di-
sputatur.*



Prædiorum sunt seruitutes rusticorum prædiorum: inter has præcipuæ seu potiores, iter, actus, via. Iter naturâ suâ est seruitus rustica, interdum tamen urbano prædio debetur *l. pen. de seruit. leg. l. 14. D. com. præd.* adeoque non rustica sed urbana erit. Sic licere altius tollere & officere prætorio vicini, per se & origine urbanæ sunt seruitutes, prædiorum tamen rusticorum esse dicuntur *in l. 2. de seruit. rust. præd.* idque occasione vsus seruitutis: qua ratione seruitutes quandoque, etiam mutatâ naturâ suâ, nomen accipere & variarique pro qualitate prædiorum dominantium supra plenè demonstraui *precedenti conclusionem s. numero 4. & s.* Itaque plurimum interest, de substantiâ an de vsu seruitutis agatur: illa ex naturâ origine & causis proprijs ponderanda, hic & ex accessione æstimandus; qui vtrasque tam urbanas quàm rusticas postmodum produxit & accommodauit, prout vel urbani

bani vel rustici prædij utilitas, quæ infinita, exigebat. Itineris nomen² latè patet, nam iter est quoddam hominis *l. 1. §. iter in princ. D. de servit. rust. prad.* & est iter aquæ *in l. si mihi. D. hoc tit.* est etiam iter nauigij. Itaque itineri debet addi seruitus nauigandi *ut in l. si via. §. si lacus. D. eod.* cum nauigationi seruiat aqua quemadmodum itineri seruit tellus, & inde dicitur iter nauigij *in l. 1. §. ait prator. D. de fluminibus.* Porro inter præcipua agri commoda est via & aqua, ut ait Columella *lib. 1. de re rustica cap. 30.* vnde nauigandi seruitutem huc non malè refert Cuiacius. Quapropter iter, generaliter sumpto³ eius nomine, nihil est aliud, quam qua transit homo aqua vel nauigium, quo sensu & transitus dicitur *in l. via. §. ult. D. eod.* vel ius transeundi *in l. pater filia. D. de servit. leg.* propriè tamen est ius transeundi hominis, non etiam nauigij, aquæ iumentum vel vehiculi *d. §. iter*, & inde quoque nomen desumit, diciturque iter quia eundo teritur ut ait Varro *lib. 4. de ling. latina* quo ibant, inquit idem, ab itu iter appellarunt. Qui ergò habet ius itineris, non potest ducere iumentum vel vehiculum *l. qui bella. D. de servit. rust. prad.*

Quem-

4 Quemadmodum iter ex eo dicitur, quod eun-
do teritur, sic actus dicitur & ex eo quod agen-
do teritur: quâ agebant, actus dicti inquit
Varro *d. lib. 4. de ling. lat.* originem eorum de-
monstrans, Agi verò dicitur iumentum vel
vehiculum *l. ferri. D. de verb. signif.* Agendi
verbum latissimæ significationis est: in hac ve-
rò materiâ significat ante se pellere, & vt Festus
ait minare *lib. 1. § 9. de verb. signif.* actum
enim ita definit Annianus *ad 1. Pauli sentent.*
17. §. 1. quâ pecora minare consueuimus: quo
sensu Apuleus, iumenta, inquit, bibendi causâ
gregatim prominabat *lib. 9. de aureo asino*, id
est, ante se agebat. Minare latinum & ab ipsâ
antiquitate repetitum verbum esse demonstrat
Brissionius *lib. 1. de verb. signif.* Sic agi dicun-
tur animalia *d. l. 1. D. de seru. rust. prad. l. ferri*
de verb. signif. sic dicitur ire agere *l. si cui. D.*
cod. l. 2. §. si in facto & *l. 4. §. 1. D. de verb. ob-*
lig. l. pen. de aq. quot. & *astiu.* & alijs mul-
tis Hinc actus quem Iurisconsulti definiunt
d. l. 1. D. de seruit. rust. prad. & *similibus*,
iuseundi, agendi iumentum vel vehiculum;
quod qui habet, & iter habere censetur, eoque
eundi facultatem habet etiam sine iumento
arg.

DE CONTROV. SERVIT. MATERIA. 113
arg. l. 21. 110. 163. de Reg. Iur. Cuiac. 22.
obs. 35.

Ab itinere autem distinguitur ; actus, quod
iter sit quàm quis vel pedes vel eques commeari
potest : actus autem ubi & armenta trajiciendi
& vehiculum ducendi facultas sit. Itaque qui
iter habet, actum non habet, sed qui actum
habet, iter quoque habet, eoque uti potest, ut
dixi, etiam sine iumento. Nam ire quoque per
se potest, is qui actum habet : & per usum so-
lius itineris retinet servitutem totius actus. Iter
est hominum, & actus iumentorum, & iter
est iuseundi ambulandi hominis *d. §. iter. D.*
ead. actus verò est ius agendi iumentum vel ve-
hiculum *d. §. actus. D. eod.* Cui itineris ius con-
stitutum est, non modo ire in fundum, sed
& in medio quasi itinere retrogredi potest : am-
bulare quippe dicitur, qui spatia facit quasi re-
ciproca, & in sua vestigia quodammodo refle-
ctit, *Donell. 11. comment. cap. 6.* Quibus de-
monstratur, aliud esse ire, aliud ambulare. Nam
ire dicitur, qui pergit⁶ & progreditur : at verò
ambulare dicitur, qui spatijs factis in sua vesti-
gia sæpius recurrit ut eleganter Brissonius ait *de*
verb. signif. lib. 9. Vnde qui habet iter, is certè
Q potesta-

potestatem habet vel illac transeundi vel spatij
factis ambulandi: quorum vnum est hominis
aliquo accelerantis seu properantis, alterum ve-
rò meram voluptatem respicit, idque ex mente
Iurisconsulti dum ait esse ius eundi & ambu-
landi hominis *in d. §. iter. D. eod.* nam iter ad
homines spectat, actus verò ad iumenta vel ar-
menta, & vehicula, & plaustra. *d. §. actus. l. in-
ter actum, l. qui sella. D. d. t. de seru. rust. prad.*

- 7 Solet quæri, an possit ire, cum alio, qui ha-
bet iter tantum? in quo mihi placet affirmati-
ua Accursij sententia *in §. i. instit. de seruit.* quo
loco ius eundi & ambulandi ipso interprete sic
intelligenda sunt, vt qui habet iter facultatem
habeat vtrumq; faciendi, vt nimirum possit ire
solus, possit etiam ambulare id est ire cum alio,
voluptatis causâ ambulando. Quam senten-
tiam sequitur Costalius *in aduersar. suis ad l.*
1. D. de seru. rust. prad. Eique rei suffragatur, &
interpretationem confirmat, quod non solum
facultatem eundi habeat, sed etiam sella vel le-
cticâ vehi possit vt Iurisconsultus inquit *d. l. in
princ.* Sella vehitur qui equo insidet, nam &
commeare quis equo dicitur *l. inter. D. de seru.
rust. prad.* imò & dicitur ire, qui lecticâ vehi-
tur

tur vt verbis Pauli Iurifconfulti vtat in *l. 7. D. eod.* quæ tamen non per fe in confiderationem veniunt, fed vt accelfiones, vt minifteria illorum, qui vtuntur *arg. l. 12. de feruit. ruft. prad.* ideoque caufam principalem comitantur *cap. accelforium de Reg. Iur. in 6. l. 15. D. de conftit. pec.* Sellâ itaque aut lecticâ vehi poteft, qui iter habet. Sellâ hic 8 non intelligenda illa curulis, 8 quâ Magiftratus vehabantur, fed quæcunque geftatoria, de quâ meminit Suetonius in *Vitelio cap. 16. & alibi.* quemadmodum nec lectica accipienda pro eâ, quâ Magiftratus inter ius reddendum quandoque vti solebat, fed quâ ingenui quicunque utebantur vel vti poterant. Lecticis & sellis honeftiores quoque fœminæ vehi poterant: quarum vsum contra probroſis fœminis interdictum à Domitiano teftantur Dion. 58. Seneca *de remedijs fort.* Lecticæ illæ geftari ſolebant ſex vel octo ſeruorum humeris teſte Senecâ, qui *lib. 4. epistol. cap. 29.* non turba, inquit, ſeruorum lecticam tuam portantium, & *lib. 19. epistol. 111.* lectica inquit formoſis impoſita caloniſus: Harum lecticarum meminit quoque Iuuenalis *ſatyr. a. 1.* Cæterum lecticarij dicebantur hi, qui lecticas ipſas cir-

Q 2

cumfe-

cumferebant, quos Petronius Arbitrator lectuarios nuncupat : procurator, inquit, insulæ, à duobus lectuarijs in mediam rixam profertur. Ergò ire dicitur qui lectica vehitur, quia portatur, solebant enim eâ, ut dixi, potentiores ac ditiores per urbem circumferri.

- 9 Porro antiquis temporibus erant variæ deambulationes viridaria & gestationes. Ambulabant aut gestabantur veteres valetudinis voluptatisque causâ, unde hæc coniunxit Vlpianus in *l. plenum in princ. D. de usu & habit. & amœnitatem coniunxit sanitati Iurisconsultus in l. prædijs. §. si hortum. D. de leg. 3.* sic enim ibidem ait Papinianus *si hortum domus causâ comparavit, ut amœniorem domum ac salubriorem possideret*: Coniunxit ea quoque Plinius *lib. 26. natur. histor. cap. 3.* Ambulabant pedites, gestabantur lecticâ vel sellâ ut indicat text. in *d. l. qui sella*, & ipse locus ambulationi & gestationi destinatus, appellatur deambulatio, gestatio, cuius meminit lex *competit. §. 1. D. quod vi aut clam.* Erant deambulationes & gestationes opacæ arboribus, & his præerant topiarij, vel ut rectius tijiarij, idque à typis & formis quas ipsi tondebant & dispo-

disponebant, in viridarijs enim erant viridia variè tonsa, & varias animalium cæterarumque rerum formas, ex plantis, fructibus & arboribus exhibentia. Vnde Plinius vocat buxum multiformem *in epist. ad Apollonium lib. 5.* Sic & apud Macrobius dicitur formosa facies viridiorum *lib. 1. cap. 4.* quoniam viridaria speciem ornant, eique formam quandam gratiorem præbent *l. impensa. D. de verb. signif.*

Nunc de via aliquid dicamus. Via appellationem desumit ex eo quod vehendo teratur: quâ vehebant, viæ ductæ ut ait Varro *d. lib. 4. de ling. lat.* Via est, quâ ire vehiculum potest, inquit Isidorus *lib. 13. etymolog. cap. ult.* Sed apud Iurisconsultos via accipitur paulò vberius, ut sit ius eundi & agendi ¹⁰ & ambulandi ut ¹⁰ que iter & actum complectatur. Aliter actus comprehendit iter, quam via continet actum & iter: nam viæ iter & actus principaliter insunt retinentes suam naturam, & in eâ velut partes principales continentur, siue significationem vocabuli siue potestatem & dispositionem iuris intueamur, sic ut viæ servitus sit quasi complexus duarum servitutum; iter verò actui non inest ut servitus aut ut servitutis pars, neque in

eo continetur ex significatione vocabuli, sed ex beneficio interpretationis & per consequentiam, sic vt iter in actu non sit pars principalis vel substantialis sed accessoria dumtaxat, quæ substantiam actus necessarió non subintrat. Beneficio, inquam, interpretationis, quæ inde surgit, quod cui licet quod plus est, ei certè licere videatur quod est minus: Ob quod fit, vt quamuis actum habens, in consequentiam iter quoque habeat, & vt Paulus ait per se quoque possit ire *l. 2. D. quemad. seru. amitt.* huic tamen interpretationi & coniecturæ derogari possit per pactum, & induci constituique seruitus actus sine itinere *vt in l. loci. §. 1. D. si seruit. vind.* eoque casu qui habet actum non ibit per se sed dumtaxat cum iumento vel vehiculo. Itaque actus esse potest sine itinere, cum sit tantum pars accessoria & accidentalis quæ abesse potest. Via verò iter & actum tanquam substantiales partes complectitur & vtriusque concursus desiderat ad instar partium ex quibus componitur & conflatur totius corporis constitutio. Quare via eius latitudinis semper esse debet, quā vehiculum ire possit *l. via latitudo, & l. si tam angusti. D. de seruit.* Quā in

re sese ostendit exeritque evidens discrimen viæ & actus, in quo tantoperè defudant interpretes. Præter hanc & aliæ multiplices differentię inueniuntur: & primò quod viæ latitudo sit legitima, utpotè à lege duodecim tabularum determinata, in porrectum octo pedes, in anfractum sedecim continens *l. 5. D. de seruit. rust. prad.* actus verò latitudo legitima non est. Itineris enim & actus latitudo conuentioni & libero arbitrio partium subiaceret, ideoque ex conuentione testamento vel arbitrio determinari potest, nam ea est itineris & actus latitudo, prout vel conuentio vel testatoris voluntas præscripsit, vel arbitrium definiuit. Deinde via est, quâ vehiculum & iumentum ire potest: actus etiam censetur, quamuis vehiculum duci non possit, si modo iumentum agi queat *l. si tam angusti. D. de seruit. & d. l. certo generi.* Cui seruitus viæ competit, is præterea lapidem vel tignum trahendi & rectam hastam ferendi facultatem habet, quæ non competit ei qui actum habet *d. l. qui sella. D. de seruit. rust. prad.* Idque manifestè declarant Iurisconsulti in *d. l. 1. de seruit.* & Iustinianus *instit. de seruit.* in definitione actus & alibi videntes dis-
iunctio-

iunctionis particulis, hoc modo: agendi iumentum vel vehiculum: in via verò utroque; opus est *d. l. certo generi*. Adeò ut quamvis legitima viæ latitudo conuentione pactisque partium dilatari vel coarctari possit, semper tamen tantum spatij relinqui debeat, quod ducendo vehiculo sufficiat, alioquin iter vel actus magis erit quam via *l. via. D. de seruit. rust. præd. l. si tam angusti de seruit.* sic ut licet in actu aliud obseruetur, in viâ tamen necessaria sit facultas ducendi vehiculum. Quapropter assentior Francisco Conanno, contendenti *comment. lib. 4.*

- II c. II. textum illum vulgaris lectionis ¹¹ esse mendosum, vitiosèque legi, cum propterea emendandum, legique oportere in definitione viæ, non ius eundi, agendi, ambulandi, sed ius vehendi agendi ambulandi. Cui lectioni maximè suffragatur eandemque suadet, quod viâ à vehendo appellata sit quasi vehia, adeò ut ad eam facultas vehendi primario seu principaliter sit requisita, cum ex propriâ & genuinâ significatione significet ius vehiculum ducendi teste Isidoro *lib. 4. cap. fin.*

Ex ijs quæ hætenus dicta sunt, ferè planum ¹² fit, quid in eâ quæstione, an seruitus viæ ¹² per plures

plures fundos debita, vna sit? an verò secundum fundorum numerum plures dicantur, iudicandum sit? Quidam personarum identitatem vel diuersitatem hoc casu inspiciendam autumant; non rectè: quoniam nullo habito respectu aut ratione possessoris, hæc iura prædiorum appellantur, actioque ipsa aduersus prædium & prædij contemplatione exercetur *l. et si fortè. §. etiam. D. si seruit. vind.* Ac, vnā esse seruitutem, licet per plura prædia impostam, recepta est sententia quam sequor, cum eam probent aperta Iurisconsultorum responsa *l. vna. D. de seruit. rust. præd. l. si ades. §. 1. de seruit. urb. præd.* eamque confirmet manifesta ratio, quoniam in denominandā seruitute qualitas prædij dominantis spectanda est: quod si vnum est, necesse est vnā constitui dumtaxat seruitutem; quemadmodum è contratio si plura sint prædia dominantia, plures erunt seruitutes, etiamsi vtrumque prædium ab vno possideatur. Et quidem sic se res habet, vbi prædium ipsum indiuisum manet, alias namque si vnum idēque prædium sit diuisum, duæ viæ efficiuntur *l. nam satis in princ. D. quem ad seruit. amitt.*

R

CON-

CONCLUSIO OCTAVA.



T pomum decerpere liceat, vt spaciari, vt cenare in alieno possimus, seruitus imponi non potest, inquit Iuriconsultus Paulus: quod de seruitute prædiali liquet, quia nihil eorum prædio nostro vtile.

S V M M A R I A .

- | | |
|---|---------------------------------------|
| 1 Prima ratio, cur huiusmodi seruitus realis constitui nequeat. | 3 Alia ratio à Longouallio proposita. |
| 2 Secunda ratio. | 4 Quarta ratio. |
| | 5 Quæ auctori probetur. |



Arius & ancèps inter interpretes est conflictus, quamobrem seruitus imponi non possit, vt pomum decerpere, vt spaciari vel cenare in alieno possimus? nec enim in vnâ eadèmq̃ue ratione conquiescunt, sed diuersi diuersas proferunt rationes. Et quidem hæc omnium aptissima videtur, quod seruitutes reales sine prædijs constitui nequeant §. *ideo 3. rust. de seruit. præd. & in l. 1. §. 1. D. com. præd. cum prædia sint subiecta seruitutum, seruitutes eorum qualitates & accidentia, quæ proinde sine ijs esse non*

non possunt. Vnde ea quæ præ se ferunt speciem servitutis realis, si pedem non figant in prædijs, apparenter solum sibi nomen servitutis realis vindicant cum reuera non sint. Quâ de re pulchra extant exempla in *l. penult. D. de serv. rust. præd. in verbo quocunque*; hoc enim ipso quod potes aquæductum ducere quocunque voles, sequitur non seruire agro prædominanti, & ex consequenti non esse servitutem realem: sic etiam obligatio, quâ quis tenetur ex contractu venditionis, vnde mihi concessit facultatem deambulandi per suum prædium aut pomum colligendi, cum non habeam prædium vicinum, facultas eiusmodi non est servitus realis cum illius deficient substantialia *l. ut pomum. D. de servit. rust. præd.* Aliud exemplum in *l. pecoris pascendi. D. de servit. in verbo personam demonstravit. Aliud in l. penult. D. de servit. leg.*

Inficias ire non possimus, quin futuro ædificio servitus rectè acquiri possit; hoc enim asserit Pomponius in *l. 23. §. 1. D. de servit. urb. præd.* verum animaduertendum est, iam tum fuisse fundum, cuius intuitu servitus sustinetur, quamvis nondum sit extructum ædificium.

Seruitus est ius, quod cogitatione à fundo separari potest, & satis est ad seruitutis constitutionem, spem minimè dubiam insequentis utilitatis subesse: & ita si eius usus appareat, non absque ratione statuitur, validam esse seruitutis constitutionem ratione areæ, in quâ ædificium futurum est, à quâ deinde seruitus transmittitur ad ædificium posteaquam ædificatum est. Sic valida quoque est seruitutis illa constitutio, quâ aquam quærere & inuentam ducere liceat *l. Labeo 10. D. de seruit. rust. præd.* Nam quod ibidem dicitur, nondum inuentâ aquâ seruitutem licere constituere, ad solam seruitutem aquæ quærendæ referendum est. Et verum esse arbitror, sicut ibi duæ sunt seruitutes, ita duas diuersas factas fuisse cessiones, vnam quâ aquam quærere liceat, alteram quâ inuenta duci possit *Goueanus 1. var. Iur. lect. 17.*

Vnde elicitur secunda ratio, quod videlicet requiratur, vt seruitus imposita prædio dominantis emolumentum aliquod pecuniarium aut utilitatem adferat *d. l. quoties 1. l. ergo §. 1. D. de seru. rust. præd.* quæ nulla reperitur in facultate decerpendi pomum spaciandi & cænandi in alieno, cum hæc utilitatem fundi
non

non respicere extra dubium sit. Servitutem pro commodo nostro impositam esse cum volumus, non hoc requirimus, ut statim ei, cui constituta est, ab ipso constitutionis tempore utilis sit, sufficit enim naturâ suâ talem esse, ut quandoque ususui esse queat, ut quandoque utilitatem adferre possit. Ac quod dicitur *in l. 19. D. de servit.* etsi non sit utilis, hac ratione intelligendum est, ut licet servitus non sit in præsentia utilis, cum constituitur, licet tunc non expediat ducere, quia fundus noster aquâ aliunde quæsitâ non egeat: nihilominus ipsum per se ius aquæ ducendæ utile, prodest enim saltem habere ad casus repentinos & postea emergentes *Donell. 9. comm. 21. in fine.*

Aliam rationem adfert Longouall. *in l. imperium de Iurisdic. omn. iud.* ideò nimirum huiusmodi servitutes reales inutiliter constitui, quoniam causam continuam 3 non habent, 3 quæ in prædiorum servitutibus est necessaria, cum non semper pomum ab arbore pendeat, ut liceat decerpere.

Alij expeditiorem rationem existimant in eo constitui posse, quod nullus fundus demonstratus sit 4 ut nec demonstrari poterat, cui 4

R 3 huius-

huiusmodi facultas seruiret, sine quo nulla rerum seruitus imponitur *l. 1. D. com. prad.* quoniam illud naturæ seruitutum prædialium aduersaretur, in quibus prædij demonstratio est necessaria ex utrâque parte cum continuatione & perpetuâ duratione *l. seruitutes 3. in princ. de seruit. l. eum debere de seruit. urb. prad. l. unus ex socijs de seruit. rust. prad. l. qui aliena §. fin. D. de neg. gest.* cum seruitus realis concursus duorum fundorum desideret, quorum vnus seruiat, alter dominetur cuiusque utilitatem respiciat. Quæ in effectu est eadem ratio, & coincidit cum eâ quam primo & secundo loco nominaui, quæque à veteribus tradita communiori recentiorum calculo comprobata est: quamq; sequendam, existimo, eo elucidationis causâ addito, quod concessio in hoc responso non referatur ad prædium sed ad personam, quod seruitutibus prædiorum non quadrat. Et hoc est, quod breuissimâ verborum formulâ in conclusionem meâ complexus sum, seruitutem prædialem taliter constitui non posse, quia nihil eorum prædio nostro utile.

CON-

CONCLUSIO NONA.



Ed quæritur, an personalis eiusmodi
seruitus constitui non possit? admit-
tunt Hottom. Coras. Duar. dissen-
tit vel potius arguendi studio labo-
rat Cuiacius.

SUMMARI A.

- | | |
|---|--|
| <p>1 Quod personalis eiusmodi
seruitutis constitutio sub-
sistat, plenè explicatur.</p> <p>2 Argumens in contrarium à</p> | <p>Cuiacio propositi solutio.</p> <p>3 Ad aliud argumentum re-
sponso.</p> |
|---|--|



Væstio hæc, extra omnem disputa-
tionis aleam constituta, cuilibet me-
ritò videri posset, nisi scrupulum mo-
uendo, iniiciendóque, & contrarium
sentiendo, eam controuersam redderet Iaco-
bus Cuiacius 24. *obser.* 22. Diximus proximâ
conclusionè, omnium ferè consensum esse,
nullam posse seruitutem subsistere, nisi quæ
prædij vtilitatem respiciat, & verè meâ senten-
tiâ. Seruitus enim propriè constituitur ad alte-
rius prædij necessitatem aut ad vtilitatem, non
etiam tantum ad voluptatem. Seruitus efficit,
vt

ut prædium vnum alterius prædij necessitatibus subseruiat *l. ergò in fi. D. rust. præd. vel saltem* ut alterius fundi causam efficiat meliorem, hoc est, ut fundo alterius aliquod adferat emolumentum aut utilitatem pecuniariam, nam alioqui solius voluptatis, affectionis aut utilitatis non pecuniariæ non habetur ratio in seruitutibus. Idque confirmat textus, dum ait, ut mihi pomum decerpere, spaciari, cænare in tuo liceat, seruitutem huiusmodi inutiliter constitui *l. ut pomum 8. D. de seruit.* Nam hæc per se non pluri sunt, quam est animus eius qui utitur: sunt enim qui malunt angustè viuere & delitescere quàm euagari *l. 4. in princ. D. de usu & habit.* Ex eo verò quod Iurisconsultus generaliter scribit, ut pomum decerpere, ut spaciari & ut cænare in alieno possimus, seruitutem imponi non posse: inde inquam, sumpsere occasionem viri doctissimi disquirendi. An huiusmodi concessionem quæ seruitutes prædiorum esse non possunt, sint saltem seruitutes personales, an verò (ut quidam vltius inuestigant) personales dumtaxat obligationes seu iura personæ debita? Profectò non parum interest vtrum dixerimus, huiusmodi concessio-

nem

nem esse servitutem personalem, an dumtaxat
 ius personale : Priore casu , ad eam confessoria
 contra quemcumque possidentem aut extra-
 neum prohibentem dabitur *l. uti frui. §. utrum*
si. D. si ususfr. pet. posteriore autem casu ne-
 quaquam, sed dabitur dumtaxat actio contra
 concedentem, non contra alium *l. Caius. D.*
de annu. leg. l. i. §. si hæres. D. ad Trebell. cum
 quod suâ naturâ personale est alium non liget
Barth. in l. mela. §. fin. D. de alim. & cibar.
leg. Sed Petrus & Cynus, quos sequitur Cora-
 sius, dixerunt esse servitutem personalem, se-
 quor & ego, nisi ex verbis aut aliundè contra-
 ria coniectura capi posset. Planè nullâ lege ve-
 tamur, servitutes ¹ constituere quæ ad hæredes I
 non transeunt, ideòque appellabuntur perso-
 nales. Interdum etiam ex qualitate personæ
 constitutam esse servitutem personalem osten-
 ditur, ut cum pater legat filiæ aditum per hæ-
 redis domum *l. pater de servit. leg.* ubi fuscè
Barth. Quod etiam confirmat Alciatus *lib. 2.*
dispunct. cap. 7. & probat Zasius *in summâ* &
Cæpolla de servit. urb. præd. Nam cum unus-
 quisque rei suæ sit moderator & arbiter, in rei
 suæ venditione & traditione, potest legem
S
quam

quam vult imponere *per text. in l. in tradit. D. de pact.* igitur etiam in re non vtili seruitutem quærendi facultatem habet *d. l. ei fundo.* Arque hæc sententia communiori calculo comprobata est, à quâ tamen dissensit Cuiacius, qui negat huiusmodi seruitutes personales constitui posse. At fallitur meo iudicio, quanquam iudicium eius in plerisq; accuratissimum comperio, grauitèr. Cæterum non adfert argumenta in eam rem idonea satis aut pregnantia. Inquit enim nec vsui vel fructui eam facultatem ² decerpendi pomum in alieno assimulari: falsa oratio est, quia est vsus in alieno *l. vsus aqua. D. quibus mod. vsusfr. amitt.* Quod verò quidam sic argumentantur, seruitutem illam esse prædialem, quoniam vtilitatem fundi nostri ³ respiciat adeoque pluris vendi queat, id herculè minus aptum est, quia propriè vtilitas prædij dicitur, quam quis percipit ex prædio vel prædij contemplatione, quod hic secus est. Vnde cum animi & leuationis causâ personæ constituta sit, personalis est non realis seruitus. Seruitus imponi potest, si modo amœnitatem habeat: nam vtilitas non solum vsum & commoditatem, sed etiam voluptatem & amœnitatem

tatem quandoque designat *l. statua* 41. *D. de usufr.* vbi dicitur, statuae & imaginum ususfructum posse relinqui, quia & ipsae habent utilitatem aliquam, id est, voluptatem, quam ex aspectu percipimus. Sic odorum, aromatum & numismatum veterum ususfructus legari potest, quia animi voluptatem, delectationem & recreationem inducunt. Haec sufficient, nec enim necesse pluribus agere contra Cuiacium, qui cum fateatur conventionem quam iura haec excipiantur, esse probam & validam, obligationemque parere, in re non admodum dissentire ab alijs videtur. Nolimus itaque nimis curiosi hic videri, ne in lenticula vnguentum, quod aiunt, aut scirpo nodum.


CONCLUSIO DECIMA.



N is cui servitus aquae ducendae debetur, riuum attollere vel deprimere possit inuito domino praedij seruientis, non adeo inter se Iurisperiti conuenire videntur; Vlp. hanc potestatem ei denegat, Pomponius concedit: nihilominus & Vlp. & Pomponij sententiam saluam esse volumus.

S V M M A R I A .

- | | |
|--|--|
| <p>1 <i>De aqua ducenda, quando-
que est reale, quandoque
personale.</i></p> <p>2 <i>Qua sit aqua quotidiana.</i></p> <p>3 <i>Veteres Iurisconsulti summo-
perè breuitati studebant.</i></p> <p>4 <i>Definitur aqueduct. seruitus.</i></p> <p>5 <i>Varij modi recensentur du-
cendi aquam.</i></p> <p>6 <i>Aquilices qui, & vnde ars
aquilegij.</i></p> <p>7 <i>Ratio, cur per lapidem stra-
tum non liceat aquam
ducere, nisi id specialiter
in imponendâ seruitute</i></p> | <p><i>conuentum fuerit.</i></p> <p>8 <i>Quid sit rota aquaria.</i></p> <p>9 <i>Quid castellum designet.</i></p> <p>10 <i>Ratio, quare non rectè pos-
sit constitui seruitus de a-
quâ per rotam tollendâ,
aut huiusmodi seruitus
castello imponi.</i></p> <p>11 <i>Cöciliatio Labeonis & Pro-
culi in l. ex meo. D. de seru.
rust. prad.</i></p> <p>12 <i>Intellectus l. r. §. vlt. D. de
rius, eiusque conciliatio
cum l. refectionis 11. D.
com. prad.</i></p> |
|--|--|

1  **U**s aquæ ducendæ interdum est
prædiale, si constitutum est ad vtili-
tatem prædij *l. arbor. §. vlt. D. com.
diuid.* interdum verò est personale *l.
penult. D. rust. prad. l. lucro. D. de aq. quotid.*
id est, si demonstrata sit persona certa, cui a-
quam ducendi facultas concedatur *l. pecoris
in fi. D. rust. prad.* eoque casu vsus aquæ seu
ius aquæ ex alieno prædio ducendæ, finitur
morte eius cui aqua concessa est *d. l. penult. §.
l. vsus*

l. usus aqua. D. usufr. quemad. cau. Aquarum in iure nostro ciuili multa commemorantur genera. Est aqua pluuiæ quæ de cælo cadit & imbre excrescit *l. 1. §. 1. Et toto tit. D. de aqu. pluui.* & huic viua aqua opponitur *l. 1. §. hoc interdictum. D. de font.* Est aqua æstiuæ, quæ æstate dumtaxat ducitur, quamuis etiam hyeme duci possit vt latè Iurisconsultus explicat *tot. tit. de aqua quotid. Et alibi diuersis locis.* Est aqua quotidiana: quotidiana autem aqua non est illa, quæ quotidie² ducitur, sed ea, quâ quis² quotidie possit vti, si velit. Vt ait Vlp. *in l. 1. §. 2. de aqu. quotid. Et æst.* Ibi notandum, voculam (sed) idem designare, quod sed etiam. Qui loquendi modus Iurisperitis, vtpotè elegantix ac breuitatis³ studiosis minime nouus est. Itaque³ quotidianum est, non tantum quod quotidie fit, sed quotidianū id etiam censetur, quod quotidianum esse potest, quāquam factō ipso quotidie non fiat. Sic aqua quotidiana est, qua quis quotidie vti potest si velit, quæque duci assidue possit *d. l. 1. §. duo genera sunt Et tot. tit. de aqu. quotid. l. Quintus Mutius scribit de seru. rust. prad.* quæ si interdium ducatur diurna, si noctu nocturna appellatur *l. 10. quemad. seru. amitt.*

R 3

Sunt

Sunt & frigidæ & calidæ aquæ, de quibus agitur *d. l. 1. §. idem Labeo de aqu. quotid.* Sunt & aquæ perennes quæ quotidie fluunt, quâ ratione distinguuntur ab illis quæ arefcunt *d. l. 1. §. loquitur. D. eod.* Denique sunt etiam aquæ salientes, quæ ex fistulis & tubulis erumpunt, *l. 15. de act. emp. l. 12. §. fistula de fund. instruct.* de quibus agit Suetonius in Augusto. Saliebant autem aquæ vel canteris vel rostris personarum, aut ex membro erecto statuæ vel imaginis. *l. 41. §. item hoc prohibetur de leg. 1. l. 17. §. castella. D. de act. empt.* quod etiamnum hodie obseruatur, vt in Florentissima Ciuitate Bruxellensi videre est.

- 4 Aquæductus seruitus, est ius 4 aquam ducendi per fundum alienum *l. 1. D. de seruit. rust. prad.* Ductus aquæ verò solet fieri varijs modis, quos apertissimè intelligere licet ex Palladio *lib. 9. de rer. rustic. cap. 11.* dum ait, quod aqua ducitur aut formâ structili, aut plumbeis fistulis, aut canalibus ligneis, aut tubis fictilibus *d. cap. 11.* Idem docet Vitruuius, dum aquâ duci ait tribus generibus, nempe per canales structiles, aut fistulis 5 plumbeis aut tubulis fictilibus *Vitruuius lib. 8. de architect. cap. 7. in princ.*

princ. Quod etiam confirmat Iul. Frontinus
in lib. de aquaduct. urbis Romæ. Duci quo-
 que potest aqua per stratum lapideum *l. si prius*
§. idem placet. de aqu. pluui. communiter au-
 tem fistulis aqua duci solebat, lapide strato ve-
 rò ita demum si in imponendâ servitute ita
 conuentum fuerit *d. l. si prius.* Sic enim ibi-
 dem Paulus, *Rectè placuit,* inquit, *non aliàs*
per lapidem aquam duci posse, nisi hoc in ser-
uitute constituendâ comprehensum sit, non
enim consuetudinis est, ut qui aquam habeat,
per lapidem stratum ducat. Tollebatur aqua
 etiam per rotam *l. qui fundum. §. fin. D. de*
contrah. empt. & diuidi aquam solere mensu-
ris, digitis videlicet, vncijs & modulis, testatur
 Frontinus *in d. lib. de aquaduct.* Erant olim
 aquilices, vel aquileges (vt Budæus mauult)
 ab aquis ⁶ eliciendis sic appellati, quarum in- 6
 ueniendarum modum monstrant Vitruuius *d.*
lib. 8. cap. 1. Nonius Marcellus, & Cassiodorus
epist. ult. lib. 3. Inde ars aquilegij de quâ Plin.
lib. 31. cap. 3. Huc alludens Tertullianus *lib.*
3. aduersus Marcionem, nec statim aquilicem,
& agricolam, inquit, *se Deus repromisit.*
 Ducitur autem aqua, vt ante dictum, fistulis,
 riuo,

riuo, tubulis, item per lapidem stratum. Fistulæ sunt tubi vel canales per quos aqua ducitur, quarum formæ secundum magnitudinem aquæ & capacitatem fiunt: & hæ fistulæ aliquando plumbeæ sunt, aliquando fictiles.

Quare per lapidem stratum non liceat aquam ducere, nisi id speciali conuentione partium seu pacto comprehensum sit, *d.l. si prius. §. idem placuit aqua pluui.* vix inter authores conuenit: constat enim eum cui aquæ ductus concessus est per fundum alienum, omnia posse in alieno agere quæ ad seruitutis exercitium requiruntur *l. refectionis in fi. D. com. prad.* Ego considerandum cenſeo, quod quemadmodum seruitute 7 imposita omnia tacite sequuntur, quæ ad explicationem seruitutis sunt necessaria, ita quoque cui competit, hoc temperamento & modératione eâ vti debet, vt cum minori quo fieri potest prædij seruientis damno seu incommodo seruitus explicetur *l. 3. §. si quis nouum. D. de iuriis.* Vnde cum seruitus aquæ ductus cum minori incommoditate fistulis explicari queat, consequens est vt lapidibus riuum sternere & ita per lapideum stratum aquam ducere permissum non sit, nisi specia-

specialiter hoc sit expressum, ideòque sufficit eum cundi & aquam ducendi facultatem habere, quamvis lapidibus riuum sternere nequeat, quod potius dominium sapere videtur.

Vt aqua per rotam tollatur, seruitutem non rectè consistere, quemadmodum nec castello seruitutem aquæ rectè constitui posse existimat Vlp *d.l.2.D.com.prad.* Rotam aquariam ⁸ Iuriconsultus intelligit, per quam aqua hauritur, cuius Plinius *lib. 31.cap. 6. & lib. 36.cap. 15.* Cato *de re rusticâ* alijque mentionem faciunt, quæque à Vitruvio *d.lib.8.cap. 7.* collocatur inter organa quibus aqua hauritur. Castellum ⁹ receptaculum aquæ designat, à veteribus diuidiculum appellatum vt ex auctoritate Festi *lib. 4.* docemur quod inde erogationibus fistularum in suum quisque fundum aquam diuisam duceret. Sed quæ ratio Vlpianum mouit, vt dixerit seruitutis constitutionem non subsistere posse, de aquâ per rotam tollendâ ex flumine, vel huiusmodi seruitute castello imponendâ? Scio vix esse, vt prædia tantâ aquarum copia indigeant, vt adhiberi organa oporteat, atque seruitutem vltra necessitatem imponi non posse manifestum est

T

I.ergò

l. ergò D. rust. præd. & hanc rationem protulit Cuiacius *obser. lib. 3. cap. 28.* Arbitror ego, 10 ideo iure seruitutis hanc concessionem ¹⁰ non subsistere, quoniam constat ex opere manufacto, quod perpetuam causam non habet, quæ ad seruitutum subsistentiam est necessaria *l. foramen. D. urb. præd.* neque enim naturaliter, sed vel manu vel organis aqua infunditur. *si quis tamen hac lege comparauit, seu alio quocunque legitimo modo sibi hoc ius adquisiuit, tuendum esse eum, qui hoc ius possedit inquit Vlp. d. l. 2.* Tuendus est eo modo quo id ius possideri potest, non seruitutis quidem iure, sed beneficio æquitatis *l. 1. D. de usufr. leg.*

Porrò aqua ducitur riuis per canales, & Iurisconsultus ait canalem aut fistulam collocari in riuo *in l. 3. §. si quis nouum. D. de riuis.* Unde de deprimere vel adleuare riuum dicimus. *l. 11. D. com. præd.* Ac is, cui per alienum fundum ius aquæ ducendæ competit, facultatem habet in riuo ponendi fistulam quæ aquam exprimat latius, id est, pro fistula minore & angustiore licet illi fistulam capaciore & quæ plus aquæ emittat surrogare, nec conqueri potest aquæ dominus, quod nunc plus aquæ ducitur,

tur, quam ab initio, si modò aquagium non fiat prædij domino deterius vt ait textus in *l. quintus 13. in fi. D. de seru. rust. præd.*

Quod si in meum agrum cui seruitus aquæ debetur, aqua peruenit, iam inde aqua fit mea, & ideo mihi licet aquam illam deriuare ad alia mea, quinimò licet mihi eandem aquam alij concedere vel alij seruitutem in illâ aquâ constituere. Quod probatur autoritate Labeonis, scribentis ex meo aquæductu, cui libet posse me vicino commodare *l. ex meo 24. D. de seruit. rust. præd.* Huic tamen decisione non mediocriter aduersatur, quod ibidem scribit Proculus vt. nemo in ea parte fundi alia quàm ad quam seruitus adquisita sit, vt eâ possit. Quid dicendum? sane seruitus si limitata est ¹¹ ad ¹¹ certam fundi mei partem, vt puta si fortè constituta est aqua ad villam rusticam vel ad certam dumtaxat illius partem, hoc casu nemo potest aquam illam deriuare ad alia prædia, aliamue fundi partem, & multo minus ex suo aquæductu (quem ex illo fundo alieno habet) aquam alteri concedere, quoniam hic terminus certum seruituti finem modumque præscribit, quem nemini mutare licet, eo inuito

cuius interest *l. non modus. C. de seruit. verum*
 si seruitus generaliter sit constituta, ut mihi
 per tuum prædium aquam ad prædium meum
 ducere liceat, certè quemadmodum aqua po-
 test ampliari, extendi & ad aliam fundi partem
 deriuari, ita quando aqua in meum prædium
 est delata (quia factus sum eius dominus) re-
 ctè possum eandem aquam alij concedere vel
 alij aquæductum constituere, quatenus id non
 facit conditionem prædij seruientis deterio-
 rem *ut in l. 1. §. illud Labeo. D. de aq. quotid.*

His ita præuiæ cognitionis gratiâ explicatis,
 nodosam hanc quæstionem, hoc sæculo inter
 summos Iurisconsultos tantopere agitatam as-
 sumere placet. An prædij dominantis domi-
 nio attollere vel deprimere liceat, inuito do-
 mino prædij seruientis? Vlp. quidem in *l. 1. §. ult.*
D. de riuis. hanc facultatem ei denegat, dum
 ait: *Proinde etsi per alium locum velit ducere,*
impunè prohibetur. Sed etsi eundem riuum
deprimat vel attollat. Verùm pugnare hic è
 diametro videtur Pomponius in *l. refectionis*
11. in princ. D. com. prad. in hunc modum scri-
 bens; *sed depressurum vel adleuaturum ri-*
uum, per quem aqua iure ducendi potestatem
habes

habes. Quidam hos textus conciliari non posse
asserunt, ideòq; statim ad antinomias confu-
giunt, quos Iustinianus noster redarguit. Nun-
quã est lex legi contraria ipso iure, inquit *Quin-*
tilianus lib. 7. instit. cap. 7. quia si diuersum ius
esset, alterum ab altero abrogaretur. Quoties er-
gò leges duæ vel plures inter se colliduntur, in-
daganda est ratio, quã reuocentur in concordia
text. in l. unica. C. de inoff. dotibus: & ait Imp.
semper quærendũ esse aliquid nouũ inuentum
aut occultè positum, quod dissonantiæ quære-
lam dissoluat *in l. 2. §. contrarium autem. C. de*
veti iure enucl. Subtilis & apta aliquando in-
terpretatio inuestiganda est, vt vna lex cum aliã
concilietur. Vnde Cicero *lib. 2. ad Herennium*
Contrarię legis enodabimus voluntatem, ait, &
eam trahemus ad nostrę causę commodum.
In legibus sunt verba & est legis mens *l. scire le-*
ges. D. de ll. Verba cernuntur in figurã litterarũ
vt Iurifcon. loquitur *in l. non figura. D. de ob-*
lig. & act. at mens legis non cernitur, quia non
est litteris expressa, sed intelligitur, quia per ra-
tiorinationem educitur vt *in l. non possunt, &*
in l. nam vt ait. D. de ll. Legis quidem ver-
ba attendenda sunt, sed præcipuè spectanda

mens, nam legis mens, est legis vox & quidem præcipua atque maxima *l. non aliter. D. de leg. 3.* Si sese igitur offerant apparentes quædam antinomix, legum mens enucleanda est, & sic conciliationis, concordix querenda ratio. Hinc alij antinomiali hanc propemodum implacabilem variè conciliare nituntur. Mihi perplacet Iulij Pacij sententia, qui Pomponium tractare eum casum ¹² asserit, quo servitutis ius liquidum & manifestum est, adeò ut impositæ servitutis iure id fieri cogitandum sit: Vlpianum è contra tractare casum quo servitutem deberi erat illiquidum, quo non liquebat de servitutis iure, sed dumtaxat de possessione eius qui aquam ducebat: qua possessione nixus, putabat hoc per interdictum consequi, ut riuum attollere vel deprimere posset, sed frustra, cum possessioni & interdicto tanta vis non in sit, ut ibidem docet Vlpianus. Itaque per actionem confessoriam id consequi possumus, viâ possessionis & interdicti nequaquam. *Pac. cent. 7. quæst. 18.*

CON-

CONCLUSIO VNDECIMA.

Constituuntur autem servitutes tam rusticæ quàm urbanæ per ultimas voluntates, item per contractus inter viuos, pacto scilicet & stipulatione.

S V M M A R I A .

- | | |
|--|---|
| <p>1 Ex testamento, prater actionem, transit etiam servitutis dominium: ex pactis & stipulationibus non item.</p> <p>2 Traditio servitutis qualiter fiat.</p> <p>3 Alij quidam referuntur modi quibus servitus imponitur.</p> <p>4 Discrimen inter servitutem simpliciter constitutam, & servitutem constitutam cum restrictione ad certam fundi partem.</p> <p>5 Servitute simpliciter constituta, etsi totus fundus serviat, debet tamen creditor ea servitute uti civiliter modo, alias certus locus praescribi potest.</p> <p>6 An servitutis constitutio pro parte subsistat, disputatur.</p> | <p>7 Quæ sint diuidua, quæ indiuidua.</p> <p>8 Cur servitutes sint indiuidua.</p> <p>9 Si unus ex promissoris heredibus in solidum servitutis nomine conveniatur, quid prestare debeat. Et qualiter defungi possit.</p> <p>10 Intellectus l. 2. vers. sed quo casu. D. de verb. oblig.</p> <p>11 Explicatio l. heredes. §. an ea ff. famil. ercisc.</p> <p>12 Servitute iam constituta & tradita, cessat actio personalis.</p> <p>13 Officium tamen iudicis implorari potest, quod in actionis deficientis locum surrogatur.</p> <p>14 Definitur actio confessoria & negatoria.</p> |
|--|---|

15 Cur

- | | |
|--|--|
| <p>15 Cur actiones illa ita appellentur.</p> <p>16 Quaritur an qui ius seruitutis pradialis habet, nouum opus nuntiare possit.</p> <p>17 Vtilitas cognitionis seruitutis declaratur.</p> <p>18 An vsus patrisfam. & domini duarum adium, qui erat tempore venditionis, alteris venditis inducat tacitam seruitutis constitutionem vel receptionem, aut ferenda in posterum seruitutis conuentionem, luculenter traditur.</p> | <p>19 Per huiusmodi actus, non inducit impossissionem, receptionem seu conuentionem sustinenda seruitutus, nisi specialiter de eo conueneris, communis est sententia.</p> <p>20 Prima eius ampliatio.</p> <p>21 Eius ampliatio secunda.</p> <p>22 Tertia ampliatio.</p> <p>23 Prædictæ doctrina seu regula limitatio prima.</p> <p>24 Exceptio seu limitatio altera.</p> <p>25 Responsio ad ll. per Reos obiectas.</p> <p>26 Arrestum Curie Brabantie.</p> |
|--|--|



Erutus varijs modis constituitur *l. via in princ. D. de seruit.* Interdum testamento constituitur, interdum stipulationibus *l. cum essem. D. rust. prad.* Constituitur etiam interdum pactis coherentibus contractui *l. qui duas. D. de seru. urb. prad. l. 3. D. com. prad.* Ex testamento non solum transit actio, sed etiam transit seruitutis dominium *l. si partem. S. 1. D. quemad. seruit. amit.* quo loco Iurisconsultus asserit, seruitutem etiam non vtendo amitti per cum

cum qui nesciuit sibi legatam, quoniam ex legato dominium in ipsum legatarium transit ipso iure & acquiritur etiam ignoranti. Sed ex pactis & stipulationibus oritur quidem obligatio & actio, non tamen transit ius & dominium, nec dicitur seruitus constituta nisi etiam fiat traditio *l.quoties. D.de seruit.* Traditio autem ipsius seruitutis² interdum fit cum ipsâ re, quemadmodum cum ipsâ re quoque possidetur *l. si ades in fi. D. urb. prad.* ut puta si quis fundum distrahat & in tradendo seruitutem excipiat *ut in l. ei fundo. D. eod. tit. de seruit.* Quandoque verò eius fit traditio seorsim & finire, eoque casu tradi seruitus videtur per vsum eius cui debetur & per patientiam eius qui debet: quamvis enim res incorporales reuera non tradantur, quasi tamen traduntur, & patientia pro traditione est, vsum pro possessione *l. fin. D. de seruit.* quâ ratione seruitutes dicuntur constitui per traditionem & patientiam, id est, vel simul cum ipsâ re vel separatim *ut in l. si ego. §. 1. D. de pub. in rem act. & in l. 1. §. ult. D. de seruit.* Quibus locis patientiæ nomine intelligitur vsum & patientia, nomine vsum intelligitur vsum & patientia.

- 3 Constituitur etiam seruitus ³ diuisi iure, vt loquitur Iuriscultus in *l.via. §. ult. D. d. tit. de seru. rust. prad.* id est, per diuisionis placitum adiectum traditioni aut stipulationi, alias namque ex solo diuisionis placito non oritur actio *l. diuisionis. D. de pact.* Constituitur etiam vsu diuturno *l. si quis diuturnò. D. si seru. vind.* vt infra latius docebimus. At verò non constituitur pacto nudo, & inde est quod Imperator ait, seruitutem debere constitui pactio- nibus & stipulationibus *§. ult. instit. de seru.* quasi dicat non constitui eam nudis pactis, sed pactis stipulatione firmatis vel alio iuris reme- dio quod tantundem valeat.

- Seruitus potest constitui vel ad certam par- tem, vel simpliciter vt ait text. in *l. si via. D. de seru. rust. prad.* seu in infinitum. Id est, sine vllâ præfinitione vel restrictione ad certam fun- di partem *l. certogeneri. §. si totus. D. d. tit. rust. prad.* Inter quæ duo ⁴ hoc discrimen est, quod in infinitum vel simpliciter constituta seruitus ex vi pacti & sermonis latè pateat, & tribuat fa- cultatem eundi agendi per quamlibet fundi partem, quia hoc casu diffusa est seruitus per totum fundum sic vt omnes glebæ seruiant vt
ait

ait text. in *d. l. certi generi. §. si totus*, & in *l. via. §. ult. D. eod.* Altero verò casu servitus non est diffusa per totum fundum, nec serviunt glebæ omnes, sed ea pars dumtaxat servit quæ in constitutione est designata *l. ad certam. D. de servit.* nam si ad certam fundi partem limitari potest servitus simpliciter ab initio imposita; pari certè ratione ad certam fundi partem constitui potest etiam ab initio, & utrumque horum Iurisconsultus expressit, cum ait quod ad certam fundi partem servitus tam remitti potest quam constitui *d. l. ad certam*, nam ad certam fundi partem servitus remittitur, quæ prius simpliciter est constituta & deinde ad certam fundi partem reuocata seu restricta est, nam eo casu cæteræ partes pristinam libertatem nanciscuntur *d. l. certi generi. §. 1.* Planè servitute simpliciter siue indefinitè constitutâ, quamvis creditor servitutis possit per quamlibet fundi partem ire agere, cum totus fundus omnesque eius partes serviant *l. si mihi. D. de servit. rust. præd.* debet tamen creditor eâ servitute uti civili modo. *si cui. D. de servit.* & licet domino certum locum præscribere quo utatur possessor prædij dominantis quàm minimo incommo-

do prædij seruientis *l. si via. D. de seruit. rust. præd.* aut si inter eos non conuenit de fundi parte, ait textus adeundos arbitros qui certum modum præscribant *d. l. certo generi §. 1.* Quæ sententia confirmatur ex eo, quod domino qui seruitutem debet, liceat iter in certâ parte fundi iam consuetum in alium locum transferre *l. 2. §. penult. D. de rellig. & sump. fun.* si modo nulla captio inde futura sit ei cui seruitus debetur. Pari ratione, qui habet syluæ vsum ad combustionem vel ad prædij refectionem, is potest ligna cedere in quacunque syluæ parte, attamen dominus prædij seruientis potest postulare vt iudex aliquam syluæ partem demonstrer, qua creditor sit contentus & quam solam cedat, vt ait Papon *in arrest. Gall. lib. 14. tit. 3. arresto 1. & 2.*

- 6 Quæritur, vtrum seruitutes constitui⁶ possint pro parte? Communis est opinio, seruitutes reales tam rusticas quàm urbanas esse indiuiduas *ex. l. 1. §. si usus fructus. D. ad l. Aquil. text. in l. 2. D. de seruit.* Vnde si vnus dominorum seruitutem imposuerit fundo communi aut eidem adquisierit nihil agit, cum enim fundus sit indiuiduus & à quolibet possideatur
pro

pro parte indiuisâ, seruitus non potest vlllo modo imponi parti vnus, quin imponatur alteri, vnde fundi seruiensis dominus grauaretur citra voluntatem, sicut etiam grauatur constituens dum fundo communi acquiritur. Hinc fit, vt si quis stipulatus fuerit seruitutem viæ, & postea ante constitutionem seruitutis alienauerit partem fundi, seruitus dicetur extinguï, quia deducta est in eum casum à quo incipere non possit *l. pro parte. D. de seru.* Pro parte tamen non repugnat constitui separatim, veluti si vnus ex dominis cōstituatur pro sua parte, & alius postea pro sua, tunc enim nouissima voluntas videtur confirmare seruitutem, contra rigorem iuris tamen *vt patet. ex l. 11. D. de seruit. rust. prad.* Itaque plures domini fundi seruiensis possunt seorsim quasi tradere vel consentire in seruitute, sed quorundam consensus non sunt nisi præparamenta, nec consummatur actus nisi consensu vltimi *text. in d. l. per fundum & in l. vlt. D. com. prad.* Licet autem de rigore neque seorsim aut separatim pro parte constitui possit seruitus, pro parte tamen retineri posse traditur *in d. l. pro parte, & in l. 14. D. de verb. oblig.* vbi ius seruitutis dicitur mortuo testatore

retineri à quolibet hærede pro ratâ portionis quam in fundo habet prædominanti. Existimandum tamen non est, partem seruitutis retineri in vnâ parte & partem in aliâ, hic enim sensus est absonus: sed totam substantiam seruitutis retineri à quolibet pro parte fundi quâ possidet. Nec mirum nam ea quæ transeunt in hæredes, si diuidi nequeant in partes, transeunt in solidum *vt patet ex l. ea qua in partes. D. de Reg. Iur.*

Vt hæc clarius intelligantur, notandum est, 7 diuidua esse 7 quæ partium præstationem recipiunt, siue quæ possunt pro parte dari, peti, solui *l. 2. §. Et harum in princ. D. de verb. oblig.* Indiuidua sunt, quæ pro parte dari, peti, solui nequeunt *l. Stipulationes non diuiduntur. D. eod.* Stipulationes quæ naturâ suâ diuisionem non admittunt propriè indiuiduæ dicuntur. Huius generis res sunt cum viam, iter, actum stipulamur, quia hæ seruitutes non possunt pro parte exerceri, saltem si non ordinentur ad alium finem quàm meri transitus, ad ius vel necessitatem prædij dominantis. Naturâ enim fieri non potest, quem pro parte ire & pro parte non ire: vel vehiculum vel quadrigam pro par-

te

te duci & pro parte non duci, adeò quod ex necessitate huiusmodi stipulationes indiuiduæ sint, ac propterea omni respectu indiuiduæ propriè appellari possint. Huiusmodi quidem seruitutes & illarum quasi possessiones possunt retineri, perdi vel acquiri pro parte diuisâ fundi, verum considerandum est, tunc totam solidam in ea parte velut in fundo separato quaeri, perdi vel retineri: neque enim minuitur vel augetur seruitus in suâ substantiâ, sed benè extensionem vel restrictionem maioris vel minoris latitudinis admittit. Itaque cur seruitutes⁸ sint indiuiduæ, hanc esse rationem existimo, quam expressit Pomponius, dum ait seruitutes diuidi non posse, quia earum vsus ita connexus est vt qui eum partiatur is naturam eius corrumpat, frustra enim vtitur parte viæ qui non possit vti parte alterâ, cum altera ita sit connexa priori vt alteram habeat inutilem qui non vtatur vtrâque. Quo sensu dicitur, quod in his diuisio corrumpit stipulationem *in d. l. stipulationes non diuiduntur in princ.* quidquid enim datur, accipitur, possidetur pro parte, id datur accipitur possidetur pro nihilo. Planè stipulator viæ vel alterius indiuidui, à singulis promisso-

missoris hæredibus quibus lubebit, solidam
viam vel aliud in stipulationem deductum pe-
tere potest, atque adeò obstricti sunt singuli
eam vel illud in solidum præstare, si & quate-
nus natura seu obligationis qualitas patitur.
Quapropter ex stipulatione viæ, si vnus ex pro-
missoris hæredibus in solidum conueniatur,
communi rerum vsu & praxi docemur, suffice-
re vt is in solidum præstet patientiam 9 ac ser-
uitutem patiatur, paratúmque se protestetur
eam in solidum cum alijs cohæredibus realiter
constituere, & hoc modo defungi potest ele-
ganter Carol. Molin. tract. de diuid. & in-
diuid. part. 3. num. 95. & 96. quod alioqui
cuius constitutio per ipsum solum sit impossibi-
lis, nam manifestum est, vnum ex pluribus do-
minis seruitutem etiamsi maximè velit, fundo
communi imponere non posse *l. per fundum*
& *l. vnus. D. de seruit. rust. prad.* cum autem
paratus sit dare viam debitam per fundum ser-
uiturum, sibi & cohæredibus communem, &
interim quoad se in solidum præstare patien-
tiam vt in *d. l. per fundum. D. eod. l. ult. D.*
com. prad. satisfacit obligationi eamque adim-
plet quoad in se est seu facere potest, nec astringitur

gitur

gitur ius debitum in totum nec pro parte emere vel commutare *l. inuitum. C. de contrah. empt. & l. nec emere. C. de iure delib.* Ac quod alibi legitur, hæredes promissoris singulos in solidum teneri, ita interpretandum & ad vsum communem reducendum censeo. In quo plærique interpretes falluntur, dum existimant vnum ex hæredibus constituere posse seruitutem, alijs cohæredibus cessantibus vel inuitis. Nam hæc eorum traditio omninò aduersatur regulis iuris, tam in genere *l. id quod nostrum. D. de Reg. iur.* quam in specie *l. per fundum & l. vnus. D. de seruit. rust. præd.* Interpretes induxit in errorem cum text. *vers. sed quo casu l. 2. D. de verb. oblig.* tum etiam hæc ratio, quia videlicet hæres videtur vti re ad finem à defuncto destinatum. Verùm neque textus, neque ratio illis suffragari potest: non textus, quia loquitur 1º dumtaxat præsuppositiuè, casu 10 quo vnus ex hæredibus solidum præstiterit: prædictæ verò rationi posset locus esse, quando agitur non de translatione iuris alieni, sed de restitutione simplicis detentionis, puta rei commodatæ, quia vnus solus ex hæredibus potest habere facultatem, quo casu tenetur totum restituere *l. 3. §. hæres. D. commod.* aliud est quo-

ties agitur de iure transferendo, cui enim non competit solidum ius, non habet facultatem illud transferendi, quemadmodum etiam ubique praxis ex communi Doctorum suffragio inualuit *Alex. & Zas. vers. & ideo si diuisionem. D. d. tit. de verb. oblig. num. 24.* Neque huic resolutioni quidquam refragatur *l. hæredes §. an ea. D. famil. ercisc. in verb. contra si promissor via*, quoniam illo textu non præsupponitur nec conuincitur, quod vnus

II plurium ¹¹ hæredum, eo ipso quod est hæres, cogi possit solidam viam constituere vel solidam eius æstimationem persolvere; loquitur enim conditionaliter quo casu in solidum satisfecerit, ut à cohæredibus etiam sine cessione repetere possit, & sic id nostræ sententiæ non repugnat, cum multis modis contingere possit vnum hæredum vtiliter satisfacere in totum, ut nimirum si cum Actore composuit, vel ex diuisione aut prælegato habet totum fundum seruiturum, tunc enim licet eum præcisè compellere ad realem constitutionem seruitutis, quia cum obligatione in solidum concurrit facultas præstandi, quo casu cum effectu compellitur *text. in l. fidei commissæ. §. penult. de leg.*

3. concessâ tamen dilatione si velit, ad cohæredes vocandos, vt contra eos eodem iudicio recursum habeat pro ratâ *d. l. fideicommissa. §. penult.* nisi pateat recursum inutilem fore & tantum causâ differendæ litis prætexi. *D.D. in l. stipul. non diuid. D. de verb. oblig.*

Non solum autem eorum nomine, quæ sensibus externis subiiciuntur, sed & quæ solâ intellectus contemplatione apprehendimus, reales competunt actiones. Quemadmodum enim iure ciuili, prodita est in rem actio quâ res corporales vindicantur, ita actiones quoque eodem iure proditæ sunt, ad vindicanda seruitutum, tam vrbaniarum quàm rusticarum iura: aut confessoria, si ius illud nobis asserimus: aut negatoria, si idem ius aduersario negemus competere *§. aquè instit. de act. l. 2. & l. fori in §. competit. D. si seruit. vind. & l. penult. §. ult. D. si vsusfr. pet.* In rem actiones hæ dicuntur, quod in eum competant qui nullo iure obligatus est *§. omnium instit. d. tit. de act.* ac quando seruitutem quoque deberi dicimus, non eam ab homine, sed à re deberi intelligimus, nihiloque magis ipsa rei persona siue dominus obstrictus est. Neque verò existiman-

dum est, posteaquam seruitus constituta est, ac per usum & patientiam tradita *l. quoties 2. D. de seruit.* superesse actionem aliquam ¹² personalem: quod enim vera solutio in rebus corporalibus efficit *toto tit. instit. quib. mod. toll. oblig.* ut nimirum extinguatur seu perimatur obligatio, id seruitutis quoque patientia, quæ vicem obtinet traditionis *d. l. quoties præstat.* Si enim aliqua post quasi traditionem, seruitutis superesset actio personalis, illa eo nomine intenderetur, ut desineret aduersarius uti seruitute volentem prohibere, hoc autem officio Iudicis ¹³ postulatur *Gloss. in l. 2. D. si seruit. vind.* quod actionis deficientis vicem supplere, in eiusque locum surrogari manifestum est. Quâ ratione Ulpianus: traditio planè, inquit, & patientia seruitutum, inducit officium Prætoris: quasi dicat, post traditionem & patientiam, obligatio quidem personalis prorsus euanescit, sed quod postmodum seruitutis nomine moueri potest, atque in controuersiam reduci, officio Iudicis expediendum est.

Actio confessoria commodè sic definiri potest, ut sit actio in rem, quæ alicui datur ¹⁴ asserenti

renti & affirmanti prædium à Reo possessum ; vel sibi (vt in vsufructu , & habitatione) vel prædio suo (quod in seruitutibus prædialibus obtinet) seruire , id est , seruitute obnoxium & affectum esse , ad eum finem vt seruitus constituta declaretur , & Reus conuentus patiatur Actorem eâ vti , & vt omnes fructus omnesque accessiones & vtilitates sibi Actori Reus restituat , quas percepisset , si in seruitutis vsu interpellatus non esset *l. 2. D. si seruit. vind. & l. penult. in d. §. ult. D. si vsusfr. pet.* veluti si quis intendat ius sibi esse per fundum vicini eundi , agendi , vel ex fundo vicini aquam ducendi in fundum suum , item ex suis ædibus in tuas prospiciendi , vel aliquid proijciendi , vel si quis intendat ius sibi esse specialiter indultum & concessum altius ædes suas tollendi etiam cum incommodo tuarum ædium , quibus lumen & prospectum adimit. Actio negatoria , est actio in rem , quæ domino fundi , qui fundus seruiens dicitur , competit ad eum finem , vt seruitutem à suo fundo propulset. Negat enim suum fundum siue prædium vicino seruitutem debere , & ita in libertatem vindicat. Iure igitur hæc actio negatoria siue negatiua dicitur &

contraria. Nam actio confessoria domino prædij dominantis datur, vel qui seruitutem personalem ei deberi asserit à prædio seruo: contra negatoria datur domino prædij, quod seruire dicitur. Cur actiones illæ, hisce nominibus *confessoria* & *negatoria* appellentur, Iurisconsultus breuiter declarat, dum ait *in l. 2. §. responso. D. si seruit. vind.* confessoria ei datur, qui seruitutem sibi ¹⁵ competere contendit: negatoria, domino qui negat. Igitur non videtur interesse, (licet Placentinus secus existimauerit) quibus verbis vtraque proponatur actio. Sola enim intentio ac voluntas experiuntis, inspectâ illius iuris origine, istas ab inuicem distinguit: actiones *gloss. in d. §. a quæ*; denique actio confessoria seruitutem, negatoria libertatem sibi vindicat. Itaque actiones illæ confessoria & negatoria, non à conceptione verborum, sed à proprietatibus & causâ finali sic denominantur: actio siquidem confessoria ad seruitutem vindicandam & ad libertatem euertendam; negatoria contra, ad seruitutis euersionem & libertatis adsertionem pertinet. Neq; refert, quâ verborum formulâ actio concipiatur, sed sola intentio ac voluntas agentis in consideratione venit.

Actio

Actio hæc confessoria, quamvis propriè tantum detur domino prædij dominantis *per text. in l. 2. D. si servit. vind.* utilitatis tamen ratio postulat, dari etiam in rem actionem ei qui directo quidem non est dominus sed habet ius dominio proximum (dominium utile vulgò vocant) quale habet superficiarius vectigalis emphiteuta, vasallus; nam & his datur utilis in rem actio *l. 1. D. si ager vectig. pet. l. superficiario. D. de rei vind.* Datur quoque utilis in rem actio creditori, qua pignus persequitur vnà cum servitutibus rei inhærentibus, quarum possessionem ad se aduocat utili actione confessoria, ideoque permittendum ei est, vt de iure quemadmodum Caius loquitur, id est, de servitute nunciet nouum opus *in l. creditori. D. de noui oper. nunciat.*

Vnde quæsitum est. An ei qui ius seruitutis prædialis habet, nouum opus nunciandi ¹⁶ facultas cõpetat? Quæstio est admodum intricata, adeò vt in hac cum suis acuminibus pugnare inter se DD. & planè certi quod adferant, nihil habere dixit Cuiacius 1. *obser.* 17. qui illis operis noui nunciationem largitur, & rectè: neque enim placet aliorum inter seruitutes vrbanas & rusti-

rusticas distinctio, quippè indifferenter tam ob illas quam ob has operis noui nunciationem competere cum Corasio & Forcatulo existimo *Coras. s. miscell. ult. forcat. in l. 16. de seruit. num. 4.* Triplex enim est causa operis noui nunciationis, vt authoritate Iurisconsulti docemur *in l. 5. §. 9. de oper. noui nunc.* aut naturalis, aut publica, aut imposititia. Imposititia, cum quis posteaquam ius suum diminuit, alterius auxit (quæ verba omnibus seruitutibus quadrare planum est) contra seruitutem fecit, & *in §. sequenti*, si in suo dominus quid faciat, quod nobis noceat, nuntiatio erit necessaria. Planè qui sic ædificat vt seruitus impediatur, ei nouum opus nunciari potest *l. 15. D. de seruit. urb. prad.* & ei nunciandi ius competit, qui vindicare potest seruitutem *l. 9. de oper. nou. nunc.* Sic in eo agro, qui itineri seruit, dominus nihil facere potest, quod seruituti noceat *l. 13. §. 1. D. de seruit. rust.* & perinde inibi ædificare prohibetur atque in areâ meâ *l. 9. in fin. princ. D. si seru. vind.* Quod si quempiam aliquis adhuc scrupulus remoretur, is adeat *Ulpianum*, qui absque vllâ exceptione *in l. unic. de remiss. §. 3.* ius habet opus nouum nunciandi,

di, inquit, qui aut dominium, aut servitutem habet. Quid opus est verbis? hi textus cum generales sint, & generales cōtineant rationes, generaliter accipi debent, neq; ad vnā servitutum speciem coarctari possunt, atque adeo in omnibus servitutibus idem ordo præscribendus est. Obijciat quispiam *l. 14. de oper. nou. nunc.* qui locus facessit negotium interpretibus. Alciasius quidem accipit de eo qui viam ædificando (sic enim legit) reficit, exornat; verum non rectè, cum lex vindicationem servitutis tribuat, quæ datur dumtaxat aduersus eum, qui impedit, non aduersus eum qui reficit aut exornat *l. 4. D. si seruit. vind.* Multò minus attigit Vaudus, dum constare prius de iure servitutis debere tradidit *Vaudus. 1. quæst. 53.* contrarium quippè textus innuit in verbis, qui viam habet, nihil agit. Hoc addo, siue nunciandi ius quis habeat, siue non, tamē nunciando aliquid agit, per hoc enim inhibetur operis executio, vt *Duar. ad tit. de oper. nou. nunc. præl. 6.* ostendit, & planum est *ex l. 1. l. 20. §. 1. & §. 3. de oper. nou. nunc.* Aliorum sententias referre supersedeo, quoniam alij aliter hallucinantur. Quid dicemus? Quod si coniecturis locus de-

Y

tur,

tur; existimo textum illum vitiosè legi, mendumque transpositione verbi (sed) facilè tolli, quæ lectionem alioqui difficillimam planam facit: ita nimirum legendo; qui viam habet, si opus nouum nunciauerit aduersus eum, qui in viâ ædificat, sed nihil agit:seruitutem vindicare non prohibetur. Nihil agit, denegatâ videlicet executione. *qui est casus legis 19. de oper. noui nunc.* quæ coniecturam meam non tantum approbat, sed etiam manifestè suadet: vt in obseruationibus meis breui emittendis iam pridem annotaui.

Cæterum, quàm sit non modò vtilis sed
 17 etiam necessaria ¹⁷ seruitutum cognitio, satis docuerunt veteres ijque præclarissimi totius terrarum orbis legislatores. Quippè docuit id Plato, de ijs seriò agens in suis legibus, *Plato in suâ Rep. Dial. 8. de ll. col. 7.* Solon quoque de hisce seriò leges ferens. Docuerunt id Romani in rebus omnibus politicis perfectissimi, inter suarum duodecim tabularum angustias multa de hisce rebus grauitè inferentes, quæ intelligebant maximè publicam tranquillitatem fouere; prospiciebāt nimirum viri prudentissimi, ex hisce quantumuis primâ facie leuibus

bus & minutis, maximas diffensionum causas, grauissimosque in Republicâ tumultus oriri posse. Itaque & Cicero eos laudibus effert, qui tantâ diligentîâ prudentiâque emicuerunt, vt omnia omnium etiam tenuissimarum rerum iura persecuti sint. Sed vt cætera taceantur, doceat id quotidianæ de hisce rebus in foro litium ventilationes decisionesque. Sanè nuper hæc quæstio in iudicio contradictorio magnò conflictu agitata acerrimeque ventilata fuit: Vtrum vsus seu actus patrisfamilias ¹⁸ & do- 18 mini duarum ædium seu fundorum, qui erat tempore venditionis, alteris venditis inducat tacitam seruitutis constitutionem vel receptionem, aut ferendæ in posterum seruitutis conuentionem? Quæ quidem quæstio vti variam habet & elegantem ac multiplicem tractationem, ita rectam explicationem meretur. Multa quidem & variè per Reos allegata fuere, vt rem, claram alioqui & expeditam inductâ caligine implicarent, & tenebras iudicantium oculis suffunderent, sed omnibus ritè perpensis, illud potissimum erat à quo dependebat totius negotij decisio. Nam si vel ex venditionis vel traditionis lege, seruitutes de quibus age-

batur, Actori seu ædibus eidem venditis, ad utilitatem ædium vicinarum, aut realiter impositæ, aut personaliter receptæ sint ac intelligantur, non est quod aduersus Petrum Brant suum venditorem eiusue successores, ex sententia pro Magistro Henrico Stynen contra se latâ, vllam intendat querimoniam: sin verò illæ seruitutes Actori impositæ aut aduersus eum in vendendo receptæ non fuerunt, dubium sanè non est, quin Actor aduersus dictum Brant eiusue successores efficacem habuerit actionem in id quanti suâ interest, seruitutes de quibus agebatur, sibi per præfatum Magistrum Henricum Stynen euictas ablataeque non esse *toto tit. D. Et. C. de euict.* Quemadmodum enim certi & indubitati iuris est, eum qui duas ædes seu duos fundos habeat, alterum tradendo alteri posse seruum constituere *l. Et qui duas D. de seru. urb. prad.* ita hoc quoq; manifestum est & indubitatum, regulariter ita demum impositam aut receptam seruitutem intelligi, si in vendendo vel tradendo hoc actum fuerit *l. duorum, l. si quis duas in princ. D. com. prad. l. Proculus. D. de usufr.* Quod quia in venditione seu traditione Actori per dictum quondam Brant factâ,

DE CONTROV. SERVIT. MATERIA: 165
 factâ, actum conuentumque non inuenitur
 (quemadmodum ex instrumento inhæreda-
 tionis relucebat) dicendum est vicinis vendi-
 toris ædibus nullam itineris, aquæductus aut
 haustus aquæ seruitutem ab Actore eiusue do-
 mo debitam, impositam aut receptam posse
 intelligi. Aduersus hoc, vnum illud à Reis ob-
 iiciebatur, tempore nimirum vëditionis & tra-
 ditionis Actori huius causæ factæ, vsum earum
 seruitutum quæ euictæ sunt, inter domos de
 quibus agebatur sic fuisse. Ex quo Rei infer-
 bant, seruitutes eas vnde ibidem mota quæstio,
 per venditorem in venditione ac traditione fa-
 ctâ Actori de suâ domo, impositas constitutas
 receptasque intelligi *arg. l. 1. D. de seruit. leg. l.*
quod conclauē. D. de dam. infect. Gloss. in l. in
vendendo. D. de contrah. empt. Præcipuè ex
 quo existebant signa illius vsus manifesta, per-
 petua & permanentia, veluti in specie proposi-
 tâ erat foramen canalís seu cloacæ ad aquædu-
 ductum, & ianua seu ostium in pariete ad iter
 itemque aquæ haustum. Quorum considera-
 tione habita, superuacaneum esse inquebant
 Rei, de iisdem seruitutibus nominatim excipe-
 re vel conuenire *arg. l. 1. D. de act. empt.* In

quo præcipuo atque adeò vnico penè defensionis capite, quoniam totius controuersię status ac decisio tanquam in cardine vertebatur & consistebat, illud excutere & penitus perscrutari operæ pretium duxi.

Sanè debile fuit illud Reorū argumentum: nam quod paulò ante diximus, eum qui duos fundos habeat, alterum vendendo, ita demum retento fundo seruitutem recepisse intelligi, si hoc in vendendo vel tradendo actum fuerit, id hoc modo est intelligendum, vt expressè ac nominatim hoc actum esse oporteat *Text. est in l. duorum in verb. ea lege tibi dederit, & in l. si quis duas in princ. in verb. potest legem traditioni dicere. D. com. prad.* Alioqui enim nisi expressè hoc sit conuentum, & nominatim seruitus recepta vel imposita, fundus liber venisse intelligitur *text. in l. si quis ades in princ. D. de seruit. urb. prad.* Id quod verum est & procedit, etiamsi fundus venditus apud priorem dominum actum alicuius seruitutis sustinuit ad commoditatem seu vsum alterius prædij retenti, nihilominus enim si simpliciter alienatus fuerit, non impositâ receptâque nominatim seruitute, liber venisse intelligitur, qui
sunt

sunt termini dicta l. si quis. ades in princ. ubi textus expressè loquitur de ædibus alienatis, quæ non solum apud priorem dominum eundemq; venditorem, tempore venditionis actum alicuius servitutis sustinuerant, verum etiam alias & perantea, fundo per ipsum retento, iure serviuerant, antequam videlicet ipse dominium earum ædium nactus esset. *facit text. in l. quidquid D. com. præd.* Nam actus servitutis per dominum duorum prædiorum obseruatus, alienato altero qui actum illum patiebatur, non inducit impositionem receptionem ¹⁹ seu ¹⁹ conventionem sustinendæ servitutis, nisi expressâ conventionem in vendendo vel tradendo de eo actum fuerit, quæ est certa & comprobata calculo omnium interpretum, nullo penè reclamante, doctrina. *Barth. in l. binas. l. D. de servit. urb. præd. & ibidem Castr. idem Barth. in l. l. D. de servit. leg. & ibidem alij. idem Barth. & post eum Cast. Lud. Roman. & alij in d. l. quod conclave. D. de damn. infect.* Quæ latissimè patet ac multis modis extenditur & ampliatur. Et primò quidem vt obtineat, etiam si in vendendo vel tradendo hoc adiectum ²⁰ expressumque fuerit, servitus qui-
bus

bus est vel uti est, ita sit *Text. eleg. & singul. in l. quidquid. D. com. prad.* nam huiusmodi receptio seu reseruatio, quia facta est per verba designantia ius præsentis seruitutis (quam nemo in re propriâ habere potest *l. in re communi in princ. D. de seruit. rust. prad.* quamuis in traditione seu alienatione rei paciscendo possit efficere ut eam habere incipiat re alienatâ *l. & qui duas D. eod. de seruit. urb. prad.*) censetur concernere dumtaxat conseruationem antiquæ & præexistentis seruitutis, quam cum operari non possit, eâ ratione, quia nullâ præexisteat seruitus, cum nemini res sua seruire possit *d. l. in re communi*, non valet aut proficit ad receptionem impositionem vel acquisitionem nouæ seruitutis, etiam illius cuius actum venditor ante alienationem exercebat *Barth. Fulgos. & elegantissimè Angel. in d. l. quidquid.*

Secundò extenditur & ampliatur ut locum
 21 habeat, etiam si in vendendo vel tradendo 21
 dictum fuerit, rem quæ venditur seruire. Nam licet hoc verbum non præcisè ad præsentis, sed ad futuræ etiam seruitutis ius respiciat, quia tamen generale est, & omnem omnino seruitutis

tutis speciem complectitur, nequaquam conducit ad receptionem seu constitutionem servitutis, etiam illius cuius usum seu actum venditor, prædio distracto adhuc penes se existente, exercebat *text. eleg. in l. in tradendis in princ. D. dicto tit. com. præd.* Ex eo enim solo quod aliquid ante alterius fundi alienationem in eo sic positum & constitutum dominus habuit, ut in alienis ædibus nisi iure constitutæ & impositæ servitutis id ei sic positum & constitutum habere non licuisset, & quod in ipsâ illius fundi alienatione adiecta sit generalis illa clausula seu receptio, sic vendi fundum eâque lege ut quo modo nunc est ita sit, sicut in propositâ specie ac hypothesi, servitus tamen per hoc imposita vel recepta non potest intelligi *l. cum in l. D. de contrah. empt.* Ille enim qui sic alterum ex duobus fundis quos habet alienat, cum nihil antea servitutis iure in fundo proprio vel domo sua propriâ positum habuisse aut fecisse possit intelligi, quia propria res servire domino nequit, nec sibi ipsi debere quisquam servitutem potest, nominatim & expressim cavere sibi de eo debet quod in posterum iure servitutis in domo alienatâ sibi domuique suæ re-

tentæ velit competere *l. quidquid venditor II. D. com. prad. d. l. cum in lege. D. de contrab. empt.* Id quod etiam obtinet in casu, quo manifeste constaret tali cōstitutione domum vicinam alteri fuisse obnoxiam & affectam, virtute seu iure formalis seruitutis, tempore quo alterius erat domini qui titulo legitimo domum suam seruituti astrinxisset, postquam enim iuncta est dominio vicini magistri & proprietarij domus dominantis, intelligitur confusione extincta seu perempta dicta seruitus, quia scilicet nemini (vt ante dictum) res propria seruire potest *d. l. quidquid. in fi.* Sicut quando in vnam eandemque personam concurrunt iura creditoris & debitoris, quia vel debitor creditori, vel hic illi hæreditario iure succedit, confusione tollitur obligatio: ac vsus quem nouus dominus sibi tali modo & formâ retinet, non censetur seruitutis iure continuari, verum iure dominij, cuius vi acquisitæ domus moderator est & arbiter, quam si postmodum vendat distrahat aut alio quouis modo alienet, manebit nihilominus extincta seruitus domusque libera, nisi iterum de nouo in translatione fundi in alium, eandem seruitutem exceperit seu receperit,

perit, quod nominatim expressim & speciatim ei esset faciendum *d. l. si quis ades in fi. princ. D. de servit. urb. prad.* nec suffecerit ad eam rem clausula, vendi eum fundum seu domum vti est constituta.

Tertio ampliatur præfata regula, etiam si locus seu prædium retentum ²² alias venditori in ²² totum esset inutile, puta si ad retentum prædium accessus alius non pateat nisi per fundum venditum seu alienatum. Nam si in venditione vel traditione, itineris vel viæ servitus non sit speciali conventionione recepta vel constituta, licet per fundum alienatum venditor semper ad eum quem retinuit accessit; atque ita actum viæ vel itineris fundus alienatus apud venditorem sustinuit, post alienationem tamen non tenebitur aditum præstare emptor quamvis hoc modo fundus retentus venditori planè fiat inutilis *text. est. eleg. & sing. in l. via. §. ult. & ibi Gloss. D. de servit. rust. prad. l. si quis ex fundo. D. quemad. servit. amitt. Barth. in d. l. binas 1. D. de servit. urb. prad. Fulgos. in l. viâ. D. de servit. rust. prad.*

Porro exceptio qua vtuntur Rei, licet primâ facie coloribus quibusdam adumbrata videatur

tur penitus tamen inspecta non est quæ penetret aut perimendi vim vel effectum habeat. Nam quemadmodum ex prædictâ regulâ sic uti diximus extensâ ac ampliâtâ, fundatur ipsius Actoris itemque reformantis intentio, con-
 tendentis seruitutes itineris, aquæductus & haustus aquæ, de quarum euictione agebatur, propter ysum actumque earum, per vendito-
 rem seu inquilinum eius ante alienationem exercitum, aduersus se receptas intelligi non posse; ita quæ ex aduerso obijciuntur iuris de-
 cisiones & argumenta *ex d. l. quod conclauè. D. de dam. infect.* & *d. l. 1. D. de seruit. leg.* remouentur & dissoluuntur sine vlllo negotio, ex receptis eiusdem regulæ duabus exceptioni-
 bus seu limitationibus. Quorum prior est vt
 23 prædicta regula procedat solum ²³ in conces-
 sione inter viuos, id est, quando duorum præ-
 diorum seu ædium dominus, alteras alienat, &
 transfert in alium per contractum inter viuos,
 tunc enim non intelligitur ædibus alienatis
 imposita ea seruitus, cuius actum apud priorem
 dominum solebant sustinere, etiamsi is locus
 quem retinuit hoc modo ei futurus esset in to-
 tum inutilis, nisi hoc expresse conuenerit *d. l. si
 quis*

quis ades D. de servit. urb. prad. d. l. quid-
quid, d. l. si quis ex fundo D. quemad. servit.
amitt. qua loquuntur in venditione. l. via. S.
ult. D. de servit. rust. prad. qua loquitur in
diuisione. Cæterum quando alienatio seu con-
cessio fit in dispositione vltimæ voluntatis, pu-
ta legato vel fideicommissio, tum aliud obtinet,
nam si duorum fundorum dominus alterum
legauerit vel per fideicommissum reliquerit, ex
præsumptâ testatoris voluntate hoc actum in-
telligitur, vt per legatarios præstetur ea serui tus,
cuius actum testator in fundo legato antea so-
let exercere l. testatrix in princ. D. si seruit.
vind. l. ult. D. de servit. urb. prad. l. si fun-
dum sub conditione. §. qui fundum D. de leg. 1.
l. seruum filij. §. ult. & ibi Gloss. D. d. tit. Et
hanc inter legata & contractus hac in parte dif-
ferentiam disertè tradit Gloss. in d. l. via, §. ult.
Barth. in d. l. 1. in fine. D. de servit. leg. & in l.
binas 1. & ibi Castr. & Angel. D. de servit. urb.
prad. estque communiter nemine penè recla-
mante ab omnibus recepta, vt tradit Fulgos.
in d. l. via D. de servit. rust. prad. in fi. l. in l.
seruum filij. §. ult. de leg. 1. eaque confirmatur
elegantissimo ac apertissimo responso Marcelli

Z 3 in l.

in l. damnas. §. qui duos. D. de usu & usufr. leg. ubi dicitur quod in concessione facta per ultimam voluntatem hæc forma in agris sit obseruanda quæ obtinuerat uiuo testatore.

Altera exceptio seu limitatio est, ut non pro-
 24 cedat in seruitutibus tigni ²⁴ seu oneris feren-
 di, de quibus semper, etiam in concessione in-
 ter uiuos, actum intelligitur, quod ita stent uti
 stant. Itaque si duarum ædium dominus, quar-
 rum altera sustinuit actum seruitutis tigni im-
 mittendi vel operis ferendi, eam quæ dictæ ser-
 uitutis actum sustinebat, vel utrasque vendi-
 dit, vel alio contractu inter uiuos celsit, in du-
 bio videtur imposita seruitus tigni vel oneris,
 quam actu ædes alienæ patiebantur, etiam si de
 eâ nihil nominatim cautum conuentumque
 sit ita scribit. *Barth. in d. l. quicquid. D. com.
 præd. & ibidem Fulgos. & est text. express. in
 l. binas. 2. & ll. seqq. D. de. seruit. urb. præd.
 & in l. quod conclaue. D. de damn. infect. qui
 loquuntur in prædictis speciebus seruitutum
 oneris & tigni, Castr. in d. l. binas.*

Quam exceptionem seu limitationem com-
 muniter extendunt & producant interpretes,
 ad omnes eas seruitutes quæ habent usum con-

tinuum

DE CONTROV. SERVIT. MATERIA. 175
 tinuum & permanentem, scilicet, vt in dubio,
 prædium semper intelligatur alienatum cum
 impositione seruitutis, habentis vsum perpe-
 tuum & continuum, quando apud alienan-
 tem sustinebat illius seruitutis actum *Barth. in*
l. 1. D. de seruit. leg. idem Barth. in l. quicquid
D. com. prad. & ibidem Fulgos. maximè si
 contrahentes hoc sciuerint, *Barth. in d. l. 1. D.*
de seruit. leg. facit. l. 1. §. ult. D. de act. empt.
 At verò in seruitute non habente vsum conti-
 nuum seu permanentem sed momentaneum,
 diuersum obtinet: nam illa non censetur im-
 posita, nisi expressè sit recepta aut constituta per
 venditorem *Castr. & post eum Lud. Roman.*
in d. l. quod conclaue, & ibid. Fulgos. etiamsi
 absque eâ fundus seu domus retenta omninò
 futura esset inutilis, *idem Fulgos. in d. l. via*
num. 3. D. de seruit. rust. prad.

Ex quibus dilucidè apparet, dictam legem
 quod conclaue, itemque legem primam. *D.*
de seruit. leg. per Reos obiectas, intentioni A-
 ctoris nequaquam refragari, & vtramq; prom-
 ptâ atque expeditâ solutione eludi ac retundi.
 Nam primò quidem ad legem. 1. *de seruit. leg.*
 quod attinet, loquitur ea ²⁵ in cessione factâ
 per ²⁵

per vltimam voluntatem, in quâ in dubio semper ea forma debet obseruari quæ obtinebat viuo testatore *d. l. testatrix. d. l. vlt. D. de seruit. urb. præd. d. l. damnas. S. qui duos. D. de vsufr. leg.* in proposito autem agitur de concessione inter viuos, in qua econtra regulariter intelligitur prædium liberum venisse, nisi expressè seruitus sit imposita ac recepta *d. l. si quis ades, d. l. quicquid, l. via, l. si quis ex fundo. Et alijs supra allegatis.* Deinde coniunctim respondendo ad vtramque, planum est eas loqui in seruitutibus tigni & oneris ferendi, alijsque eiusdem generis quæ habent, vt dixi, vsum continuum & permanentem, quæ tacitè censentur constitutæ hoc ipso, quod tempore venditionis seu cessionis prædium alienatum vsum seu actum illarum sustinebat: at verò casus præsentis litis & controuersix, est de seruitute habente vsum discontinuum (vt populariter loquar) temporalem & momentaneum, vtpote de seruitute aquæ hauftus & ductus non ex cœlo cadentis, sed quæ profunditur, quæ in concessione inter viuos nunquam censetur imposita aut recepta, nisi hoc expressè & nominatim per cedentem dictum ac conuentum *d. l. si quis ades,*

ades d. l. quicquid d. l. via. §. ult. Exceptâ solâ viâ ad sepulchrum in quâ hoc est speciale, quod semper & indistinctè præstanda sit *l. si quis sepulchrum. D. de relig. & sumpt. fun.* Quod cum ita sit, consequense est, vt ex distinctione supradictâ, tradita per Barth. in *d. l. 1. D. de seruit. leg. & in d. l. binas 1. D. de seruit. urb. præd.* non intelligantur aduersus Actorem receptæ aut impositæ per venditorem, ex quo expressè de ijs nihil cautum conuentumque est *d. l. si quis.* Aceo sensu hoc intelligendum est, vt nominatim recipi debeant, & de ijs expressum pactum interponi cum emptore illius prædij seu domus quæ latura seu passura esset seruitutem *d. l. via. §. ult. d. l. quicquid l. 1. D. de seruit. leg.* Nam quod venditor cum alio aliarum suarum ædium emptore paciscitur, id alteri aliarum ædium emptori, cui non receptâ aut impositâ seruitute ædes venditæ & prius cessæ sunt, non præiudicat, quia pactum cum alijs initum, alijs non nocet *l. si vnus. §. ante omnia. D. de pact.* Atque ita rescissâ & per viam reformationis retractatâ Senatus Antvverpiensis sententiâ Amplissimus Brabantix ordo ²⁹ pro Actore determinauit, ²⁹

A a quem-

quemadmodum Amplissimus quondam & meritissimus eiusdem Curiae Senator D. Sexagius mihi retulit & communicauit.

CONCLVSIO DVODECIMA.



Vb conditione tamen vel ad certam conditionem, aut ex tempore, vel ad tempus constitui non possunt, quamuis ex die, aut sub conditione recte promittantur.

S V M M A R I A.

- | | |
|--|--|
| 1 Ratio conclusionis. | tuta tolleratur ex equitate. |
| 2 Plurimi sunt actus legitimi, qui diem vel conditionem non admittunt. | 5 Tempus non est modus inducenda, multo minus tollenda obligationis. |
| 3 Differentia inter promissionem & constitutionem. | 6 Quod modus seruitutibus recte adijciatur: & quid sit modus. |
| 4 Seruitus cum adiectione temporis vel conditionis merito iure constitui nequit; tamen eo modo consti- | 7 Modus ille trifariam adijci potest. |



T sit seruitus duo extrema necessaria esse, vnum quod dominetur, alterum quod seruiat, ex superioribus notum

notum est, vbi etiam quâ ratione seruitutes
constituuntur, abunde declarauimus: nunc de
ijs quæ seruitutibus accedere possunt disqui-
rendum, scilicet de die, conditione, tempore
& modo. Dicimus igitur *ex l. seruitutes 1. D.
de seruit.* seruitutes de rigore non posse recipere
diem vel conditionem per modum princi-
pij, licet contrarium doceat Barth. & Cast. in
eadem lege, vbi tradunt seruitutem posse inci-
pere ex die & conditione; neque per modum
finis, vt patet ex citata lege, his verbis, Neque
ex tempore; neque ad tempus, neque sub con-
ditione, neque ad certam conditionem. Ratio
est, quod lex voluerit consulere prædijs præ-
dominantibus, cum igitur legis providentia sit
summa plenè consuluit, & ex consequenti pro
capacitate horum prædiorum, quandoquidem
igitur prædia sint capacia seruitutum respectu
temporis præsentis & futuri, consuluit secun-
dum differentias horum temporum. Seruitutis
igitur actus non potuit suspendi per adiectionem
diei vel conditionis, neque etiam finiri
adueniente certo tempore aut conditione ob
eandem causam *l. actus legitimi. D. de Reg.
Jur.* Sic plures sunt actus legitimi ad hoc insti-

- 2 **tati**, vt statim ex eis effectus aliquis purus sequeretur, qui conditionem² aut diem non reciperent, & quibus refragaretur conditionis vel diei adiectio & veluti contra ipsorum propriam & substantialem naturam esset, cum à lege introducti sint, vt statim sortiantur effectum. **Quemadmodum** emancipatio à lege introducit, vt statim quis à patriâ potestate transeat & liberetur, sed pendente conditione non potest esse liber; repugnat ergo ei conditio qua pendente effectum proprium minimè consequeretur. Sic & tutela datiuæ neque diem neq; conditionem recipit, cum à iudice eâ ratione fiat, vt statim succurratur pupillo eiusque rebus: si autem reciperet per modum principij, pendente conditione & die interim remaneret indefensus pupillus, sicut etiam die adueniente aut purificatâ conditione non erit prospectum pupillo, cum defectus legis à nemine possit suppleri, quoniam non datur lege aliqua prouidentia maior. Rursus matrimonium ad cohabitationē mutuam atq; coniunctionem institutum esse cernimus, igitur conditio resistit matrimonij actui, qua pendente, effectum proprium minimè fortiretur: & quamuis consensus ad matrimonium conditionē recipiat *toto tit. de cond.*

A a 3 . appof.

appos. ipsum tamen matrimonium nullam admittere patue potest conditionem. *Did. Co. uarr. in 4. decretal. cap. 3. secunda part. num. 2.* Idem existimandum de actibus qui à præsentí executione nomen habent & legis fictione vel interpretatione inducti sunt, eos neq; diem neque conditionem recipere, quoniã dies vel conditio nomini ipsius actus executionique repugnat, sic optio seu electio ipsius executionis nomen est, quapropter executio statim ex optione fit, iusq; legati consumitur *l. apud. D. de opt. legata.* Huiusmodi igitur si diem vel conditionē habeant adiunctam, nomen suum amittunt, videturq; dies vel conditio protestationē quandam inducere actui contrariam, unde meritò actus vitietur fiatq; inutilis *l. per seruū. §. penult. D. si ususfr. pet.* Idem in multis alijs casibus obtinet, in quibus præsentis actus verba significativa sunt; quibus dies vel cōditio aduersatur, etiam ea quæ improprie conditio appellatur, cuiusmodi est conditio quę concipitur non in futurum sed in præsens tempus vel in præteritum *l. cum ad præsens. D. si cert. pet.* Vnde si dicat heres, adeo hereditatem si est soluendo, hic concipitur conditio in tēpus præsens scilicet si nunc est soluendo, nihil tamen valet adiectione eius, tametsi

tati, vt statim ex eis effectus aliquis purus se-
 2 queretur, qui conditionem² aut diem non re-
 ciperent, & quibus refragaretur conditionis vel
 diei adiectio & veluti contra ipsorum propriam
 & substantialem naturam esset, cum à lege in-
 troducti sint, vt statim sortiantur effectum.
 Quemadmodum emancipatio à lege introdu-
 citur, vt statim quis à patriâ potestate transeat &
 liberetur, sed pendente conditione non potest
 esse liber; repugnat ergo ei conditio qua pen-
 dente effectum proprium minimè consequere-
 retur. Sic & tutela datiuæ neque diem neq; con-
 ditionem recipit, cum à iudice eâ ratione fiat,
 vt statim succurratur pupillo eiusque rebus: si
 autem reciperet per modum principij, pendente
 conditione & die interim remaneret indefen-
 sus pupillus, sicut etiam die adueniente aut
 purificatâ conditione non erit prospectum pu-
 pillo, cum defectus legis à nemine possit supple-
 ri, quoniam non datur lege aliqua prouidentia
 maior. Rursus matrimonium ad cohabitationē
 mutuam atq; coniunctionem institutum esse
 cernimus, igitur conditio resistit matrimonij
 actui, qua pendente, effectum proprium mini-
 mē sortiretur: & quamuis consensus ad matri-
 monium conditionē recipiat *toto tit. de cond.*

appos. ipsum tamen matrimonium nullam admittere patue potest conditionem. *Did. Co. uarr. in 4. decretal. cap. 3. secunda part. num. 2.* Idem existimandum de actibus qui à præsentí executione nomen habent & legis fictione vel interpretatione inducti sunt, eos neq; diem neque conditionem recipere, quoniã dies vel conditio nomini ipsius actus executionique repugnat, sic optio seu electio ipsius executionis nomen est, quapropter executio statim ex optione fit, iusq; legati consumitur *l. apud. D. de opt. legata.* Huiusmodi igitur si diem vel conditionē habeant adiunctam, nomen suum amittunt, videturq; dies vel conditio protestationē quandam inducere actui contrariam, unde meritò actus vitietur fiatq; inutilis *l. per seruū. §. penult. D. si ususfr. pet.* Idem in multis alijs casibus obtinet, in quibus præsentis actus verba significativa sunt; quibus dies vel cōditio aduersatur, etiam ea quæ impropriè conditio appellatur, cuiusmodi est conditio quę concipitur non in futurum sed in præsens tempus vel in præteritum *l. cum ad præsens. D. si cert. pet.* Vnde si dicat heres, adeo hereditatem si est soluendo, hic concipitur conditio in tēpus præsens scilicet si nunc est soluendo, nihil tamen valet adiectione eius, tametsi

tametsi hæc sit natura similium conditionum
 vt pro puris habeantur, cum aliàs non suspen-
 dant sed continuo ponant obligationem, si id
 quod in conditionem deductum, ita sit, etiam-
 si hoc ignoremus §. *conditiones inslit. de verb.*
oblig. cum satis sit per rerum naturam aliquid
 certum esse. Atque hoc ideò, quod quamuis
 eiusmodi sint, primâ tamen facie *l. eum qui*
duobus. §. fin. D. de acq. hæredit. præ se ferunt
 quandam incertitudinem quam actus legitimi
 non patiuntur, & licet certū esse possit an hære-
 ditas soluendo sit de præsentī, potest tamen
 ignorari ab adeunte hæreditatem *Zaf. Loriot.*
in d. l. cum ad præsens. D. si cert. pet. & ibi
Alciat.

Seruitus constitui non potest ex tempore, ad
 tempus, sub conditione aut ad certam condi-
 tionem vt ait text. *in d. l. 4. in princ.* Ex tempo-
 re quidem & ad tempus constitui potest vsuf-
 fructus *l. & puto. §. vsusfructus. D. famil. her-*
cisc. sed considerandum est, prædicta de seruitute
 reali intelligenda, cum enim simpliciter in iu-
 re de seruitute Iurisconsulti loquuntur, ad rea-
 lem id proculdubio referendum est. Præterea
 diem ac conditionem admittunt contractus
 &

& actus omnes, nisi diem aut conditionem adijci lex vetet: quo casu meritò vitatur nullusque est actus, quia sufficit legem repugnare *arg. l. si minor. D. de servis export.* Quo sensu accipiendum censeo quod Papinianus ait, servitutes ipso iure non constitui ex die, ad diem aut sub conditione *in d. l. 4. in princ.* Nec movet Marcelli responsum *in l. existimo. D. de verb. oblig.* vbi dicitur viam promittere quem posse, licet fundum non habeat, adeoque via sub conditione promitti potest: distinguendum enim inter promissionem servitutis & constitutionem. Ex promissione oritur dumtaxat obligatio 3 personalis, & servitutis promissio non 3 proficit aut extenditur ad hoc, vt in alterius fundo ea imponatur, hoc enim fieri nequit, quoniam alicui per alterum ius suum immi-
 nueretur, quod de iure nequaquam permis-
 sum: sed ad hoc valet, vt promittens nomine
 euictionis ei, cui via promissa, obstringatur *l. 10. D. de euict.* Ex constitutione verò proman-
 nat ius reale, quod si res non subsit, inane est §.
omnium instit. de act. Itaque promittere qui-
 dem servitutem quis potest, licet fundum non
 habeat, sed constituere non potest: aliud enim
 est

est seruitutem promittere , longè aliud eam
constituere. Promissio parit obligationē dun-
taxat personalem ; ex constitutione verò oritur
ius reale, quod, fundo non subsistente, nullum
est. Qui promittit sub conditione , se viam
daturum, viam non statim constituit: sed is de-
mum qui viam nunc dat & cedit: quod con-
ditionem non recipit, cum iura prædiorum, ni-
hil aliud sint quam prædiorum qualitates *l.*
quid aliud de verb. signif. rebus autem quali-
tas sub conditione non imponitur , quâ ratio-
ne fit vt neque ex tempore, neque ad tempus,
neque ad certam conditionem, quæ incertum
tempus complectitur, seruitutis impositio sub-
sistat.

Seruitutes igitur, neque certo tempore, ne-
que certæ conditionis cancellis mero iure cir-
cumscribi possunt, quia alioqui intermitten-
dæ nonnunquam essent contra earum pro-
priam & substantialem naturam, secundum
quam perpetuam causam habere debent, cum
hoc eis insit, vt perpetuo & omni tempore vtī
possimus, si velimus *l. i. §. loquitur. D. de aqu.*
quotid. & ast. l. foramen. D. de seru. urb. præd.
& hanc rationem attigit quidem, sed non satis
expli-

explicauit Accursius *ad l. 3. D. de seruit.* Benignè verò & ex æquitate tollerabitur constitutio seruitutis facta adiectione temporis 4 vel conditionis *l. 4. vers. sed tamen. D. de seruit.* Quapropter si dies aut conditio fuerit adiecta per modum finis, finitur seruitus præter propriam suam naturam, aut incipit si nimirum dies vel conditio adijciatur per modum principij, ex æquitate & vi pacti. Vnde si quis velit vti seruitute, ante diem aut post cessationem diei, repellitur per exceptionem pacti, *ut patet in fine dictæ legis seruitutes.* Idem habetur quoad obligationes *l. obligatorum. D. de obligationibus* & act. obligationes quippe ex propriâ naturâ sunt perpetuæ, cum enim tempus non sit de genere actiuorum, non potest esse modus augendæ 5 & minuendæ obligationis, multo igitur minus tollendæ *ex l. si sterilis ancilla. §. cum per venditorem. D. de act. empti.* si tamen dies adijciatur causâ finiendæ obligationis, eo tempore finietur, non quidem ipso iure sed ex æquitate vi scilicet pacti. Itaque licet ipso iure taliter non constituentur, ex die tamen vel ex conditione adiectâ non vitatur seruitutis

constitutio, verum exsurgit & datur exceptio *d. vers. sed tamen*, idque postulat seruitutum fauor, in eo consistens, quod non solum prædiorum vtilitatibus *l. quoties 1. in princ. D. de seruit.* sed etiam prædiorum necessitatibus & indigentia subseruiat *l. ergo D. de seruit. rust. præd.* Eaque est ratio, quod vbiq; ferè æquitas & Prætoris benignitas iuris rigorem in seruitutibus temperet atque moderetur *d. vers. sed tamen, & in l. Papinianus. D. de seruit. l. per fundum. D. de seruit. rust. præd.* Ea quoque est ratio, quod dici vel conditionis vitium purgetur & quasi absorbeatur per pacti vel doli exceptionem *d. vers. sed tamen si hæc adijciantur*, quia nihilominus die vel conditione detractâ manet seruitus imposita, ne scilicet illâ pendente cesset fundi vtilitas, idque respectu vrbanoꝝ prædiorum, fauor ædificiorum publicus requirit *l. 2. C. de edific. priuat.* respectu verò rusticorum, idem agriculturæ fauor postulat, quæ non debet vllō tempore turbari vel impediri vt. inquit text. in *l. 1. D. de tigno iuncto.*

Verum enim uerò quamuis hæc ita se habeant modus tamen adijci seruitutibus potest. Modus

dus in servitutibus nihil est aliud quam norma
 præfinita ⁶ seu statuta vsui servitutis *d. §. mo-* 6
dum, & in l. certogeneri. §. 1. D. de servit. rust.
prad. quæ etiam alibi appellatur lex, *l. si ar-*
borem. §. hac lex. D. de servit. urb. prad. Mo-
 dus ille trifariam ⁷ adijci potest: primò quoad 7
 genus instrumenti, veluti quo genere vehiculi
 agatur *l. servitutes. §. modum. D. de servit.* Se-
 cundò quoad intervalla dierum & horarum,
 nempe quo tempore quibus intervallis vti lice-
 bit servitute; potest enim constitui servitus a-
 quæductus vt certis horis tantum aqua duca-
 tur *d. §. modum, d. l. certogeneri. §. 1. D. de ser-*
vit. rust. prad. l. si is cui. D. quemad. servit.
amittan. vbi docet Paulus amitti servitutem
 aquæductus quâ aqua nocturna tantum pote-
 rat deduci, si per decem annos non fuerit du-
 cta, licet semper interdium is cui debetur servitus,
 vsus fuerit, quia non vsus est eodem modo quo
 debuit secundum legem conventionis *l. si cõ-*
munem. §. 1. D. quemad. servit. amitt. Tertiò
 potest adijci servituti pars quædam & certa
 fundi serviientis *d. l. ad certam partem.* Vnde
 licet servitus simpliciter constituta, extendatur
 ad omnes partes ipsius fundi, non aliter quàm

anima ad omnes partes corporis *l. si quis simplici. D. de seruit. & l. certo generi. §. at si iter*, ex æquitate tamen arbiter dandus est qui viam ciuilitè determinet *locis citatis*, cum ex determinatione pars aduersa nullum sentiat damnum. Idem iudicandum cum totus seruituti itineris & actus seruit, *ut patet ex d. l. certo generi. §. si totus cum seq. in utroque casu.* Quod ergò dicitur seruitutes ipso iure non constitui sub conditione *in d. l. 4. in princ.* id ad modum non pertinet, de quo tamen iustus dubitandi scrupulus iniici poterat, cum modus sit quasi conditio *l. 1. C. de his quæ sub modo.* imò pluribus locis conditionis nomine designetur *ut in l. Titio centum. §. 1. l. Mania. D. de manumiss. test. in l. liberto. §. Lucius de ann. leg. in l. 2. §. ult. cum l. seq. D. de donat. l. libertis. D. de condit. & demonstr.* nec tam verborum formulâ distinguitur modus à conditione quam ipsius loquentis voluntate: nam qui omnino voluit iuris translationem fieri, conditionem seu legem adiungendo quam deinde obseruari cupiat, is certè intelligitur egisse de modo, non de conditione: sed qui non aliter iuris translationem fieri cupit,

pit, nisi lege insertâ & adimpletâ, is conditionem non modum præfiniuisse censendus est; conditio siquidem suspendit ac differt translationem iuris ab initio. *§. sub conditione. §. ex conditionalis institut. de verb. oblig.* at modus non suspendit aut impedit translationem iuris ab initio, sed datur facultas agendi ei cuius interest ob modum non impletum *leg. quibus diebus. §. terminus. D. de condit. & demonstr.*

Itaque servitutis constitutio ex die vel ad diem non subsistit, id est, imponi nequit ea mente seu intentione, ut post diem contractus certo die servitus initium sumat, aut certo die finem sortiatur, quia leges veteres iurisque autoritas repugnat, ea ratione quoniam servitus consistit in iure. *§. incorporales instit. de rebus incorporalibus*, tempus verò non est modus obligationis inducendæ vel tollendæ, prout latè declaravi hac conclusionem. *s. sed potest servitutis impositio taliter fieri, ut quis ea utatur ex die, ad diem vel alternis diebus*, nam hac verborum formulâ ex die vel ad diem servitus ipsa, seu ius servitutis non imponitur, verum ex die vel ad

diem coarctatur seruitutis vsus, quæ res non tempus sed modum respicit *l. 4. §. interualla. D. de seruit.* Seruitutis vsus, est quidem indiuisus, si ius ipsum spectes *l. stipulationes non diuiduntur. D. de verb. oblig.* eaque ratione fit, quod inter hæredes diuisionem non patitur; at non est indiuisus seruitutum vsus quoad utilitatem, quia vnus plurium hæredum potest ire hodie, alius cras *l. Lucio. D. de aq. quotid.* Quamobrem vsus seruitutum mensuris diuidi, temporibus per interualla dierum & horarum secerni potest: per hoc tamen seruitutes diuisionem recipere, non rectè inferas; illa siquidem non ad temporis causam, verùm ad modum seu formam iure impositæ seruitutis referenda sunt.

CONCLUSIO DECIMATERTIA.



AN seruitus quoque vsucapione acquiratur, hæsitanter controuertunt interpretes? & quidem ante Scriboniam legem moribus siue prudentum authoritate sine lege olim introductam fuisse seruitutum vsucapionem, probabilis est opinio.

SYM-

S V M M A R I A.

- | | |
|---|---|
| <p>1. <i>Varia recensentur leges, quæ
vsucapionem impediunt.</i></p> <p>2. <i>Laus pia memoria D. Iusti
Lipsij.</i></p> <p>3. <i>Leges semel constitutæ, non
facile, leuiter vel temere,
rescindenda aut immu-
tanda sunt.</i></p> <p>4. <i>Leges nequeunt omnes casus
comprehendere, nec om-</i></p> | <p><i>nibus quotidie emergen-
tibus accommodari pos-
sunt.</i></p> <p>5. <i>Prudentum interpretatio, o-
lim non habebatur pro le-
ge, nisi quando eò res de-
uenerat, ut inter pruden-
tes obtinuisset.</i></p> <p>6. <i>Quidam Aggeni Urbici lo-
cus explicatur.</i></p> |
|---|---|



Lurimas in iure nostro ciuili leges
reperire est, quæ vsucapionem im-
pediant & inhi-beant. Est lex ¹ Atti-
nia, quæ de re furtiua agitur non vsucapienda
*l. 4. §. quod autem. D. de vsucap. l. 33. in princ.
D. de furtis.* Quippe rei surreptæ statuit autho-
ritatem æternam *A. Gell. lib. 17. noct. attic.
cap. 7.* Sic vsucapionem non admittunt aliena-
ta contra legem Iuliani de fundo dotali, & le-
gem Iuliani repetundarum: de quibus proinde
etiã intelligendam legem *ubi lex. D. de vsu-
cap.* viri quidam docti rectissimè annotarunt.
Ait Pomponius: ubi lex inhi-bet vsucapionem,
bona fides possidenti nihil prodest *l. ubi au-
tem*

tem 24. in princ. de *vsucap.* Item est lex Plautia & Iulia, quâ de vi possessis agitur, non vsucapiendis *l. non solum. §. si dominus. D. eod.* Sunt & aliæ leges quæ vsucapionem inhibuerunt. Mamilia enim est de non vsucapiendis quinque pedibus finium agrorum, quod tamen ex duodecim tabulis translatitium videtur fuisse. Ex legibus enim duodecim tabularum ita ius erat, vt intra confines agros spatium quinque pedum relinqueretur, idque ab omni vsucapione liberum & immune. Verba legis Duodecim tabularum retulit in fragmentis

- 2 Lipsius, clarissimæ famæ, summusque 2 sua ætate vir: *in finibus intra quinque pedes vsucapio ne esto*: quemadmodum etiam ex auctoritate Cicer. *lib. 1. de ll.* Hotom. *in ll. Roman. litt. M.* & Cuiacius 5. *obser. 21.* tradiderunt. Scribonia item lex fuit, de non vsucapienda seruitute. Ex quo manifestè liquet, seruitutes vsucapi potuisse, id quod etiam conuincitur alijs legibus *arg. l. 4. §. fin. D. de vsucap.* Non lege, sed ciuili prudentum interpretatione, seruitutum vsucapio introducta fuit. Ad cuius intelligentiam notandum, quod quemadmodum antequam leges constituentur, maturâ

DE CONTROV. SERVIT. MATERIA: 193
turâ deliberatione & omnimodâ inuestigatione opus est, ita semel constitutas 3 leges immutare non expedit, & id est quod Augustus in Senatu præcipiebat *teste Dione lib. 53*. Quare melius est leges interpretari, quàm subinde mutare, quàm leges legibus superaddere, ne mutuo se conflictu collidant, & quodammodo evertant. Vnde leges requirunt interpretationem, interpretatio desiderat prudentum auctoritatem: quoniam nec omnes casus possunt legibus 4 comprehendi, nec omnibus etiam qui quotidie emergere possunt, & ijs qui iam emerferint, eadem leges constitui posse videntur. Nec possunt etiam adeò clavis & perspicuis verbis leges concipi, quin ea plerumque elucidationem requirant: quamobrem necessaria fuit interpretatio prudentum. Non fuit quidem prudentum interpretatio 5 olim pro lege, quoniam oriebatur ex responsis ius incertum, quando alij ab alijs dissentiebant, quod proinde Cicero vocat ius controuersum in oratione pro Muranâ, & ius varium in oratione in Verrem 7. quando tamen disputando & interpretando eò res deuenerat, ut inter prudentes constaret, tum certè interpretatio

prudentum legis vicem obtinebat. Quo spectant frequentissimæ in legibus nostris illæ formulæ: hoc inter prudentes constat, hoc præualuit, hoc obtinuit, hoc receptum est. Et hoc modo, ciuili prudentum interpretatione & approbatione, seruitutum vsucapio introducta, more recepta fuit. Scribit enim Aggenus Urbicus *in lib. de limit. agror.* biennio iter quod in vsu erat, vsucapi potuisse: iter, inquit, non quâ ad culturas peruenitur, capitur vsu, sed id quod in vsu biennio fuit. Illa igitur
 6 quinque pedum latitudo ⁶ in agrorum finibus ex lege Mamiliâ constituta, quæ communi illi & quasi publico itineri ad culturas accedenti subseruiebat, reliquarum rerum publicarum exemplo vsucapionem non admittebat: sed iter, quo quis priuato quodam & proprio seruitutis iure vsus erat duorum annorum spatio, illud rectè capiebatur vsu. Idem confirmat Paulus 1. *sentent. tit. de seruit.* Vt ita, seruitutes ante latam Scriboniam legem biennio vsucaptas fuisse, non sit dubium.

CON-

CONCLUSIO DECIMA QVARTA.



N verò ante Scriboniam legem, nō tantum in vsu fuisse seruitutum vsucapionem moribus constitutam: sed etiam ipso iure vsucapi potuisse, & iterum non potuisse ipso iure vsucapi seruitutes, eleganter defendi potest.

S V M M A R I A.

- | | |
|---|--|
| <p>1 Ius Papirianū fuit antiquissimum.</p> <p>2 Postmodum subsecuta sunt 12. tab.</p> <p>3 Ratio obscuritatis 12. tab.</p> <p>4 Ex duodecim tabulis actiones certas solemnesq; earum formulas præscripserunt olim Iurisperiti.</p> <p>5 Qui etiam leges decemvires interpretandi auctoritate fulgebant.</p> | <p>6 Vnde Iuris auctores appellantur.</p> <p>7 Fori disputationes olim à Iurisperitis visitatæ.</p> <p>8 Quod huiusmodi fori disputatione à prudentibus erat receptum, dicebatur ius civile.</p> <p>9 Exponitur breuiter utrumq; conclusionis membrum.</p> |
|---|--|



Aradoxon videbitur plerisque quod iam scribam, attamen in iure fundamentum habet. Quod vt planissime enucleetur, quædam ex ipsâ antiquitate repetenda sunt. Cum aliquamdiu si-

- ne certis legibus, sine iure certo vixisset populus Romanus, omniaque manu suâ, teste Pomponio, gubernasset Romulus, auctâ ad aliquem modum ciuitate, absolutam perfectamq; Reipublicæ formam meditans Romulus, leges necessarias esse duxit: Sciebat enim multitudinem coalescere in populi vnius corpus, quemadmodum scribit Liuius, nullâ re magis quam legibus posse. Itaque leges ad populum tulit Romulus curiatis. Cuius vestigijs insistentes tulerunt & sequentes Reges. Has leges sine ordine latas in vnum composuit Sextus Papirius, ediditque librum quem ius ciuile Papirianum ¹ appellatum fuisse author est Pomponius *l. 2. in princ. de orig. Iur.* Scribit Iulius Paulus *l. 144. de verb. signif.* Granius Flaccus de iure Papiriano librum scripsisse singularem, quâ ratione eum Arnobius, Festus, Nonius frequenter laudant: in eo libro, Romuli, Numæ Pompilij, aliorumque Regum leges exponebantur. De ijs iuris Papiriani reliquijs antiquissimis extant adhuc quædam in pandectis nostris. Ius Papirianum subsecutæ sunt ² duodecim tabulæ. Exactis enim lege Tribunitiâ Regibus, *de quâ leg. multa Halycarnassens lib. 2. in vsu esse*
- ius

ius Papirianum desijt, & omnibus Regijs legibus exfoletis (siue quædam ex his, quas putauit publicè vtilis vt Halycarnasseus indicare videtur *d. lib. 2. antiquitatum*, à Bruto Consule postea repositæ fuerint, nec ne, alieni instituti est) eò res Romana tandem progressa est, vt legibus ex Græcia petitis, duodecim ederentur proponerenturque legum tabulæ. His legibus latis, fori disputatione opus fuit. Erat enim harum duodecim tabularum mira obscuritas vt apud Gellium queritur Phauorinus *lib. 20. cap. 1.* idq; ob inscitiam non assequentium, quam attulit prisca ³ verborum vetustas vt ait Cicero *lib. 1. de Oratore*, aut longa ætas quæ obliterauit verba & mores veteres, quibus sententia veterum comprehensa est, vt ait Cæcilius *d. cap. 1.* Vnde interpretatio earum legum, prudentum requirebat authoritatem, & quod eorum authoritate erat introductum, id omne communi nomine appellari ius ciuile, testatur Pomponius ac illud ius ciuile ita diuisum fuit, vt partim ex legis constaret actionibus; partim ex interpretatione legum Decemuiralium; partim denique ex nouo iure loco appendicis duodecim tabulis adiuncto.

4 Ex legibus duodecim tabularum actiones
compositas esse, quibus inter se homines & dis-
ceptarent, easque certas & solemnes à prudenti-
bus præscriptas & legis actiones appellatas fuisse
Pomponius author est *l. 2. §. 2. de orig. Jur.* Id
enim omne quod lege duodecim tabularum
comprehendebatur, prudentes iuris certis qui-
busdam formulis, ac ritu solenni in usum foren-
sem induxerunt. Est in duodecim tabulis, ma-
nus consertionis expressa mentio: formulam
& ritum consertionis excogitarunt prudentes
iuris, quemadmodum pro Muræna docuit Ci-
cero. Lex Duodecim tabularum mancipatio-
nis meminit: formulam ritumque mancipatio-
nis Iurisconsulti præscripserunt. Denique, ea-
rum omnium, quibus ius suum veteres perse-
quebantur, actionum directarum formulas à
prudentibus excogitatas, & legis actiones ap-
pellatas fuisse, nemo est qui nesciat nisi in rebus
antiquis planè ignarus ac hospes: id enim docet
expressè Pomponius his verbis: *deinde ex his
legibus eodem tempore actiones compositæ
sunt, quibus inter se homines disceptarent.*
Sic in decernendâ dotis actione, eius formulæ
hæc addebantur verba solennia Iurisconsulto-
rum

rum ingenijs excogitata; quantum æquius melius sit dari, vt author est Cicero *pro Q. Roscio Comado*. Sunt & plures aliæ solennes actuum legitimorum formulæ olim Iurisconsultorum veterum autoritate in vsum Romani fori introductæ. Ac, non ijs solum temporibus formulas siue legis actiones componebant prudentes, quibus in penetralibus Pontificum ius ciuile reconditum erat: sed tunc etiam cum iam à Prætoribus ius priuatis diceretur; de Cæsello enim, aut si mauis Cæscellio, Iuriscōsulto scribens Valerius Max. *lib. 6.* expresse tradit, legis actiones etiam temporibus triumuirorum conscribi, certisq; concipi formulis à Iurisconsultis consueuisse.

Formulas igitur componebant prudentes, quibus lege posset agi; sed & ab ijs sumebatur legum Decemuiralium interpretatio. Sic legem hanc decemuiralem, vti quisq; legasset, ita ius esto, interpretantes Iurisconsulti, rationem & solennem ritum condendorum testamtorum præscripserunt, ita nimirum, vt milites in procinctu certâ quadam solemnique formulâ supremam commilitonibus sine librâ atque tabulis voluntatem declararent, teste *Cicerone*
de

de Orat. lib. 1. & pagani pro collegio Pontificum supremum etiam elogium suum calatis comitijs in concione populi pronuntiarent. Abolitis tandem duobus illis antiquissimis testamentorum generibus, nouam quandam excogitarunt Iurisconsulti condendi testamenti rationem per æs & libram, eamque ad verum nexum & ad imaginariam mancipationem referebant. Sic inofficiosa querela, non quidem aut glia aut aliâ quadam simili lege, vt putat Clarissimus interpres Iacobus Cuiacius *lib. 14. obser. cap. 14.* neque vsu assiduo vt alij aiunt, inter quos Viglius *ad rubr. tit. D. de inoff. testam.* sed solâ prudentum leges decemuirales interpretantium auctoritate inducta & vsu recepta, vt præclarè notat Connanus *lib. comm. 9. c. 8.* Eâdem iuris parte, quarta quâ querela debitæ ab intestato portionis excludi solet, introducta fuit, vt rectè existimauit Ant. Contius. Fures quidem lege Duodecim Tabularum aut Prætoris edicto; qui verò opem tulerant consiliumue dederant, non aliqua lege aut edicto, sed solâ prudentum interpretatione, furti teneri solent: aduersus huiusmodi enim homines, vetus est à Iurisconsultis actio prodita, quæ hac

formu-

formula comprehendendi solet; ope consilio tuo
furtum esse factum aio: vt auctor est Cicero
de naturâ Deorum lib. 3.

Præter supradicta, summâ prudentes etiam
pollebant authoritate in ijs quæ deesse duo-
decim tabulis videbantur nouo iure supplen-
dis. Nam Iurisconsulti, populo principali au-
thoritate de iure respondebant, quâ ratione
Auctores Iuris ⁶ vocabantur, si quidem po- 6
pulo de iure incerto responsis suis certi ali-
cuius iuris auctores fiebant, indeque auctores
simpliciter, vel etiam iuris auctores appella-
tos esse Iurisconsultos, veritati consentaneum
arbitror. Nec id adeò mirum, præsertim cum
teste Iustiniano, tanta olim fuerit Iuriscon-
sultorum authoritas, vt iudicibus eos consu-
lentibus à responsis eorum recedere non lice-
ret ne latum quidem vt aiunt vnguem. *§. re-*
sponsa instit. de iure natur. gent. & civili,
ijs nimirum temporibus, quibus huiusmodi
responsa Principis authoritas muniebat. Illud
etiam obseruari solitum, vt quoties grauis
aliqua & perplexa iuris moueretur contro-
uersia, fori quædam institueretur disputa-
tio, Iurisperitis simul in vnum locum ⁷ conuo- 7
D d catis.

catis. Cuiusmodi disputationis meminit expressè Pomponius; ait enim legibus latis decemviralibus necessariam fuisse fori disputationem *d.l. 2. §. 2. de orig. Iur.* Quo respexisse videtur Cicero pro Flacco: retulit, inquit, ad Iurisconsultos, & constabat inter omnes. Et hoc Cicero vocat ius approbatum *lib. 1. de inuent.* Quo sensu Paulus fecit libros receptarum sententiarum, id est, iuris approbati. Nec quidem ius sine scripto ex solâ prudentum authoritate constans appellari dumtaxat ius receptum solet. Illud enim & recepta sententia & regula iuris etiam appellari solebat. Alias huiusmodi fori disputatione, ius quoddam communi prudentum definitione compositum, communi nomine dicebatur ius ciuile, ⁸ habito videlicet illius iuris respectu, quod duodecim tabulis comprehendebatur. Sic enim scribit in Topicis Cicero; si quis ius ciuile esse dicat, quod in legibus, Senatusconsultis, rebus iudicatis, Iurisperitorum authoritate, edictis Magistratuum, more, æquitate consistat. Quo sensu etiam Iurisconsulti, Iuris appellantur conditores, habitâ nimirum fori disputationis manifestâ ratione.

Et

Et hæc quidem cum ita se habeant, nunc prorsus intelligi potest vtrumque conclusionis huius membrum. Nam si per ipsum ius, Iuris ciuilis, quod ex communi Iuris peritorum, de- 9
finitione veniebat, authoritatem intellexeris, planum est ipso iure vsucapi seruitutes potuisse: verum si ad leges Decemviraies, ipsum ius retuleris, ipso iure vsucapi seruitutes non potuerunt, ipsum siquidem ius sic Iurisconsulti interpretationibus illustrarunt, vt illud interdum ad leges Decemviraies omninò retulerint. Quà ratione ius illud Duodecim tabularum, ius simpliciter, & per antonomasiam dixerunt Iurisconsulti *l. 1. D. quib. mod. vsusfr. amitt.* Inde frequens illa locutio in iure nostro ipso iure, quâ ius illud omnium antiquissimum significatur, à Prætorio & alio quocunque prorsus seiunctum & separatum. *§. non autem instit. de perpet. & tempor. act.* hoc est, lex illa mera, vt scriptis erat comprehensa, ab omni interpretatione (quam post eam Iurisconsulti & Prætores ex bono & æquo induxerunt) segregata, quam strictum ius Iulius Paulus quandoque nuncupavit *l. si quis duobus. D. de constit. pecun.* Quo sensu Vlpianus cessare partes Prætoris

voluit, vbi nos satis ipsum ius munivisset *l. in cause* 1. §. 1. *D. de minorib.* Itaque ipso iure servitutes usufructu potuerunt: ipso iure, non per se, non primario aut directo, sed interpretationis vi & effectu; isto nimirum iure, quod ab interpretatione prudentum ac disputatione fori promanavit. Prudentes siquidem successu temporis in tantâ erant æstimatione, tantâque consecuti erant potestatem, ut eorum auctoritate, formulæ fictiones, actus legitimi introducerentur, imò iudicia ferè regerentur, cum ut ante dictum, iudici facultas non fuerit, ab eorum qui essent electi interpretatione resilire, sed eandem sequi necessario teneretur. §. 3. *instit. de iur. natur. gent. & civil.* & econtra, ipso iure usufructu non potuerunt, intelligendo nimirum de eo iure, quo designari solent Duodecim Tabulæ.

CONCLUSIO DECIMAQVINTA.



Atâ deinde Lege Scriboniâ civilis hæc servitutum usufructu panitus exolevit: & quæ antea civili iure duorum annorum spatio acquirebantur servitutes,

DE CONTROV. SERVIT. MATERIA: 205
tes, statim post Scriboniam legem ex edicto
Prætoris acquiri longo tempore cœperunt.

S V M M A R I A.

- | | |
|--|---|
| 1 <i>Libertas servitutum præscribitur, non tamen omnium æquali modo: est enim discrimen inter rust. & urb. præd. servitutes.</i> | 2 <i>Personalibus actionibus præscribitur indistincte etiam secundum ius Canonicum.</i> |
| 3 <i>Ut urbanarum servitutum libertas præscribat, bona fide opus est.</i> | 4 <i>Non tamen requiritur scientia aduersarij.</i> |
-



Væ lex Scribonia, de servitutum conditione, circa earum vsucapionem statuerit, in ciuili nimirum earum vsucapione pænitus abolendâ, alijam ante me prodiderunt. Iacobus Ræuardus ex professo tractauit in opusculo de lege Scriboniâ. Ego verò ea non dico, quid enim attinet illa bis dici. Hoc vnum addo, latâ lege Scriboniâ hoc constitutum, vt tantum libertas possit vsucapi *l. 4. §. fin. D. de vsucap.* Animaduertendum est in præscriptione servitutum, de duobus potissimum quæri: nam vel agitur de imponendâ seruitute, vel de eâ perimendâ &

- aduersus seruitutem acquirendâ libertate *l. sequitur. S. libertas. D. de vsucap.* Perimebâtur quidem seruitutes olim non vtendo per biennium, hodie verò spatio decem vel viginti annorum *l. penult. C. de seruit. & aqua.* Et libertatem seruitutum præscribi extra dubium est *l. hac autem iura. D. de seruit. vrb. præd.* hac tamen inter rusticorum & urbanorum prædiorum seruitutes differentiâ, quod rusticæ¹ simplici non vsu amittantur, sic vt sola cessatio & non vsus eius cui seruitus debetur sufficiat *d. l. hac autem iura*, licet alter nihil faciat, ideoque nec præscribentis bonâ fide opus est. Quâ ratione receptum, personalibus actionibus præscribi posse² triginta annorum spatio, absque distinctione bonæ vel malæ fidei, etiam iure canonico: cum earum præscriptio neque veram possessionem neque præscribentis factum desideret, sed negligentia non petentis sufficiat *Barth. in. S. si viam. D. de vsucap. & Paponorm. in cap. fin. de præscript. & ibidem Innocent. Hostiens. Mansuerus num. ult. Papon lib. 12. tit. 3. Arresto. 22.* qui hoc modo iudicatum esse refert.

Neque rectè repugnare dixeris, quod iure
cano-

DE CONTROV. SERVIT. MATERIA: 307
canonico constitutum est, malæ fidei posses-
sorem nunquam præscribere; nam ille similes-
que textus loquuntur de actionibus realibus, in
quibus possessio requiritur, non autem de cæ-
teris quæ amittuntur solâ negligentia & sim-
plici non usu. Actionum siquidem persona-
lium nulla possessio nisi improprijssima est, ut
notavit Accurs. & Castrensi. in l. regulariter 9.
D. de petit. heredit.

Hæc omnia quamvis in servitutibus rusti-
cis ita observentur, aliter tamen obtinet in vr-
banis: urbanæ siquidem servitutes vsucapio-
nem considerant, nec simplici non usu amitti
queunt nisi simul vsucapiatur libertas, quo-
niam non sufficit eius contra quem præscribi-
tur negligentia & non usus, cum diligentia &
facto præscribentis opus sit *d. l. hæc. autem. & l.*
et si fortè. D. si servit. vind. Vnde interpretes
inferunt quod ad huiusmodi libertatis præscri-
ptionem bona fides 3 requiratur, nam quan-
doquidem usus & factum vsucipientis neces-
sarium sit, debet certè uti bona fide & existima-
re se suo iure uti *l. 1. C. de servit. & aqu. l. si ades*
mea. D. de servit. urb. præd. l. fin. quemad. ser-
vit. amitt. Hinc Seius qui debet servitutem Ti-
tio

tio ne luminibus officeret, longo tempore ædificatum habuit & offecit luminibus Titij, præscripsit, modo non vi, nec clam, nec precario possidebat vt rectè à Iurisconsulto responsum est *l. 5. §. sed & seruitus. D. quod vi & clam, l. Pompon. §. 1. D. de acq. poss.* Planè hoc casu
 4 scientia aduersarij 4 non omninò requiritur, nam in præscriptione quæ concernit seruitutis extinctionem sufficit quem absque vi & clandestino vitio vsum esse libertate, licet aliter in acquirendâ seruitute obtineat *l. 2. Cod. de seruit. & aqu.*

CONCLUSIO DECIMASEXTA.

Hoc deinde Imperator Antoninus rescripto quodam expresso confirmauit his verbis: *Is qui Iudex erit, longi temporis consuetudinem vicem seruitutis obtinere sciet.*

S V M M A R I A.

- 1 Explicata *l. si aliena. §. hoc iure. D. de usucap. & ibidè* quadam animaduersa.
- 2 Notatur Tribonianus ratione dictæ legis, in multis

quoque alijs eiusdem manus dignoscitur.

- 3 Modestinus fuit Vlpiani discipulus.
- 4 Vt in quibusdam iussè, ita etiam

etiam in plarisque iniuste reprehenditur Tribonianus.

5 Obligationes vel actiones ab heredibus & contra heredes incipere non poterant.

6 Fideicommissa, non tam obligatione, quam pudore eorum qui rogati erant, continebantur.

7 Sed postquam fauor fideicommissorum auctus fuit, etiam necessario ea praestari debuerunt.

8 Legata & fideicommissa, à Iustiniāno nostro sic confusa sunt inuicem, ut nulum inter ea discrimen remanserit.

9 Et proinde fideicommissa iuris necessitati subiacent.



Ic enim Calphurniæ rescriptit Imperator Antoninus l. i. C. de seruit. & aqu. Obstat videtur Vlpianus in l. si aliena. §. hoc iure. D. de vsucap. dum

inquit, hoc iure utimur, ut seruitutes per se nunquam longo tempore capi possint, sed cum ædificijs possint. Sed recte animaduertit Cuiacius ad d. §. hoc iure, verba illa capi possint ad vsucapionem esse referenda: scripserat siquidem Vlpianus, seruitutes per se nunquam vsucapi posse, quod Tribonianus ita immutauit longo tempore capi posse, secutus transformationem vsucapionis à Iustiniāno factam in l. vnic. D. de vsucap. transfor. Quā in re meritò à plarisque notatur Tribonianus, cum semper & olim

E c &

& etiam nunc, seruitutes longi temporis consuetudine acquiri potuerint.

Sanè plurimis in locis quod scriptum reperitur, id viri quidam doctissimi Triboniano ac compositoribus acceptum referunt. Quorum opinio non tam aliena videtur, maximè quod ad quædam attinet, in quibus manus Triboniani, non vsque adeò difficulter ex forma contextus atque orationis colligi potest.

Sic in definitione vsucapionis, manum Triboniani dignoscere licet. Definitio siquidem est Modestini *in l. 3. D. de vsucap.* quem Vlpiani discipulum fuisse 3 probabile est *ob l. si quis § 2. §. 20. D. de furt.* Proindèque facile Cuiacio *in d. l. 3.* assentior, contendenti vt Vlpianus *in fragmentis.*, sic Modestinum scripsisse, *anni & biennij: Tribonianum, temporis lege definiti.* Verisimile quippe est Modestinum id tempus quod in lege duodecim tabularum comprehensum erat, definitioni inseruisse, vt vsucapionis & longâ possessione capionis differentiam cò melius patefaceret *Rauard. in Tribon.* Et aliàs, iisdem rerum definitionibus vti, inter Iurisconsultos familiare fuisse, notat Cuiac. *ad Vlp. tit. 19.*

Sed

Sed ut in his iuste, ita in quibusdam iniuste
 4 culpatur Tribonianus. Ut sibi hæredique suo
 stipulatione quis acquirat, & pacta omnia quæ
 semel in contrahente radices fixerunt, actiue &
 passiuè transeant & transmittantur ad hæredes,
 quamuis de illis nulla in pactis vel stipulationi-
 bus facta esset mentio, admisit antiquitas *l. si*
pactum. D. de probat. sed non permisit ut ab
 hærede originem caperet actio, quæ defuncto
 non competierat: adeoque in contrarium re-
 gula obtinebat, quæ non patiebatur ut obliga-
 tiones vel actiones 5 ab hæredibus eorum qui
 stipularentur quibusue relinqueretur, vel con-
 tra hæredes eorum qui promitterent aut à qui-
 bus quid legaretur, primum inciperent; eaque
 ratione post mortem hæredis vel legatarij lega-
 tum relictum non subsistebat *Paul. lib. sen-*
tent. 3. de legat.

Circa stipulationem quippe idem iuris fuisse,
 quod circa legata, nemo est qui nesciat, ut
 nimirum post mortem stipulatoris vel promif-
 soris concepta stipulatio esset inutilis, minimè-
 que subsisteret; maior siquidem hic milita-
 bat prohibitionis ratio, quàm in legato,
 quoniam mortuo dari aut fieri quid nequeat,

Ecce 2 quem-

quemadmodum etiam mortuus dandi aut faciendi facultatem non habet *Cains lib. 1. institut. suarum.*

Porro regula iuris veteris obtinebat dumtaxat in stipulationibus & legatis, non etiam in fideicommissis, quæ subsistebant, etiam si post mortem hæredis vel legatarij concepta essent *§. post mortem instit. de legat.* Idque eâ ratione, quoniam fideicommissa latius sumebantur, & non tam obligatione⁶ quam pudore eorum qui rogati erant, continebantur. Quo modo eleganter dixit Vlpianus *in l. 5. D. de leg. 3.* Si quis non ab hærede vel legatario, sed ab hæredis vel legatarij hærede fideicommissum relinquit, hoc valere benignum esse. Ob quam responsionem, grauem quidam culpam impingunt Triboniano, quod componendo pandectas ex Principis sui mandato, eas iuri nouo & tunc recepto, non satis conformauerit, relictis veteris differentia reliquijs, in eo quod dixit, fideicommissum, non etiam legatum ab hæredis vel legatarij hærede relictum, valere ex benignitate; quasi regula iuris veteris, quæ exoleta erat, adhuc locum haberet in legatis, & fideicommissa non nisi ex benignitate sustinerentur, cum

cum etiam stricto iuris rigore adinstar legatorum subsistere possent. Ita reprehenditur Tribonianus, sed erroneè. Nam cum Vlpianus respondit, fideicommissum tale valere benignum esse, non respexit ad antiquiora tempora, quibus fideicommissa infirma erant, & nullâ iuris obligatione, sed tantum pudore eorum qui rogati erant, continebantur, sed ad posteriora, quibus aucto 7 favore fideicommissorum, etiam necessitas præstandi ea inducta fuit. §. 1. *institut. de fideicommiss. hered.*

Olim quidem summus fideicommissorum erat fauor, pinguior natura quàm legatorum, & longè benignior interpretatio, verum illa nullo iuris vinculo, at solâ hæredis fide nitebantur. Quæ demum ab Imperatore sic confusa sunt inuicem, ut nulla 8 hodie inter legata ac fideicommissa differentia occurrat, nisi quæ in nominis sono ac formulâ scribendi consistat. Unde licet nulla iuris necessitate, sed solo fidei pudore olim præstarentur fideicommissa, hodie tamen ad iuris 9 necessitatem reducta sunt. Idq;

tate Iustiniani consummata fuit, ad quam respexit Vlpianus, dum ait fideicommissum valere benignum esse, id est, vt fideicommissum subsistat, æquitatis ratio postulat.


Pari ratione immeritò quoad multa reprehenditur Tribonianus, quasi veteres differentias reliquerit, & per obliuionem sublatarum regularum vetera discrimina retinuerit; verum si Iurisconsultorum responsa penitiùs inspiciamus, reperiemus ibidem non agi, neque ea fundari in veteribus formularum differentijs: sed in diuersis facti speciebus, quæ proinde ob diuersas circumstantias, diuersa quoque iura desiderant. Sed, vt vnde digressi sumus, reuertamur.

ILLAT. { *Ex præmissis infero, seruitutes
rusticorum prædiorum vsucapi
non posse.*

Intellige nimirum per se: nam quin eum prædijs, cum ædificijs vsucapi possint, dubium planè nullum est. Sicuti enim fundus, cum suâ causâ, conditione, qualitate & onere publicatur *l. via. §. si fundus. D. de seruit. rust. præd.* ita etiam cum suâ conditione & qualitate vsucapi-
tur.


DE CONTROV. SERVIT. MATERIA. 215
tur. Id videlicet est, iuxta illud vulgare: quædam
in consequentiam permitti, quæ directò seu
primariò non permittuntur *l. 1. D. de author.
tutor.*

CONCLUSIO DECIMASEPTIMA.

 Vid de servitutibus urbanorum præ-
diorum? hæ quidem vsucapi pote-
rant, sed lex Scribonia, vt ante dixi-
mus, earum vsucapionem sustulit: quâ
lege in servitutibus rust. prædiorum opus non
fuisse animaduertit Iacob. Cuiacius. Vtrum re-
ctè, iudica.

S V M M A R I A.

- | | | | |
|--|------------------------------|--|---|
| 1 Ante legem Scriboniam,
vtrum servitutes vsuca-
pi potuerint, non urba-
na solum, verum etiam
rustica, disceptatur. | 2 | 3 | 4 |
| 2 Fundi vsucapio legitima:
servitutem vero, non le-
gitima, sed civilis, cur ap-
pellesur? | 3 Cuiacij opinio approbatur. | 4 L. Scribonia, urbanarum
dumtaxat servitutem vsu-
capionem sublatam, ple-
nè demonstratur. | |

 N lex Scribonia in servitutibus rusti-
corum prædiorum necessaria fuerit,
quæritur, neque adeo expeditum est?
Controuersum id fecit Ræuardus.
Ante eum enim controuersum non fuit inter-
inter-

- interpretes, quod equidem comperi. Ante legem Scriboniam ¹ seruitutes vsucapi potuerunt *arg. l. 4. §. fin. D. de vsucap.* non vrbanae modò, sed & rusticae, vt Ræuardus ad legem Scriboniam existimat. Fundus, inquit, Cicero *pro Caccinnâ*, à patre relinqui potest; at vsucapio fundi, hoc est, finis sollicitudinis & periculi litiû, non à patre relinquitur, sed à legibus: aqueductus, haustus, iter, à patre; sed rata auctoritas harum rerum omnium à iure ciuili sumitur.
- 2 Fundi autem vsucapionem ² legitimam; ratam verò auctoritatem seruitutum non legitimam,
- 3 sed ciuilem ³ appellat Cicero; quoniam non lege Duodecim Tabularum (vtpote nominatim de rebus corporalibus scriptâ) sed ciuili iure, isto nimirum, quod ab interpretatione prudentum ac disputatione fori profluxit, seruitutum vsucapio introducta, more recepta fuit. Scribit enim Aggenus Urbicus *in lib. de limit. agror.* biennio iter, quod in vsu erat, vsucapi potuisse. Idque confirmat Paulus *1. sent. tit. de seruit.*

Cuiacius contrarium sensit. Ante legem Scriboniam seruitutes vsucapi potuerunt, sed vrbanae modò, non etiam rusticae, vt Cuiacius exi
stimat

stimat *ad l. 4. §. fin. D. d. tit. de vsucap.* Ræu-
uardi quidem sententia probabilitatem ma-
gnam habet, aduersus quam tamen est consen-
sus veterum interpretum omnium. Cuiacij opi-
nionem sequor, eamque veriore arbitror,
ex fundamentis per eum adductis. Seruitutes
enim vrbanoꝝ prædiorum possideri intelli-
guntur, vt ait Iulianus hisce verbis: Natura ser-
uitutum (inquit) ea est, vt possideri non pos-
sint: sed intelligatur possessionem earum habe-
re, qui ædes possidet *l. si ædes. §. libertas. D. de
seruit. vrb. prad.* Quod etiam confirmat Vl-
pianus *in l. & si fortè. §. sciendum. D. si seruit.
vind.* dum ait, sciendum est in his seruitutibus,
eundem esse possessorem iuris & petitem. Et si
fortè non habeam altius ædificatum in meo,
aduersarius possessor est.

Continua est etiam seruitutum vrbanoꝝ
possessio, vt ex Pauli responso *in l. seruit. quæ in
superficie. D. de seruit. vrb. prad.* colligitur.
Quapropter cum vrbanoꝝ prædiorum ser-
uitutes possideantur, earumq; certa sit & conti-
nua possessio, vsucapi possunt. Sed vsucapio-
nem eam lex fustulit, quæ seruitutē constitue-
bat ⁴ in prædijs vrbanoꝝ. Nam licet olim vrbanoꝝ

F f norum

norum prædiorum seruitutes vsucapi possent (vt ante dictum est) non etiam rusticorum , propter possessionem continuam quæ in vrb-
 anis esse videtur , & in rusticis desideratur *d. l. seruitutes quæ in superficie. D. de seruit. vrb. præd.* lex tamen Scribonia , etiam vrb-
 anarum seruitutum vsucapionem sustulit.

Quod euidenter demonstrat Paulus, in *l. 4. §. ult. D. de vsucap.* dum inquit , libertatem seruitutum vsucapi posse verius est. Quia eam vsucapionem sustulit lex Scribonia , quæ seruitutem constituebat, non etiam eam quæ libertatem præstat sublatâ seruitute. Qui locus seruitutibus tantum vrb-
 anis accommodari potest , cum de vsucapione libertatis ibidem agatur, quæ in vrb-
 anis duntaxat seruitutibus locum sibi vindicat. Vnde per regulam inferri potest.

ILLAT. { *Nec rusticorum , nec vrbano-
 rum prædiorum seruitutes vsu-
 capi posse.*

Rusticorum vsucapioni iuris ratio refragatur, vrb-
 anorum lex Scribonia quæ postmodum secuta est. Quod eleganter Paulus significat in *l. seruitutes 14. D. de seruit.* qui cum ostendisset ,

set, rationem non pati, vt in rusticorum prædiorum seruitutibus locum obtineret vsucapio, adiicit in fine, & in seruitutibus vrbano-
rum prædiorum idem obseruari: quod licet ex lege Scriboniâ inductum sit, in eadem ratione vel simili quæ est in rusticis seruitutibus, fundari videtur, vt scilicet ex eadem causâ omnibus præscriptionibus rerum incorporalium idem sit ordo inutilibus ambagibus & differentijs sublati, nam vtriusque generis seruitutes sunt incorporales, & continuatio possessionis in vrbanis seruitutibus considerata, nimis subtilis videtur.

Seruitutes itaque prædiorum, siue vrbano-
rum, siue rusticorum, vsucapi non posse, notius est quam vt longiore aliqua probatione indigeat, idque luce meridianâ clarius demonstrat *d. l. seruitutes 14. D. de seruit.* Rationem si quis fortè requirat, statim illa notissima omnibusque communis occurret, in promptuque erit, quod seruitutum omnium ea sit natura, qualitas & conditio, vt possessionem non admittant, cum sint incorporales *l. si ades mea 32. §. 1. D. de seruit. vrb. præd.* certum enim est, sine possessione nullam esse vsucapionem *l. sine possessione 25. D. de vsucap.*

Quod si quis ad seruitutes rusticas descendat, earumque conditionem propius & penitus inuestiget, aliam specialiore rationem inueniet, quæ impediatur vsucapionem, nimirum quod tales illæ sint, vt non habeant certam & continuam possessionem. Nemo siquidem tam perpetuò & tam continenter ire agere potest, vt nullo momento eius possessio interpellari videatur *d.l. seruitutes*, atqui ad vsucapionem non tantum necessaria est possessio, sed illud insuper requiritur, vt possessio sit continua. Igitur lex Scribonia, seruitutum urbanarum duntaxat vsucapionem sustulit. Quo modo debet intelligi, quod dicit Vlpianus *in l. si aliena §. hoc iure. D. de vsucap.* hoc iure utimur, vt seruitutes per se nunquam longo tempore capi possint. Hoc iure, videlicet post legem Scriboniam moribus comprobata.

Itaque lex Scribonia impedimento est, quò minus hodie vsucapi possint seruitutes urbanæ, eæque solæ, cum ipso iure nunquam potuerint vsucapi seruitutes rusticorum prædiorum, vt notat Cuiacius *in comment. ad d. l. 4. §. ult. D. de vsucap.*

CON-

CONCLUSIO DECIMA OCTAVA.



Vamuis autem seruitutes vsucapi non possint, diuturno tamen vsu & longa quasi possessione acquiri possunt.

S V M M A R I A.

1 Recensentur quadam differentia inter vsucapionem & longi temporis praescriptionem.

2 Contrariorum eadem est doctrina, quomodo intelligendum sit, traditur.



Prohibitam vsucapionem seruitutum, iam abunde docuimus & probauimus. Verum ea prohibitio procedit duntaxat mero iure, ex communi interpretum sententiâ, qui earum vsucapionem ex benignâ & æquabili prudentum interpretatione admitti aiunt *l. si alieni. §. 1. D. de vsucap. l. si quis diuturno. D. si seruit. vindic. l. fin. C. de praescriptione long. temp. l. 3. & penult. C. de seruitut. & aqu. etiam si vsus earum non sit continuus & perpetuus d. l. 2. C. de seruit. & aqu. Et ita sentiunt Longoual. in l. imperium. D. de iurisdictione omnium iudic.*

Ff 3 Cora-

Corasius & Duaren. in anniuersar. disput. lib. 1. cap. 34. A quâ sententiâ recedit Cuiacius in d. §. libertatem, qui id non admittendum existimat, quoniam lex ait seruitutes diuturno vsu & longâ possessione acquiri d. l. si quis diuturno. d. l. foramen. D. de seruit. urb. præd. Aliud est igitur, inquit Cuiacius, per quod seruitutes inducuntur, quam vsucapio. Neque rectè sequitur, seruitus diuturno vsu acquiritur, ergo
 I vsucapitur: nam hæc diuersa sunt; inquit Cuiacius, vsucapi & longo tempore vel vsu acquiri. Ex longi temporis acquisitione, in rem actio utilis dabatur, non etiam ut ex vsucapione, directa. Præterea longi temporis acquisitioni, locus erat in solo prouinciali, id est, rerum nec mancipi, prædiorum vectigalium, stipendiariorum vel tributatorum l. unic. C. de vsucap. transform. Vlpianus in fragment. tit. 19. vers. 7. Et ibidem Cuiacius l. cum sponsus §. in vectigalibus de publician. in rem act. cum vsucapio in ijs non esset in princip. instit. de vsucap.

Insuper diuersis alijs modis vsucapio differt à longi temporis acquisitione. Præcipua verò differentia, quod vsucapio erat rerum corporali-
 lium,

lium, non etiam incorporalium: mobilia quidem & immobilia, non tamen omnium, sed Italicarum duntaxat, non etiam provincialium, nec mancipi *l. unic. C. de usucap. transform.* longi verò temporis acquisitio, erat etiam rerum incorporalium *l. si quis diuturno 10. D. si servit. vind. l. penult. & ult. C. de servit. & aqu.*

Et hæc non solum procedunt iure civili antiquo, sed etiam ex constitutione Iustiniani. Neque mouet, quod Iustinianus tradit in *l. fin. C. de præscript. long. temp. l. 1. C. de usucap. transform.* præscriptionem longi temporis æquè locum habere in servitutibus, atque in rebus soli. Vnde existimat Cuiacius, ex constitutione Iustiniani, usucapionem & præscriptionem etiam procedere in servitutibus: quoniam Iustiniani constitutio loquitur, non de usucapione seu præscriptione servitutum, quæ nulla est, sed de præscriptione & exceptione longi temporis, quæ obijcitur volenti vindicare servitutem, quam aduersarius contendit præscriptione extinctam esse.

Vndè cum de servitutibus per longam quasi possessionem constituendis & acquirendis quæ-

quæritur, eâ in re separanda est vsucapio, à longi temporis acquisitione. Nam vsucapi non possunt seruitutes rusticæ, quia non habent certam continuâmq; possessionem: sed nec vsucapiuntur seruitutes urbanæ, nam etsi earum possessio sit certa & continua, tamen vsucapionem sustulit lex Scribonia. Nulla igitur seruitus, vt præcedenti conclusione docui, per vsucapionem acquiritur, inducitur aut imponitur: sed omnis seruitus, tam rustica quàm urbana, induci & acquiri potest diuturno vsu & longâ quasi possessione. Idque probat Imperator in seruitute luminis in *l. 1. C. de seruit. & aqu.* Imò idem in cæteris seruitutibus perpetuam causam habentibus demonstrat text. in *l. foramen. D. de seruit. urb. præd.* dum ait, tempore non acquiri ius proluendi pauimenti, eâ ratione quod perpetuam causam non habeat, igitur à contrario sensu si causam habeat perpetuam, poterit acquiri tempore *l. si manifestè, & d. l. 1. C. de seruit. & aqu.* omnes autem seruitutes tam rusticæ quàm urbanæ, habent causam perpetuam, vt ostendemus in proximè sequenti conclusione; omnes ergò seruitutes acquiruntur longo tempore & diu-
turno

diuturno usu *l. apparet. §. si quis servitutem. D. de itin. actuque priu.* Effectus autem huius acquisitionis in eo est, quod ei qui acquisivit longo tempore, quæsitæ est servitus, non aliter atque si iure esset imposita, ut loquitur Iuriconsultus in *l. 1. in fine. D. de aqu. plu.*

Obijciat fortasse quispiam, quod cum servitus non utendo amitti, atque adeò aduersus eam libertas usufructu possit *l. sequitur. §. ult. D. de usufructu. l. hæc autem. D. de servit. urb. præd.* ita similiter utendo usufructu posse videatur, siquidem contrariorum ² eadem est doctrina, ² *arg. l. 3. & l. qui vetante. §. ult. D. de Reg. Jur.* Sed parata est solutio; hic enim magna discriminis subest ratio, quia negligentia mea continua esse potest in quacunque servitute, dum non utar: at nullâ diligentiam meam vel industriam fieri potest, ut continuo utar *l. servitutes. D. de servit.* ac quanquam hæc libertatis servitutis usufructus vocetur, non tamen verè usufructus est, sed propter non usum longi temporis, servitutis amissio seu interitus.

CONCLUSIO DECIMANONA.



Eandem rationem quasi possessionis in omnibus seruitutibus obtinere ponimus, reiecta eorum opinione, qui seruitutes aliquas discontinuas faciunt, ob quod in eis diuersum statui debere contendunt.

S V M M A R I A.

- | | |
|---|--|
| <p>1 Quas Interpp. vocent continuas & discontinuas seruitutes.</p> <p>2 Seruitutum continuarum & discontinuarum distinctio hic explosa.</p> <p>3 Omnes seruitutes habent causam perpetuā, licet vsum non omnes habeant continuum.</p> <p>4 Discrimen est, inter perpetuam causam habere, & inter vsum continuum.</p> <p>5 Seruitutes reales animo etiam possidentur.</p> <p>6 Quemadmodum rerum corporalium possessio animo</p> | <p>retinetur, ita quoque rerum incorporealis quasi possessio.</p> <p>7 Interdictum de itinere actuque priuato, etiam ei datur, qui tempore interdicti redditū, itinere vsus non est.</p> <p>8 Ratio cur qui in suo triclinio habet foramen, prolucendi sui pauimenti gratiā, nec habeat flumen, neque ius fluminis tempore acquirere possit.</p> <p>9 Ex stagno aut lacu, seruitus constitui non potest.</p> |
|---|--|

Qui,



Vidam inter servitutes continuas & discontinuas distinguendum arbitrantur. Continuas ¹ servitutes vocant, quarum usum, absque humana operatione factoue, exercere possumus: discontinuas contra, ad quarum usum exercendum, humana operatione factoue opus est; quibus non assentior: ea siquidem distinctio exploditur ² per *l. foramen. D. de servit. urb. prad.* quæ apertè demonstrat, omnes omninò servitutes, perpetuam habere causam debere, id est, naturale quoddam subiectum, servientium prædiorum intuitu, ex quibus absque hominis operatione seu artificio, iure fruamur servitutis.

Procedunt itaque prædicta citra discrimen continuationis vel discontinuationis, dummodò servitus secundum substantiam & originem suam sit continua, id est, causam perpetuam habeat *d. l. foramen, l. 1. §. loquitur. D. de aqu. quotid. l. 1. §. hoc interdictum. D. de fonte.* Si verò agatur de servitute, quæ in suâ naturâ & substantiâ, perpetuam causam non habeat, cessat diuturnus usus & longi temporis possessio, quia huiusmodi servitutes in rerum naturâ subsistere non possunt *d. l. foramen cum seq.*

Gg 2

D. d.

D. d. tit. de seruit. urb. prad. ideoque nullo temporis spatio nullóque usu acquiruntur, quoniam longi temporis consuetudo, constitutæ seruitutis vicem subit *l. 1. C. de seruit.* nihil autem repugnans naturæ seruitutis constitui potest *l. ut pomum. 8. D. de seruit.* quod igitur pacto conventionēve induci nequit, præscriptione longi temporis induci non potest.

- Ex quibus, cum pateat, omnes seruitutes esse
- 3 continuas, cum omnes habeant causam 3 perpetuam, perpetuamque possessionem ex naturali causâ dependentem, quæ perpetua est, licet usum non omnes habeant continuum, ex quo possessioni nihil derogatur aut diminuitur, cum per hoc non censeatur interpellata vel amissa possessio, quod quis ei corporaliter non insistat, dicendum est seruitutes omnes æqualiter quasi possessione longóque tempore acquiri, cum par omnium eadēque sit ratio.

- Magna sane est differentia, inter perpetuam
- 4 causam 4 habere, perpetuamque possessionem, & inter usum continuum; causa enim perpetua vel non perpetua, ex parte seruientis prædij in considerationem venit *d. l. for amen*, continuus autem usus ex parte fundi dominantis
- d. l.*

d. l. servitutes. D. de servit. Quod si quempiam aliquis adhuc scrupulus remoretur, is audiat Imperatorem Iustinianum, qui de omnibus generalem definitionem tradit *in l. fin. C. de præscript. long. temp.* & quod ibi dicitur ad omnes servitutes pertinere, ratio iuris vult. Ac notandum loqui textum hunc, etiam de usufructu, cum tamen nemo tam continenter tamq; perpetuò frui possit, quin aliquo modo factum fruendi interrumpatur, quemadmodum de itinere scribit Paulus *in l. servitutes 14. de servit.* neq; enim continenter ire possumus: verum quamvis nequeat fieri ut continenter eamus, aut aquam haurire possimus, tamen facultatem habeamus perpetuò eundi, aquam hauriendi vel similia agendi, id est, cum libuerit.

Quod ius est in personalibus, par esse oportet in servitutibus realibus. Servitutes personales, quamvis actus habeant discontinuos, tamen continuæ sunt, idem de realibus fit iudicium: de realibus enim idem dici quid impedit? At inquirunt, personales personæ debentur, & ab animo hominis continuò possidentur: hæ prædio debentur, quod animi particeps non est; fateor. Sed an illud quoque verum est, quod inde inferunt, reales animo

possideri non posse: neutiquam: neque enim ipsum prædium, sed qui prædia possidet, seruitutum realium, tam urbanarum, quàm rusticarum possessionem habere censendus est *l. 32. in fin. D. de seruit. urb. præd. l. fin. de seruit.*

- Planè si in rebus corporalibus animo retinetur possessio, uti reuera fit, *l. clam 6. in fin. l. 1. §. 14. D. de acq. possess.* quantò magis in rebus incorporalibus, in quibus, potissimum animus dominatur? Ac si quis dixerit, similiter accidere quemadmodum in rebus corporalibus earumque præscriptione, rectè dixerit. Nam quando semel corpore & animo possessionem adepti sumus, ad eam retinendam solus animus sufficit: ita dici potest de quasi possessione iurium incorporalium, ut enim quasi possessionem horum iurium nanciscamur, satis est, itum fuisse, aut aquam haustam fuisse, atque illa quasi possessio sic acquisita, animo post retinetur. Quà ratione, interdictum de itinere actuque priuato, quod retinendæ possessionis gratiâ datur *l. 1. §. 1. §. 2. de itin. actuque priuato.* etiam ei competit, qui tempore interdicti rediti & itinere usus non sit *l. ult. d. t.* Nulla igitur seruitus, quæ non habeat possessionem continuam,

nuam, cum semel cœperit: quamvis vsus non omnes habeant continuum *l. 14. l. 20. D. de servit. urb. prad.* neque enim statim fit possessionis interruptio, si vsus non est continuus, modò semper facultatem habeam vtendi illâ servitute. Idem est in rebus corporalibus, quæ absque distinctione quod eæ sint continuæ vel discontinuæ, longo tempore vsucapi possunt *toto tit. C. de præscript. long. temp.* quanquam ijs non continuò aut perpetuò vtamur *l. 1. §. 14. D. de acq. poss.* Vsus quidem in servitutibus possessionis vicem locumque obtinet; sed hoc, quod ad acquirendam possessionem attinet *l. fin. D. de servit.* quæ semel sic acquisita, retinetur animo, absque vsu *arg. l. 10. D. si servit. vindic. l. 2. C. de servit. & aqua.* Ex quibus constat, eum nec habere flumen, nec ius fluminis tempore acquirere, qui in conclavi vel triclinio suo habet foramen, per quod in fundum vicini eijcit sordes, effunditque pavimenti sui proluuium *l. foramen 28. D. de servitut. urb. prad.* quia pavimenti proluuium, (aut vt alij malunt, profluuium) non habet^s causam perpetuam vel naturalem, sed manufactam: vnde cum foraminis causa, principiumque artificiale

tificiale sit, & vsus interruptus, seruitutis nomen sibi nequaquam potest assumere.

Sic stillicidium ex aquâ pluuiali non est naturale vel perpetuum: at verò perpetuum & naturale est stillicidium ex aquâ pluuiâ, cum ex naturali causâ fiat *d.l. foramen. D. eod.* & proinde huius non etiam illius stillicidij potest constitui seruitus. Quâ ratione ex stagno 6 aut lacu, cum manu fiant, seruitus constitui nequit: est enim stagni aut lacus artificialis, non naturalis aqua, & non habet perpetuam causam quod manu fit; stagnum autem habet aquam duntaxat temporalem, & quæ hyeme quidem colligitur & æstate arefcit *l. i. §. stagnum. D. ut in flumine publico.* Lacus verò non habet aquam ductilem & manalem, sed suos terminos retinet *l. lacus. D. de acquir. rer. domin.* quoniam non fluit, nec manat, adeoque nec duci potest, sed consistit & restagnat.

Vnde fluminis seruitus duci non potest, nisi ex aquâ perenni seu perpetuâ, videlicet ex flumine vel ex fonte *l. Lucio. D. de aqu. quotid.* quia fons habet aquam naturalem, perennem & viuam *l. i. D. de fonte.*

Porro aquam esse perennem & viuam, necesse

cesse est: verum non sufficit, nisi etiam sit ductilis & manalis; quâ ratione fluminis ius imponi puteo non potest. Est quidem in puteo aqua viua, verum ea sic est depressa, vt duci & manare non possit. Quemadmodum etiam, quædam aliæ ita sunt summersæ, vt defluere extra terram & vsui esse non possint vt ait Vlp. in l. 1. §. loquitur. D. de aqu. quotid. & astiu.

CONCLUSIO VIGESIMA.



Longum tempus quo seruitutes acquiruntur, idem est quod rerum immobilium vsucapioni constitutum est, decem scilicet annorum inter presentes, & viginti inter absentes.

S V M M A R I A.

- | | |
|---|---|
| <p>1 Explicatio l. seruitutes 14. D. de seruit.</p> <p>2 Descriptio longi tēporis præscriptionis.</p> <p>3 In seruitutibus regulariter 10. vel 20. annorum tempus sufficit, nisi talis sit seruitus, quâ non nisi certo tempore uti possimus,</p> | <p>tunc enim tempus duplicatur.</p> <p>4 Intellectus l. hoc iure. §. ductus aqua. D. de aqu. quotid. & ast. & quarundam aliarum.</p> <p>5 Quid in præscribendis seruitutibus, de praxi & moribus nostris obineat.</p> |
|---|---|

Hh

Hic



Hic iterum dissentiunt & hallucinantur DD. variè: maximè illi, qui inter seruitutes continuas & discontinuas distinguendum autumant; easque longo, has immemoriali solum tempore præscribi asseuerant. Verum nos explosâ illorum distinctione seruitutes omnes indifferenter, longò tempore siue longi temporis consuetudine acquiri, satis iam ante probauimus. Exploditur quoque prædicta distinctio *ex l. apparet. §. penult. D. de itin. actuque priuato*, vbi Iurisconsultus loquitur disertè de actu itinerèque priuato, atque iter & actus sunt discontinuæ seruitutes.

Nobis non aduersatur *l. seruitutes 14. D. de seruitut.* tantum enim abest, vt pro communi opinione distinctioneque veterum faciat Paulus *in d. l. 14.* quin potius eorum distinctionem inter seruitutes continuas & discontinuas, seu urbanas & rusticas subuertat. Quin imò non ineptè tradunt quidam, eam Pauli esse sententiam siue traditionem, vt omnium seruitutum tam earum quas continuas vocant, quàm earum quas discontinuas appellant, quasi possessio continua esse nequeat. Quod inde relucet,

cet, quia servitus luminum continua est, in-
quiunt, atqui usus eius non est continuus, ne-
que hac luminum servitute noctu utimur, ergo
licet possessio seu usus servitutum sit disconti-
nuus, earum tamen causa perpetua esse debet,
nimirum debet semper esse aqua quæ duci pos-
sit, similiter semper debet esse fundus per quem
eundi facultas sit *l. foramen. D. de servitut.*
urb. præd.

Audiamus Iurisconsultum: Servitutes, in-
quit, rusticorum prædiorum, etiam si corpori-
bus accedunt, incorporales tamen sunt, & ideo
non usucapiuntur; vel ideo quia tales sunt ser-
vitutes ut non habeant continuam possessio-
nem. Postea subiungit: Idem observatur in vr-
banis servitutibus. Non ait Iurisconsultus, dis-
continuas servitutes, longo tempore non præ-
scribi: sed propriè non usucapi quaslibet servitu-
tes, eâ ratione quod incorporales sint, rusticas
verò etiam aliâ ratione, quod non sit earum pos-
sessio continua, quæ ad veram usucapionem
perficiendam est necessaria. Plane eas quasi
usucapi constat *l. si quis diuturno. D. si servit.*
vindic. nec id etiam Paulus negat, qui neutras
propriè usucapi inquit, idem enim ait iuris esse

236 PETRI CLASENI TRACTATVS
in vrbaniſ ſeruitutibus, quod ante dixerat in
ruſticis.

Supereſt itaque, quale ſit illud longum tem-
pus, paucis enucleemus. Et quidem longi tem-
poris definitionem à Paulo traditam *lib. 5. re-
cept. ſentent. tit. de uſucap.* videamus. Longi
temporis præſcriptio, inquit, inter præſentes
2 continuo decennij ² ſpatio, inter abſentes vi-
cennij comprehenditur. Meminerunt & huius-
ce longi temporis deſcriptionis Modesti-
nus in *l. calculi erroris. D. de adminiſtr. rer. ad ci-
uit. pertin.* Hermogenianus in *l. in omn. D. de
diuerſ. & temporal. præſcript.* & alij plerique
Iuriſconſulti. Ex quibus locis manifeſtum eſt,
longi temporis ſpatium per Iuriſconſultos de-
finitum eſſe, decemque annorum inter præ-
ſentes, & viginti inter abſentes cancellis eſſe
circumſcriptum, quod deinde confirmauit Iu-
ſtinianus in *l. penult. C. de præſcript. long. tem.*
Planè longum tempus idem eſſe, quod rerum
immobilium uſucapioni conſtitutum eſt, ex
prædictis ſatis conſtat, hoc eſt, decem annorum
inter præſentes & viginti inter abſentes, quem-
admodum & Imperatores illud interpretati
ſunt in *l. 1. & 2. C. de ſeruitut. & aqu. l.*
unic.

DE CONTROV. SERVIT. MATERIA. 237
unic. C. de vsucap. transform.

Latâ siquidem lege Scriboniâ (vt hoc obiter moneam) constitutum erat , vt tantum libertas possit vsucapi *l. 4. §. fin. D. de vsucap.* Verùm hoc ius legis Scriboniæ emendare & corrigere Prætoria benignitas cœpit , & quam sustulit Scribonius seruitutum biennalem vsucapionem, eam nouâ quadam longæ possessionis prærogatiuâ defendit Prætor *l. si aliena 10. §. 1. D. de vsucap. l. 1. §. ult. D. de aqu. & aqu. plu. arc.* & ita post legem Scriboniam seruitutes longo vsu & longâ quasi possessione acquiri poterunt. Tandem Iustinianus præscriptionem seruitutum perfectè restituens, constituit, vt seruitutes indifferenter omnes longo tempore, hoc est, decem annis inter præsentis, viginti inter absentes acquirerentur, perque ac res ipsæ immobiles *l. fin. C. de præscript. long. temp.*

Fatendum enim est, quod licet solum diuturnus vsus in seruitutibus requiratur, qui certo tempore non est circumscriptus *d. l. si quis diuturno, l. apparet. §. penult. de itin. act. priu.* regulariter tamen 3 10. vel 20. annorum tempus sufficere *l. si quis diutina. C. de præscript. long. temp.* nisi talis sit seruitus, quâ non nisi

H h 3 certo

certo tempore vtendi quis facultatem habeat, veluti cum sic constituta est, vt alternis mensibus quis vtatur, nam tunc tempus duplicatum requiritur *l. fin. C. de seruit. & aqu. l. si sic. D. quemad. seruit. amitt.*

Nec superioribus aduersatur. *l. hoc iure. §. ductus aqua. D. de aqu. quotid. & astin. l. 1. §. ult. l. 2. & l. ult. D. de aqu. plu. arc.* quibus in locis, prudentes Iuris, ad acquirendam seruitutem, infinitum tempus siue infinitam memoriam, hoc est, tantū tempus cuius origo memoriam excefferit, requirere videntur. Nam si penitus inspiciamus, declarant ibidem Iurisconsulti vetustate temporis seruitutem acquiri ⁴ & iure constituti haberi: neq; tamen negant, minori temporis spatio, 10. videlicet vel 20. annorum seruitutem acquiri posse, vt ante luculenter probauimus, cum hoc expressè doceant varij iuris loci, & manifesta Iurisconsultorum responsa, adeò vt argumentum à contrario sensu notoriè hic subsistere nequaquam possit.

Fatemur quidem, neque imus inficias, eò efficaciorē acquisitionem quò vetustior est; sed vetustatem temporis ad acquirendam seruitutem semper desiderari negamus. Igitur &
vetu-

vetustas & consuetudo longi temporis vicem constitutæ servitutis obtinet: sed vetustas, id est, tantum tempus cuius origo hominum memoriam excesserit, semper pro lege etiam habetur *d.l.2. D.de aqu. plu. arc.* eoque casu idem erit, atque si iure servitus imposita esset.

Itaq; vt præcitas leges enodemus, aquæductui authoritatem dat non solum diuturnus usus, si quis ita se duxisse contendat 10. aut 20. annorum spatio, non vi, non clam, non precario: sed & si id non contendat, vetustas, id est, infinita memoria siue tantum tempus cuius initij aut originis memoria non extat, aquæductui authoritatem dabit *l. si manifestè. C. de servit. l.4. C. de aqueductib. lib. 11. d.l. hoc iure s. ductus aque. de aqu. quotid.* quemadmodum eruditè explicat Iacob. Cuiacius in *l.4. D. de usucap.*

Quamvis autem de iure ita sese res habeat, tamen de praxi aliter obtinere quidam tradiderunt, qui in præscribendis servitutibus requirunt tempus infinitum. Quod etsi valde sit controuersum, vt multis in vtramque partem assertoribus probat Ferdinand. Vasquius *lib. 2. controu. cap. 84.* & nos contrarium verius esse do-

S V M M A R I A .

- | | |
|---|---|
| <p>1 Hic, per ius, Iuriconsultus intelligit titulum.</p> <p>2 Ratio, quare ad servitutem quasi usucapionem titulo non sit opus.</p> <p>3 Vna præsumptio sæpè tollit & elidit aliam.</p> <p>4 Explicatio cap. 2. in fin. ÷. de</p> | <p>præscript. in 6. & c. ad decimas de restit. spoliat.</p> <p>5 Facilius præscribitur ius quoddam rei, quam tota res.</p> <p>6 Argumenti à Reuaro propositi solutio.</p> <p>7 Laus piæ memoriæ Clarissimæ D. Syluij.</p> |
|---|---|



Væstio est apud nostros non parum controuersa, vtrum ad servitutem vsucapiendam requiratur titulus? quasi de hac re non essent leges expressæ; mihi quidem textus clari videntur, qui id satis explicent. Nam Vlpianus in l. 10. *D. si seruitus vind.* hanc controuersiam dirimit, qui loquens de aquæductu, ita inquit: Si quis longo vsu, & longâ quasi possessione ius aquæ ducendæ nactus sit, non est ei necesse docere de iure, quo aqua constituta est. Atque hoc ius statim interpretatur ¹ titulum; subiungit enim, veluti ex legato vel alio modo. Quid amplius? frustra clariorem textum quis desideret, cum legatum vsucapiendi titulum esse notius sit, quàm vt

Ii lon-

longiore deductione opus sit. Nam cum ex iure legati seruitus constituitur, ex titulo pro legato constitui dicitur: & titulus pro emptore, pro legato, pro dote & cæteri, à Iurisconsulto tituli appellantur *l. i. D. pro dote, item titulo pro legato, titulo pro emptore & similibus*. Præterea cum ius mihi aliquod constituitur, necessario per titulum constitui necesse est. Itaque hic per ius, titulum à Iurisconsulto significatum esse, existimandum est.

Porro refert, an quasi possessio & præscriptio, sit ex titulo an sine titulo: nam quasi possessio cum titulo, facit ut seruitus & actio de servitute sit directa, sed quasi possessio sine titulo, operatur ut seruitus & actio de servitute sit tantum utilis, quod patet, cum textus dicat utilem actionem dari *l. d. l. si quis diuturno. D. si servit. vind.* nisi possessio sit vetusta & hominum memoriam excedens, nam eo casu vetustas est loco constituti, vel est vice legis, id est, loco tituli, quia servituti authoritatem dat, etiamsi ius non probetur ut Scævola loquitur *in l. fin. D. de aqu. plu. arc.* Proinde, ad præscriptionem servitutum, non requiri titulum, verior est sententia. Idque etiam confirmat Vlpianus *in l. i. §. ult.*

§. *ult. d. tit. de aqua. plu. arc.* Idem probant infinita Iurisconsultorum responsa, in quibus solâ longi temporis præscriptione ius aliquod nobis acquiri docemur *l. sciendum. D. de verb. oblig. l. si certis annis. C. de pact. alijsque similibus.* Scio in legibus plerumq; tituli mentionem fieri, cum de vsucapione agitur. Nullo iusto titulo possidentes, ratio iuris quærere dominium prohibet, aiunt Imperatores in *l. 24. C. de rei vindic.* Verùm illa in rebus corporalibus, in quibus vera est & propria possessio, locum obtinent, in incorporalibus nequaquam.

Cur autem titulus in hac servitutum quasi vsucapione non requiratur, sicut in vsucapione rerum corporalium. Ratio est, quia res
 2 corporales etiam ignaris dominis vsuca- 2
 piuntur *l. ult. in fin. C. de præscript. long. temp.* servitutes verò longi temporis consuetudine siue longâ quasi possessione acquiri nequeunt, nisi cum scientiâ dominorum, atque adeò scientia dominorum vice tituli fungitur. Itaque servitutem acquirō & præscribo, si eâ vsus sim non vi, non clam, non precario, per longum tempus, licet non doceam ex causâ legati, vel donationis, vel emptionis, vel alterius tituli ad

scriptione totius alicuius rei agatur, an verò de præscribendo 4 aliquo iure, per quod res illa diminuatur seu deterior fiat: priore casu titulus necessarius est, posteriore verò nequaquam. Ita tenent Alberic. Angel. Paul. & alij *in dicta lege si quis diuturno*. Andreas Tiraquellus *cum innumeris alijs quos allegat. de præscript. §. 1. Gloss. 4. vers. 14. & 39.* Et vocat hanc communem opinionem & solutionem Couarr. *var. resol. cap. 17. lib. 1. num. 7.* quam tamen ipse ibidem impugnat, defendit latè Ferdinandus Vasquius *illustr. controu. part. 1. lib. 2. cap. 78.* Nam longè facilius admittitur, vt aliqua res deterior fiat per abscessum alicuius iuris 5 ad eam pertinentis, vel etiam per abscessum alicuius quotæ partis, quam quod tota illa res pereat, abscedat vel ad alium transferatur, vt post alios præclare in simili declarat Corneus *per text. in l. cum quaestio. C. de legat.* Vnde ad legem vnicam C. *de usucap. transform.* respondendum, ibi agi de præscriptione ipsius rei. Quemadmodum & *in cap. de præscript. in 6.* pariterque *in cap. ad decimas de restitut. spoliat.* agebatur de præscribendo ipso decimandi iure,

c. II. aliorumque quorundam vestigijs insistent
 Iacobus Ræuardus, inquiens in hæc verba. Et
 vulgò quidem receptum est, titulum necessa-
 rium non fuisse, propter hæc Vlpiani verba: Si
 quis diuturno usu & longa quasi possessione ius
 aquæ ducendæ nactus fuerit, non ei necesse est
 docere de iure, quo aqua constituta est, veluti
 ex legato vel alio modo, sed utilem habet ac-
 tionem, ut ostendat per annos fortè tot, usum
 se non vi, non clam, non precario *l. 10. si servit.*
vind. Verùm huiusmodi sententiæ subscribere
 nunquam potui. Quid enim aliud est, docere
 de iure quo aqua constituta est, quam probare
 an iustè aqua sit constituta? Quid item est aliud
 ostendere usum se non vi, non clam, non pre-
 cario; quam aliquem auctoritatis titulum pro-
 ferre? quomodo enim docere poteris te non vi
 possedisse, nisi auctorem tuum à quo possessionem
 nactus es, nominaueris? & qua ratione o-
 stendes te non clam possedisse, nisi te sine ali-
 quo celandi animo prædij servientis domino
 tuam possessionem denunciasset probaveris?
 quî denique probabis te non precario possedis-
 se, nisi manifestum feceris, qua autoritate ius
 aquæ ducendæ nactus fueris? Hactenus Ræ-
 uar-

Quæ cum ita sint, illa verba magis probant titulum non desiderari, quoniam exigunt vsum seruitutis domino prædij seruituti obnoxij sciente, quod non rectè, imo contra ius exigeretur interueniente titulo *legibus prædictis*. Manet igitur in præscribendis huiusmodi rebus incorporalibus, titulum non requiri, sed sufficere scientiam & patientiam aduersarij quæ vice tituli fungitur, licet secus sit in præscriptione rerum corporalium. Ratio discriminis in promptu est, quia in præscriptione iurium incorporalium opus est scientia & patientia aduersarij, quæ inducit quendam præsumptum consensum, quandamque fictam concessionem, quæ tantæ operationis est, tantæ ænergix, tantiq; effectus, quanti expressa in corporalibus *arg. l. Labeo. 19. D. de acquir. poss. Conan. lib. 4. comment. cap. 20. Hotoman. lib. 8. obser. 18.* Plane lex illa, quæ omnes hasce turbas conciuuit immeritò (vt ex supradictis patet) hoc duntaxat requirit, vt qui seruitutem sibi asserit, ea longo tempore & bona fide vsus sit. Vnde ad exclusionem malæ fidei, debet præscribens præter vsum aliquid ponere ac probare: nimirum quod sæpius à vicinis vel alijs audiue-

K k rit

uerit talem seruitutem fundo suo competere,
 vel quod fuerit de hoc publica vox vel fama,
 nam per hoc induceretur iusta credendi causa.
 Et hæc quidem est, vtilissimæ simul & difficil-
 limæ huius legis, de cuius intellectu Ræuardus
 acriter dimicat, genuina & perspicua resolutio,
 quam summopere probabat & collaudabat pia
 memoriæ Præstantissimus Doctor D. Corne-
 lius Syluius, simulatque illam ei communi-
 cassent. Quæ proinde solutio amplectenda est,
 maximè cum talis tantique viri eminens &
 7 emunctum 7 ingenium, maturumue iudicium
 eam comprobarit. Is enim fuit Iuris vtriusque
 doctrina clarissimus, & in hac ciuitate nostra
 Louanienfi Dignissimus Antecessor: cuius ma-
 turum iudicium, emunctum ingenium, &
 in rebus gerendis dexteritas, ad primariam eum
 Iuris canonici professionē meritissimè eucexerāt.

CONCLUSIO. VIGESIMASECVNDA.



Imilis est disceptatio, vtrum in hac
 seruitutum per longi temporis vsu
 acquisitione, requiratur scientia ad-
 uersarij? & quidem non requiri com-
 muni.

DE CONTROV. SERVIT. MATERIA. 253
 muni DD. calculo receptum: contrariam ta-
 men sententiam neutiquam rationibus carere,
 imò & veriore[m] esse defendam.

S V M M A R I A .

- | | |
|--|---|
| <p>1 <i>Rei vocabulum esse πολῦτον
 μόνον ostenditur.</i></p> <p>2 <i>Ad translationem dominij,
 necessaria est traditio</i></p> <p>3 <i>Sed in rebus incorporalibus
 ipsius Iuris usus, traditio-
 nis vice fungitur.</i></p> <p>4 <i>Is propriè pati dicitur, qui
 non ignorat.</i></p> <p>5 <i>Ad servitutum præscriptio-</i></p> | <p><i>nem, necessaria est domi-
 nis scientia.</i></p> <p>6 <i>Ad obiectiones in contrariū
 adductas responsio.</i></p> <p>7 <i>Laus prænominati D. Cor-
 selij</i></p> <p>8 <i>Aliud discrimen inter usu-
 capionem & acquisitio-
 nem servitutum.</i></p> |
|--|---|



Atâ & generali significatione rei, res
 vsque adeò patet, vt non eas res dun-
 taxat, quæ visui ac tactui humano
 subiiciuntur, siue eæ vitæ, rationis-
 que sint compotes siue non, sed & quas gram-
 matici nec tãgi nec videri posse definiunt, sub
 se complectatur. Vnde quæ in iure aut facto
 consistunt, qualia habentur: hæreditas, obli-
 gationes, nomina debitorum, iurisdictio, a-
 ctiones & similia, quæ Cicero in *Topic. ad
 Trebatium*, in intelligentiâ posuit, rei appel-

254 PETRI CLASENII TRACTATUS
latione veniunt. Et hac significatione Iustinianus diuisionem tradens, quæ rerum substantiam considerat, eas in corporales & incorporales partitur. Incorporales verò sunt, quæ in iure tantum consistunt, & solâ animi cogitatione ac intellectu percipiuntur, non autem per actus corporeos cognoscuntur. Quâ ratione Cicero in *Topic. præfato loco*, sicut illas existere, ita has intelligi tantum dicebat.

Vt autem transeat rei dominium, non sufficit contractus, sed opus est 2 traditione, non modo in rebus mobilibus *ut in l. traditionibus. C. de pact.* verum etiam in rebus immobilibus *ut in l. si ager. D. de rei vindicat.* Res autem incorporales tradi non possunt, quia nec possunt oculis cerni nec manibus contrectari, ut ait Quintil. *lib. 5. cap. 10.* Nam ut inquit Lucretius, tangere enim & tangi nisi corpus, nulla potest res: & proinde nulla earum 3 est traditio, sed ipsius iuris usus 3 est pro traditione ut inquit text. in *l. quoties 2. D. de seru.* Hoc verum, si seruitutis dominus eo iure utitur debitore sciente *l. si à te. D. si seruitut. vind.* Nam quemadmodum ad traditionem rei corporalis, vtriusque voluntas ut concurrat opus

opus est, tradentis nimirum & accipientis §. *per traditionem instit. de rer. diuis.* pari modo in rebus incorporalibus, ut iuris usus sit pro traditione, necesse est servitutis dominum eo iure uti sciente debitore: quo sensu dicitur, in rebus incorporalibus usu & patientiâ opus esse *d. l. quoties 2. & similiter Vlpianus* requiri traditionem & patientiam ait *in l. si ego. §. 1. D. de public. in rem actione.* Porro an ad servitutum præscriptionem opus sit, & de necessitate requiratur domini scientia, ambigua quæstionis est: mihi magis probatur opinio, quæ domini scientiâ opus esse ait, eaque expressis textibus iuris videtur subnixa. Probatur per textum *in d. l. 2. C. de servitut. & alibi* requiritur domini patientia *ut l. 1. §. ult. D. de servitut. rust. præd. l. etsi fortè. §. sciendum. D. si servit. vindicet.* Patientia autem sine scientia interuenire nequit, cum is propriè 4 pati dicatur qui non ignorat *l. qui patitur. D. mandati.* Alibi verò hoc tantum desideratur, ut possessor eo iure sit usus, nec vi, nec clam, nec precario *ut in l. 1. C. de seru. & in d. l. si quis diutur. in fine* Quibus verbis (quemadmodum ante dixi) exigitur ut quis usus sit servitute domino prædij

5 seruientis sciente. Itaque domini scientia 5 requiritur, quæ vicem tituli supplet. Dicimus quidem aliquando consentire cum qui non dissentit *l. 2. §. voluntatem. D. solut. matrim.* verum tunc scientia non dissentientis exigitur, nisi talis esset persona, quæ sciens neque consensum neque dissensum haberet *ut in d. §. voluntatem*, veluti furiosus & amens, cuius nulla est voluntas *l. furiosus. D. de Reg. Iur.* Planè is qui sapit, non aliter consentit, quàm si vel expressim consentiat, vel tacitè: cum sciens non contradixerit.

Vnde refellitur vulgaris error interpretum, qui scripsere, aduersarij scientiam ad quasi seruitutem obtinendam & acquirendam non requiri, alioqui eam etiam ignorante illo, in cuius præiudicium quasi possidetur, posse acquiri.

Induxit interpretes in hunc errorem illud: quod alicubi scriptum est, ad seruitutis acquisitionem 6 requiri ipsius vsum, qui pro possessione habeatur *l. quoties via. D. de seruit. l. 1. D. de itin. actuque priu. l. usu. D. quemad. seruit. amitt.* Sed animaduertendum est locos illos commodè accipiendos: nam quamuis ijs locis
dum-

dumtaxat vsus mentio fiat, præterea tamen aduersarij scientia requiritur per leges modò supra commemoratas.

Obijciat quispiam *l. ult. in fin. C. de præscript. long. temp.* vbi Iustinianus, postquam dixisset, scientiam vel ignorantiam aduersarij non spectandam, immediatè subijcit, idem obseruandum in rebus incorporalibus quod in corporalibus, dum scribit: eadem obseruando si res non soli sint, sed incorporales quæ in iure consistunt, veluti vsusfructus & cæteræ seruitutes. Qui locus facessit negotium interpretibus. Ego breuiter dico, ad illum locum dupliciter posse responderi. Primò scientiam eius, qui prædium seruïens possidet, requiri ab initio in acquirendâ possessione seruitutis, cum aliter seruitutis possessio acquiri nequeat, quàm si aduersarius sciat & patiatur, vt supra dictum est: sed postquam scientiâ aduersarij constituta est seruitutis possessio, non amplius requiri scientiam ad complendam quasi vsucapionem, veluti in successore eius contra quem præscribitur, cuius ignorantia vsucapionem non interrupt; & ita ex mente Fulgosij responderi posset. Sed eò non recurro, in eo non persisto.

Respon-

Respondeo itaque & secundo, scientiam scilicet aduersarij non requiri in seruitute longo tempore acquirendâ, tum cum seruitus titulo possidetur *per d.l. fin. in fine*: cum verò seruitus sine titulo possidetur & longo tempore acquiritur, tum ne plura singularia concurrant, constitutum est, vt necessaria sit eius scientia contra quem seruitus præscribitur vt post Castrensem *in l. seruitutes num. 9. D. de seruit. & Corasium ad d. l. 4. num. 4.* alibi scribit spectabilis 7 ille (quem honoris causâ nomino, & cuius mentionem feci supra conclusione 5. *num 13.*) spectabilis inquam ille, eminentissimæque doctrinæ Vir Gerardus Corfeliuss.

Vnde differentijs inter vsucapionem & acquisitionem seruitutum superius à me relatis hæc adiicienda est, quod in acquisitione seruitutum 8 requiritur scientia aduersarij *l. 2. C. de seruit. & aqu.* quoniam diuturnus vsus in his seruitutibus est instar consuetudinis, quæ ex consensu ventium nascitur, *§. ex non script. instit. de iure nat. gent. & civili*: Quod secus est in vsucapione & præscriptione quæ pertinet ad extinguendam seruitutem, de quâ non malè quidam accipiunt Iustiniani constitutionem *in d.l. fin. C. de præscript. long. temp.*

CON-

CONCLUSIO VIGESIMATERTIA.



Emum sicuti servitutes certis modis constituuntur, ita iam constitutæ certis modis pereunt vel amittuntur, puta si remissæ fuerint, si dominus illis tempore à lege præfinito minimè usus fuerit, hac tamen differentia, quod non utendo omnino amittantur servitutes rusticæ, urbanæ non nisi vicinus libertatem simul usucapiat.

S V M M A R I A.

- 1 *Vsusufructus in perpetuum constitui non potest.*
- 2 *Nisi intercesserit conventio per quam efficiatur, ne proprietas domino sit inutilis.*
- 3 *Pluribus modis usufructus extinguitur.*
- 4 *Referuntur modi, quibus servitutes reales pereunt.*
- 5 *Tolluntur ea quoque per non*

usum 10. vel 20. annorum, sed non aequali modo rustica & urbana.

6 *Quis dicatur usucapere libertatem.*

7 *Servitutes censentur possideri cum ipsis prædijs.*

8 *Elementa homogenea inter se mixta, non mutant speciem, sed retinent idem nomen.*



usufructus sicut cum alijs servitutibus in quibusdam convenit, ita etiam in quibusdam differt. Sic usufructus in perpetuum i constitutio

Ll non

non subsistit, ne domino nimirum sit inutilis
 proprietas vsufructu semper abscedente. §. *ne
 tamen. D. de vsufr. & instit. eod. tit.* Qua-
 propter sic constitui eum necesse est, vt certis
 modis finiatur: videlicet ad vitam vsufructua-
 rij, aut certè ad vitam hæredis eius, dum tamen
 non extendatur in infinitum ad hæredem hæ-
 redis *l. antiquitatem. C. de vsufr.* Non absurdè
 tamen, huiusmodi constitutionem subsistere,
 quidam existimant, quâ cautum est, vt penes
 vsufructuarij hæredes & successores maneat in
 2 infinitum, modò adiecta fuerit pactio² quæ
 efficiat ne proprietas domino sit inutilis, verbi
 gratiâ, si intercesserit conuentio de domino
 præstandâ pensione perpetuâ, vt accidit in em-
 phiteusi & superficiario *l. 2. C. de iure emphy-
 teut. l. superficiario. D. de rei vindic.* aut vt ei
 præstetur introitus, quoties mutatur succedit-
 ue possessor, quemadmodum videre est in feu-
 do & in militia *l. penult. §. 2. & 3. D. de legat.*
 3. Quibus tamen omnibus casibus personâ va-
 riatâ, non est idem vsufructus sed nouus, vel
 (vt Iurisconsultus loquitur) censetur vsufru-
 ctus in personâ nouâ repetitus *l. 3. D. quibus
 modis vsufr. amitt.*

Perit

Perit itaque morte fructuarij vsusfructus *l.* 68. *D. de Reg. Iur. l. 13. solut. matrim. l. 1. de seruit.* Vt & cessione extraneo factâ. Si enim extraneo ³ cedatur, ad proprietatem reuersurum vsusfructum scribit Iurisconsultus *in l.* 66. *D. de iur. dot.* Perit etiam rei mutatione: adeò vt ne quidem aræ vsusfructus debeatur, ædibus incendio absumptis vel aliter dirutis (Area pars ædium est, & quidem maxima *l.* 98. §. *fin. D. de solut.*) sed duntaxat quamdiu constat ædificium, quo sublato in propriam transit speciem *l. 36. de usufr.* Cæterum de vsufructu, personali illâ seruitute, hæctenus diximus: nunc de amissione realium seruitutum aliquid subiungamus. Et quidem seruitus realis tollitur confusione: & seruitus esse desinit, si idem vtriusque fundi & dominantis & seruientis dominus esse cœperit, nimirum si tertius quispiam, vel si dominus prædij seruientis nactus fuerit dominium prædij dominantis aut è contra *l. 1. D. quemad. seru. amitt. l. quidquid. D. com. prad. cum nemini res propria seruiat l. 5. princ. si vsusfruct. petat.* Nec seruitus pristinum suum statum recuperat, quamuis vtriusque prædij dominus alienet ac transferat

è duobus prædijs vnum; si tamen vtriusque prædij dominium peruenerit ad vnum omnimodò, id est, si ad vnum tali modo peruenerit vt penes eum sit permansurum, alias secùs *l. legatarius. D. de legat. i.* Tollitur etiam + concessio actu, qui seruituti repugnet *l. 8. D. quem ad. seruit. amitt.*

Finitur quoque cessante conditione sub quâ concessa, vel tempore lapso ad quod promissa; licet enim perpetuam causam habere debeat, ideoque eius constitutio valere non possit ad tempus vel conditionem; rectè tamen promittitur ad tempus, cum promissio tantum respiciat personam, quæ ad tempus obligatione deuinciri potest: constitutio autem seruitutis pura erit, quamuis sit seruandũ pactum, & qui ultra quàm placuit seu conuentum est, vti voluerit, exceptione repellipotest *leg. 4. D. de seru.*

Præterea extinguitur per non vsum decem vel viginti, annorum *l. pen. & ult. C. de seruit. & aqu.* hac distinctione inter rusticas & vrbanas, quod rustica seruitus non vtendo omninò amittatur, id est, solo non vfu; sed vrbana seruitus ad sui amissionem, præter non vsum, requirit etiam, vt vicinij libertatem simul

mul vsucapiat *l. hac autem iura. D. de servit. urb. præd.* Is verò vsucapere libertatem ⁶ dicitur, qui cum scientiâ & patientiâ aduersarij, habet aliquid positum fixum aut erectum, quod servituti contrarietur seu repugnet *l. 4. §. ult. in fin. D. de vsucap.* nam eo facto transit in eum possessio *l. et si fortè. §. sciendum. D. si servit. vindic.* ex possessione verò sequitur vsucapio, si modo sit continua. Continua possessio in servitutibus æstimanda est ex coniunctâ ipsorum prædiorum possessione, ea enim est servitutum natura vt seorsim & per se possessionem aut traditionem non admittant, cum sint incorporales: censentur tamen ⁷ possideri & tradi cum ipsis prædijs, cum ipsis ædificijs *l. si aliena. §. hoc iure utimur. D. de vsucap.* Qui ergò est in cursu libertatis vsucapiendæ, & ante impleta vsucapionis tempora perdit possessionem ipsius ædificij, eius vsucapio est interrupta, cum possessio servitutis esse nequeat absq; prædio *d. l. si aliena. §. hoc iure in fine.* Itaque servitus amittitur non utendo. Imo si quis aliâ aquâ vsus fuerit, quàm de quâ in servitute imponendâ actum est, servitus amittitur, inquit Iurisconsultus Paulus *l. si quis aliâ. D. quem-*

ad. feruit. amitt. sed non censetur vsus aquâ aliâ, qui aquæ feruienti admiscuit aquam aliâ
l. si eo loco. S. qui latiore in fin. D. si feruit. vindic. Nam elementa homogenea inter se mixta⁸ non mutant speciem, quoniam aqua aquæ mixta retinet nomen idem & eandem substantiam, quemadmodum docemur autoritate Aristotelis *l. 1. de generat. cap. ult.* magis proinde laxata vel aucta esse aqua dici potest, quàm mutata.

Cæterum, hæc cum breuiter & succinctè pro ratione materiæ scripserim, illud Homericum *Iliad. 3.* mihi adscribi posse optarem.

Παῦρα μὲν, ἀλλὰ μάλα λιγύως ἔπει οὐ πολὺ μῦθος

Atque ita præsentī Tractatui finem impono;

Deo Opt. Max. immaculatæque Virgini

Patronæ nostræ dulcissimæ, & toti

Sanctorum cœtui gratijs

actis

FINIS.



Authori & Præsidi Clarissimo

D. PETRO CLASENIO

I. C. EXIMIO,

Omnisq; Politioris Litteraturæ Peritissimo;

Anagramma ad cognomen Authoris

CLAESENIUS.

LAC ES, EN IVS.

Vatum linque choros, facunda silentis ab ore
Dicta tace Rhetor, memori nec codice gestam
Dic rem: sublimi series nam vertice calum
Dogmata si Iuris pandas: prudentia namque
Diuarum mixtim humanis qua scitia rerum.
Distentum prabens uber, nullo discrimine LAC ES,
Doctrinâ lactans: EN IVS, quod mente repostum
Candidiore latet, nunc ecce recludis, eodem
Pergere qui tentas lactentes tramite, quo te
Euexi Pallas: non te quasunque per arteis
Tendere Diua veto, modo mentem ad magna parare
Non lassare queant: tibi Duxque comesque secunda
Ibo; tuum Hesperÿs & longis nomen Eois
Dicam, Igitur LAC ES, iuuat & monstrarier: EN IVS.

Fiscus & Collegium Palæstræ Clasenianæ.

Aliud eidem.

*Anteque, postque, palastris te ferre palamque
Prinatumque tuis commoda, quem latuit?
Se testem Schola praefert publica, quando frequentis
Tectis excipiens teque tuosque suos.
Non fallit Crandonck Iuuenum tumuisse coronâ
Cum sua tangebâs limina, Iura docens.
De te quisquis amans ausa aure mathemata traxit
Pandere Iustitiâ cogitat hac genium.
Palladis est Troianus equus tua ritè palastra,
Praclaros ex hac lux dedit alma viros.
Perge, age, cum lingua modulus nec promere cesset,
Doctrinam hanc praelo porrigere: astra cie,*

IACOBVS VANDER STEYN Bru-
gensis I. V. Licentiatus iam pri-
dem de Palaestra Claseniana.

C E N S U R A.

Tractatus iste D. PETRI CLASENI Iurisconsulti Loua-
niensis, de *Controuersa Seruitutum Materia*, perquam elegans
& eruditus est, nihilque continet quod offendant.

GUILIELMVS FABRICIVS, *Nouiomagus, Apostolicus
ac Regius librorum Censor.*

Cum priuilegio Serenissimorum Belgij Princi-
pum ad Sexennium.

A D L E C T O R E M.

Errorēs, qui irrepserunt, ita corrigendi. Pag. 30. lin. 15.
delendum *De*. Pag. 54. 27. leg. *necessaria*. p. 107. l. 1. leg. 71. p.
108. l. 12. quoque p. 112. l. 3. etiam. pag. 114. l. ult. *constitutum*. p.
122. l. 20. leg. *de seru. rust. prad.* p. 136. l. 9. deest *D. de p.* 147. l. 23.
deest l. p. 186. l. 12. *diei*. p. 195. l. 1. delendum *an.* & leg. *ante verò*.
& ibid. l. 13. leg. *visitata*. p. 204. l. 10. post formulâ ponendum
comma, p. 242. l. 17. delendum *l.* Reliquos, si qui sint, pru-
dens lector faciliè per se notet.



